

# HORATI OPERA




D. APPLETONII ET SOC.











Q. HORATI FLACCI  
OPERA.







LL

H8113Co

HORACE

(Q. HORATI FLACCI)

OPERA



NOVI EBORACI

IN AEDIBUS D. APPLETONII ET SOC.

MDCCCLXXXIII

5-1416  
23/9/90

## PRAEFATIO.

*NOVAM Horati operum editionem neque  
in animo fuit proferre neque eum me  
esse iudicavi qui tale opus aggrediceret. Lecto-  
ribus Anglis prodesse volui, ne foris petendus  
esset liber utendo habilis formaeque elegan-  
tioris; non doctis viris, quibus in tanta criti-  
corum copia satietatis quam inopiae maius  
periculum esse videretur. Quod potui, in  
doctiorum laboribus acquieci: nec fontis  
textuum adii, satis futurum ratus si optimas  
editiones inter se contulisset.*

F. W. CORNISH.

Etonae, MDCCCLXXXII.

*Asteriscus (\*) appositus est conjecturis  
in textum receptis: obelo (†) notavi locos  
dubios sed non temere immutandos.*



CARMINA.



## CARMINUM

### LIBER PRIMUS.

I. **M**AECENAS atavis edite regibus,  
o et praesidum et dulce decus meum,  
sunt quos curriculo pulverem Olympicum  
collegisse iuvat, metaque fervidis  
evitata rotis palmaque nobilis  
terrarum dominos evehit ad deos ;  
hunc, si mobilium turba Quiritium  
certat tergeminis tollere honoribus ;  
illum, si proprio condidit horreo  
quicquid de Libycis verritur areis.  
gaudentem patrios findere sarculo  
agros Attalicis condicionibus  
numquam dimoveas, ut trabe Cypria  
Myrtoum pavidus nauta secat mare.  
luctantem Icariis fluctibus Africum  
mercator metuens otium et oppidi  
laudat rura sui : mox reficit ratis  
quassas, indocilis pauperiem pati.  
est qui nec veteris pocula Massici  
nec partem solidō demere de die

10

20

spernit, nunc viridi membra sub arbuto  
 stratus, nunc ad aquae lene caput sacrae.  
 multos castra iuvant et lituo tubae  
 permixtus sonitus bellaque matribus  
 detestata. manet sub Iove frigido  
 venator tenerae coniugis immemor,  
 seu visa est catulis cerva fidelibus,  
 seu rupit teretes Marsus aper plagas.  
 me doctarum hederae praemia frontium  
 dis miscent superis, me gelidum nemus  
 Nympharumque leves cum Satyris chori  
 secernunt populo, si neque tibias  
 Euterpe cohibet nec Polyhymnia  
 Lesboum refugit tendere barbiton.  
 quodsi me lyricis vatibus inseres,  
 sublimi seriam sidera vertice.

3r

II. **I** AM satis terris nivis atque dirae  
 grandinis misit Pater et rubente  
 dextera sacras iaculatus arces  
 terruit Urbem,

terruit gentes, grave ne rediret  
 saeculum Pyrrhae nova monstra questae,  
 oinne cum Proteus pecus egit altos  
 visere montes,

piscium et summa genus haesit ulmo,  
 nota quae sedes fuerat columbis,  
 et superiecto pavidae natarunt  
 aequore dammae.

10

vidimus flavum Tiberim retortis  
litore Etrusco violenter undis  
ire dictum monumenta regis  
templaque Vestae,

Iliae dum se nimium querenti  
iactat ultorem, vagus et sinistra  
labitur ripa Iove non probante u-  
xorius amnis.

20

audiet civis acuisse ferrum,  
quo graves Persae melius perirent,  
audiet pugnas vitio parentum  
rara iuventus.

quem vocet divum populus ruentis  
imperi rebus ? prece qua fatigent  
virgines sanctae minus audientein  
carmina Vestam ?

cui dabit partis scelus expiandi  
Iuppiter ? tandem venias precamur,  
nube candardis umeros amictus,  
augur Apollo ;

30

sive tu mavis, Erycina ridens,  
quam Jocus circum volat et Cupido ;  
sive neglectum genus et nepotes  
respicis auctor,

heu nimis longo satiate ludo,  
quem iuvat clamor galeaeque leves,  
acer et Mauri peditis cruentum  
voltus in hostem ;

40

sive mutata iuvenem figura  
ales in terris imitaris, almae  
filius Maiae, patiens vocari  
Caesaris ulti:

serus in caelum redeas diuque  
laetus intersis populo Quirini,  
neve te nostris vitiis iniquuin  
ocior aura

tollat. hic magnos potius triumphos,  
hic ames dici pater atque princeps,  
neu sinas Medos equitare inultos  
te duce, Caesar.

50

## III.

**S**IC te diva potens Cypri,  
sic fratres Helenae, lucida sidera,  
ventorumque regat pater  
obstrictis aliis praeter Iapyga,

navis, quae tibi creditum  
debes Vergilium, finibus Atticis  
reddas incolumem, precor,  
et serves animae dimidium meae.

illi robur et aes triplex  
circa pectus erat, qui fragilem truci  
commisit pelago ratem  
primus, nec timuit praecipitem Africum

10

decertantem Aquilonibus,  
nec tristis Hyadas, nec rabiem Noti,  
quo non arbiter Hadriae  
maior, tollere seu ponere vo'l frēta.

quem mortis timuit gradum,  
qui siccis oculis monstra natantia,  
qui vidit mare turbidum et  
infamis scopulos Acroceraunia ?

20

neququam deus abscidit  
prudens Oceano dissociabili  
terras, si tamen impiae  
non tangenda rates transiliunt vada.

audax omnia perpeti  
gens humana ruit per vetitum nefas.  
audax Iapeti genus  
ignem fraude mala gentibus intulit :

post ignem aetheria domo  
subductum macies et nova febrium  
terris incubuit cohors,  
semotique prius tarda Necessitas

30

leti corripuit gradum.  
expertus vacuum Daedalus aera  
pennis non homini datis ;  
perrupit Acheronta Herculeus labor.

nil mortalibus ardui est :  
caelum ipsum petimus stultitia, neque  
per nostrum patimur scelus  
iracunda Iovem ponere fulmina.

40

IV. SOLVITUR acris hiemps grata vice veris et  
**S**Favoni,  
 trahuntque siccas machinae carinas;  
 ac neque iam stabulis gaudet pecus aut arator igni,  
 nec prata canis albicant pruinis.

iam Cytherea choros dicit Venus imminentे luna,  
 iunctaeque Nymphis Gratiae decentes  
 alterno terram quatiant pede, dum gravis Cyclopum  
 Volcanus ardens visit officinas.

nunc deceat aut viridi nitidum caput impedire myrto,  
 aut flore, terrae quem ferunt solutae;                      10  
 nunc et in umbrosis Fauno deceat imm'are lucis,  
 seu poscat agna sive malit haedo.

pallida Mors aequo pulsat pede pauperum tabernas  
 regumque turris. o beate Sesti,  
 vitae summa brevis spem nos vetat incohare longam.  
 iam te premet nox fabulaeque Manes

et domus exilis Plutonii: quo simul mearis,  
 nec regna vini sortiere talis,  
 nec tenerum Lycidan mirabere, quo calet iuventus  
 nunc oannis, et mox virginē tepebunt.                      20

V. **Q**UIS multa gracilis te puer in rosa  
perfusus liquidis urguet odoribus  
grato, Pyrrha, sub antro?  
cui flavam religas comam

simplex munditiis? heu quotiens fidem  
mutatosque deos flebit, et aspera  
nigris aequora ventis  
emirabitur insolens,

qui nunc te fruitur credulus aurea,  
qui semper vacuam, semper amabilem  
sperat, nescius aurae  
fallacis. miseri, quibus

10

intemptata nites. me tabula sacr  
votiva paries indicat uida  
suspendisse potenti  
vestimenta maris deo.

VI. **S**CRIBERIS Vario fortis et hostium  
victor, Maeonii carminis alite,  
quam rem cumque ferox navibus aut equis  
miles te duce gesserit.

nos, Agrippa, neque haec dicere, nec gravem  
Pelidae stomachum cedere nescii,  
nec cursus duplicitis per mare Ulixei,  
nec saevam Pelopis domum

conamur tenues grandia, dum pudor  
imbellisque lyrae Musa potens vetat  
laudes egregii Caesaris et tuas  
culpa deterere ingeni.

10

quis Martem tunica tectum adamantina  
digne scripserit, aut pulvere Troico  
nigrum Merionen, aut ope Palladis  
Tydilen superis parem ?

nos convivia, nos proelia virginum  
sectis in iuvenes unguibus acrum  
cantamus vacui, sive quid urimur,  
non praeter solitum leves.

20

VII. **L**AUDABUNT alii claram Rhodon aut  
Mitylenen  
aut Epheson, bimarisve Corinthi  
moenia vel Baccho Thebas vel Apolline Delphos  
insignis, aut Thessala Tempe ;

sunt quibus unum opus est intactae Palladis urbem  
carmine perpetuo celebrare et  
undique decerp tam fronti praeponere olivam ;  
plurimus in Iunonis honorem

aptum dicet equis Argos ditesque Mycenas :  
me neque tam patiens Lacedaemon  
nec tam Larissae percussit campus opimae  
quam domus Albuneac resonantis

10

et praeceps Anio ac Tiburni lucus et uda  
mobilibus pomaria rivis.

albus ut obscurō deterget nubila caelo  
saepe Notus neque parturit imbris

perpetuo, sic tu sapiens finire memento  
tristitiam vitaeque labores  
molli, Plance, mero, seu te fulgentia signis  
castra tenent seu densa tenebit

20

Tiburis umbra tui. Teucer Salamina patremque  
cum fugeret, tamen uda Lyaeo  
tempora populea fertur vinxisse corona,  
sic tristis adsatus amicos :

'quo nos cumque feret melior fortuna parente,  
ibimus, o socii comitesque.  
nil desperandum Teucro duce et auspice Teucro  
certus enim promisit Apollo

ambiguam tellure nova Salamina futuram.  
o fortis peioraque passi  
mecum saepe viri, nunc vino pellite curas :  
cras ingens iterabimus aequor.'

30

VIII. **L**YDIA, dic, per omnis  
te deos oro, Sybarin cur properes amando  
perdere, cur apricum  
oderit campum, patiens pulveris atque solis.

cur neque militaris  
 inter aequalis equitat, Gallica nec lupatis  
 temperat ora frenis?  
 cur timet flavum Tiberim tangere? cur olivum

sanguine viperino  
 cautius vitat, neque iam livida gestat armis      10  
 bracchia, saepe disco,  
 saepe trans sinem iaculo nobilis expedito?

quid latet, ut marinae  
 filium dicunt Thetidis sub lacrimosa Troiae  
 funera, ne virilis  
 cultus in caedem et Lycias proriperet catervas?

IX. **V**IDES ut alta stet nive candidum  
 Soracte, nec iam sustineant onus  
 silvae laborantes, geluque  
 flumina constiterint acuto.

dissolve frigus ligna super foco  
 large reponens, atque benignius  
 deprime quadrum Sabina,  
 o Thaliarche, merum diota.

permitte divis cetera: qui simul  
 stravere ventos aequore servido  
 deproeliantis, nec cupressi  
 nec veteres agitantur orni.      10

quid sit futurum cras fuge quaerere, et  
quem sors dierum cumque dabit lucro  
appone, nec dulcis amores  
sperne puer neque tu chores,

donec virenti canities abest  
morosa. nunc et campus et areae  
lenesque sub noctem susurri  
composita repetantur hora,

20

nunc et latentis proditor intimo  
gratus puellae risus ab angulo,  
pignusque dereptum lacertis  
aut digito male pertinaci.

X. **M**ERCURI, facunde nepos Atlantis,  
qui feros cultus hominum recentum  
voce formasti catus et decorae  
more palaestrae,

te canam, magni Iovis et deorum  
nuntium curvaeque lyrae parentem,  
callidum quicquid placuit iocoso  
condere furto.

te, boves olim nisi reddidisses  
per dolum amotas, puerum minaci  
voce dum terret, viduus pharetra  
risit Apollo.

10

quin et Atridas duce te superibus  
Hib<sup>o</sup> dives Priamus relichto  
The<sup>o</sup> al<sup>o</sup> p<sup>o</sup>e ignis et ini<sup>o</sup>pia Troiae  
castra sefellit.

tu pias laetis anima<sup>o</sup> repenis  
sedibus virga<sup>o</sup>p<sup>o</sup>e levem coereas  
aurea turbam, superis deorum  
gratus et ini<sup>o</sup>pia

20

XI. **T**U ne quae cieris, ire nefas, quem mihi,  
quem tibi  
finem di dederint, Ixionoe, nec Babylonios  
temptaris numeros. ut melius, quicq<sup>o</sup> id erit, pati;  
seu pluris hiem<sup>o</sup> seu tribuit Iuppiter ultimam,  
quae nunc oppositus debilitat pumicibus mare  
Tyrrhenum. sapias, vina liques et spatio brevi  
spem longam reseces. dum loquimur fugerit invida  
acta; carpe diem, quam minimum credula postero.

XII. **Q**UEM virum aut heroa lyra vel acri  
tibia sumis celebrare, Clio?  
quem deum? cuius recinet iocosa  
nomen imago

aut in umbrosis Heliconis oris,  
aut super Pindo, gelidove in Haemo?  
unde vocalem temere insecurae  
Orpheo silvae,

arte materna rapidos morantem  
 fluminum lapsus celeresque ventos,  
 blandum et auritas fidibus cancris  
 ducere quercus.

10

quid prius dicam solitis Parentis  
 laudibus, qui res hominum ac deorum,  
 qui mare ac terras variisque mundum  
 temperat horis?

unde nil maius generatur ipso  
 nec viget quicquam simile aut secundum :  
 proximos illi tamen occupavit  
 Pallas honores.

20

proeliis audax neque te silebo  
 Liber, et saevis inimica virgo  
 beluis, nec te, metuende certa  
 Phoebe sagitta.

dicam et Alciden puerosque Ledae,  
 hunc equis, illum superare pugnis  
 nobilem ; quorum simul alba nautis  
 stella refulsit,

defluit saxis agitatus umor,  
 concidunt venti fugiuntque nubes,  
 et minax, quod sic voluere, ponto  
 unda recumbit.

30

Romulum post hos prius an quietum  
 Pompili regnum memorem an superbos  
 Tarquini fascis, dubito, an Catonis  
 nobile letum.

Regulum et Scourus animaeque magnae  
prodigum Palum superante Poeno  
gratu in igni refiram camena

Fabri. — p.e.

49

luc et in tempore Curium capillis  
unum bello tuit et Camillum  
eva paupertas et avitus farto  
cum luce fundus.

crescit occulto velut arbor aevo  
fama Marcelli ; inquit inter omnis  
Iulium sicut velut inter ignis  
luna nubores.

geni humana pater atque custos,  
orte Saturni, tibi cura magni  
Caelestis fatis data : tu secundo  
Caerule regne.

50

ille seu Parhus Latio imminentis  
egerit iusto domitos triumpho,  
sive subiectus Orientis orae  
Seras et Inl.

te minor Iustum reget auras orbem ;  
tu graviter curru quaties Olympum,  
tu parum casus inimica mitteres  
fulmina lucis.

60

## XIII.

**C**UM tu, Lydia, Telephi  
cervicem roseam, lactea Telephi  
laudas bracchia, vae meum  
fervens difficii bile tumet iccur.

tum nec mens mihi nec color  
certa sede manet, umor et in genas  
furtim labitur, arguens  
quam lentis penitus macerer ignibus.

uror, seu tibi candidos  
turparunt umeros immodicae mero  
rixiae, sive puer furens  
impressit memorem dente labris notam.

non, si me satis audias,  
speres perpetuum, dulcia barbare  
laudentem oscula, quae Venus  
quinta parte sui nectaris imbuit.

felices ter et amplius  
quos irrupta tenet copula, nec malis  
divolsus querimonii  
suprema citius solvet amor die.

20

20

## XIV.

**O** NAVIS, referent in mare te novi  
fluctus. o quid agis? fortiter occupa  
portum. nonne vides ut  
nudum remigio latus,

et malus celeri saucius Africo  
antennaeque gemant, ac sine funibus  
vix durare carinae  
possint imperiosius

aequor? non tibi sunt integra linta,  
non di, quos iterum pressa voces malo.  
quamvis Pontica pinus,  
silvac filia nobilis,

10

iactes et genus et nomen inutile,  
nil pictis timidus navita puppibus  
fudit. tu, nisi ventis  
debes ludibrium, cave.

nuper sollicitum quae mihi taedium,  
nunc desiderium curaque non levis,  
interfusa nitentis  
vites aquora Cycladas.

20

XV. **P**ASTOR cum traheret per freta navibus  
Idaeis Helenen perfidus hospitam,  
ingrato celeres obruit otio  
ventus, ut canceret fera

Nereus fata. ‘mala ducis avi domum  
quam multo repetet Graecia milite,  
coniurata tuas rumpere nuptias  
et regnum Priami vetus.

heu heu quantus equis, quantus adest viris  
 sudor! quanta moves funera Dardanae      10  
 genti! iam galeam Pallas et aegida  
 currusque et rabiem parat.

nequiquam Veneris praesidio ferox  
 pectes caesariem grataque feminis  
 imbelli cithara carmina divides,  
 nequiquam thalamo gravis

hastas et calami spicula Cnosii  
 vitabis strepitumque et celerem sequi  
 Aiacem: tamen heu serus adulteros  
 crinis pulvere collines.      20

non Laertiaden, exitium tuae  
 genti, non Pylium Nestora respicis?  
 urgunt impavidi te Salaminius  
 Teucer et Sthenelus sciens

pugnae, sive opus est imperitare equis,  
 non auriga piger. Merionen quoque  
 nosces. ecce surit te reperire atrox  
 Tydides melior patre:

quem tu, cervus uti vallis in altera  
 visum parte lupum graminis immemor,      30  
 sublimi fugies mollis anhelitu,  
 non hoc pollicitus tuae.

iracunda diem proferet Ilio  
 matronisque Phrygum classis Achillei;  
 post certas hiemes uret Achaicus  
 ignis Iliacas domos.'

XVI. O MATRE pulchra filia pulchrior,  
 quem criminosis cumque voles modum  
 pones iambis, sive flamma  
 sive mari libet Hadriano.

non Dindymene, non adytis quatit  
 inentem sacerdotum incola Pythius,  
 non Liber aequa, non acuta  
 sic geminant Corybantes aera,

tristes ut irae, quas neque Noricus  
 deterret ensis nec mare naufragum  
 nec saevus ignis nec tremendo  
 Iuppiter ipse ruens tumultu.

10

fertur Prometheus addere principi  
 limo coactus particulam undique  
 desectam, et insani leonis  
 vim stomacho apposuisse nostro.

ira Thyesten exitio gravi  
 stravere, et altis urbibus ultimae  
 stetere causae cur perirent  
 funditus, imprimeretque muris

20

hostile aratrum exercitus insolens.  
 compesce mentem : me quoque pectoris  
 temptavit in dulci iuventa  
 fervor, et in celeres iambos

misit furentem. nunc ego mitibus  
mutare quaero tristia, dum mihi  
fias recantatis amica  
opprobriis animumque reddas.

XVII. **V**ELOX amoenum saepe Lucretilem  
mutat Lycaeо Faunus, et igneam  
defendit aestatem capellis  
usque meis pluviosque ventos.

impune tutum per nemus arbutos  
quaerunt latentis et thyma deviae  
olentis uxores mariti,  
nec virides metuunt colubras

nec Martialis Haediliae lupos,  
utcumque dulci, Tyndari, fistula  
valles et Usticae cubantis  
levia personuere saxa.

10

di me tuentur, dis pietas mea  
et musa cordi est. hic tibi copia  
manabit ad plenum benigno  
ruris honorum opulenta cornu.

hic in reducta valle Caniculae  
vitabis aestus, et fide Teia  
dices laborantis in uno  
Penelopen vitreamque Circen.

20

hic innocentis pocula Lesbii  
duces sub umbra, nec Semeleius  
cum Marte confundet Thyoneus  
proelia, nec metues protervum

suspecta Cyrus, ne male dispari  
incontinentis iniciat manus  
et scindat haerentem coronam  
crinibus immitamque vestem.

XVIII. **N**ULLAM, Vare, sacra vite prius severis  
arborem

circa mite solum Tiburis et moenia Catili.  
siccis omnia nam dura deus proposuit, neque  
mordaces aliter diffugint sollicitudines.  
quis post vina gravem militiam aut pauperiem crepat?  
quis non te potius, Bacche pater, teque, decens Venus?  
at ne quis modici transiliat munera Liberi,  
Centaurea monet cum Lapithis rixa super mero  
debellata, monet Sithoniis non levis Euhius,  
cum fas atque nefas exiguo fine libidinum      10  
discernunt avili. non ego te, candide Bassareu,  
invitum quatiam, nec variis obsita frondibus  
sub divum rapiam. saeva tene cum Berecyntio  
cornu tympana, quae subsequitur caecus Amor sui,  
et tollens vacuum plus nimio Gloria verticem,  
arcanique Fides prodiga, perlucidior vitro.

XIX. **M**ATER saeva Cupidinum  
Thebanaeque iubet me Semeles puer  
et lasciva Licentia  
finitis animum reddere amoribus.

urit me Glycerae nitor  
splendentis Pario marmore purius ;  
urit grata protervitas  
et voltus nimium lubricus adspici.

in me tota ruens Venus  
Cyprum deseruit, nec patitur Scytha<sup>10</sup>  
et versis animosum equis  
Parthum dicere, nec quae nihil attinent.

hic vivum milii caespitem, hic  
verbenas, pueri, ponite turaque,  
bimi cum patera meri :  
mactata veniet lenior hostia.

XX. **V**ILE potabis modicis Sabinum  
cantharis, Graeca quod ego ipse testa  
conditum levi, datus in theatro  
cum tibi plausus,  
  
care Maecenas eques, ut paterni  
fluminis ripae simul et iocosa  
redderet laudes tibi Vaticani  
montis imago.

Caecubum et praelo domitam Caleno  
tu bibes uvam : mea nec Falernae  
temperant vites neque Foriniani  
pocula colles.

XXI. **D**IANAM tenerae dicite virgines,  
intonsum, pueri, dicite Cynthium,  
Latonamque supremo  
dilectam penitus Iovi.

vos laetam flaviis et nemorum coma,  
quaecumque aut gelido prominet Algido,  
nigris aut Erymanthi  
silvis aut viridis Cragi.

vos Tempe totidem tollite laudibus  
natalemque, mares, Delon Apollinis,  
insignemque pharetra  
fraternaque umerum lyra. 10

hic bellum lacrimosum, hic miseram famem  
pestemque a populo et principe Caesare in  
Persas atque Britannos  
vestra motus aget prece.

XXII. **I**NTEGER vitae scelerisque purus  
non eget Mauris iaculis neque arcu  
nec venenatis grava sagittis,  
Fusce, pharetra,

sive per Syrtis iter aestuosas  
 sive facturus per inhospitalē  
 Caucasum vel quae loca fabulosus  
 lambit Hydaspes.

namque me silva Inpus in Sabina,  
 dum meam canto Lalagen et ultra  
 terminum curis vigor expeditis,  
10  
 fugit inermem :

quale portentum neque militaris  
 Daunias latis alit aesculetis,  
 nec Iubae tellus generat, leonum  
 arida nutrix.

pone me pigris ubi nulla campis  
 arbor aestiva recreatur aura,  
 quod latus mundi nebulae malusque  
30  
 Iuppiter urguet ;

pone sub curru nimium propinqui  
 solis, in terra domibus negata :  
 dulce ridentem Lalagen amabo,  
 dulce loquentem.

XXIII. **V**ITAS hinnuleo me similis, Chloe,  
 quaerenti pavidam montibus aviis  
 matrem, non sine vano  
 aurarum et siluac metu.

nam seu mobilibus \*vepris inhorruit  
at \*ventum foliis seu virides rubrum  
dimovere lacertae,  
et corde et genibus tremit.

atqui non ego te tigris ut aspera  
Gaetusve leo frangere persequor.  
tandem desine matrem  
tempestiva sequi viro.

10

XXIV. **Q**UIS desiderio .it pudor aut modus  
tam cari capit? praecipe lugubris  
cantus, Melpomene, cui liquidam pater  
vocem cum cithara dedit.

ergo Quintilium perpetuus sopor  
urguet ! cui Pudor et Iustitiae soror  
incorrupta Fides nudaque Veritas  
quanlo ullum inveniet parem ?

multis ille bonis flebilis occidit,  
nulli flebilior quam tibi, Vergili.  
tu frustra pius neu non ita creditum  
poscis Quintilium deos.

10

quid si Threicio blandius Orpheo  
auditam moderere arboribus fidem ?  
num vanae redeat sanguis imagini,  
quam virga semel horrida

non lenis precibus fata recludere  
nigro compulerit Mercurius gregi?  
durum: sed levius fit patientia  
quicquid corrigere est nefas.

20

XXV.

**P**ARCIUS iunctas quatint fenestras  
iactibus crebris iuvenes protervi,  
nec tibi somnos adimunt, amatque  
ianua limen,

quae prius multum facilis movebat  
cardines. audis minus et minus iam  
'me tuo longas pereunte noctes,  
Lydia, dormis?'

invicem moechos anus arrogantis  
flebis in solo levis angiportu,  
Thracio bacchante magis sub inter-  
lunia vento,

10

cum tibi flagrans amor et libido  
quae solet matres furiare equorum  
saeviet circa iecur ulcerosum;  
non sine questu

laeta quod pubes hedera virente  
gaudeat pulla magis atque myrto,  
aridas frondis hiemis sodali  
deditet Ilebro.

20

XXVI. **M**USIS amicus tristitiam et metus  
tradam protervis in mare Creticum  
portare ventis, quis sub Areto  
rex gelidae metuatur orae,  
  
quid Tiridaten terreat, unice  
securus. o quae fontibus integris  
gaudes, apricos necte flores,  
necte meo Lamiae coronam,  
  
Pimplea dulcis : nil sine te mei  
prosunt honores : hunc fidibus novis,  
hunc Lesbio sacrare plectro  
teque tuasque decet sorores.

10

XXVII. **N**ATIS in usum laetitiae scyphis  
pugnare Thracum est. tollite barbarum  
morem, verecundumque Bacchum  
sanguineis prohibite rixis.  
  
vino et lucernis Medus acinaces  
immane quantum discrepat. impium  
lenite clamorem, sodales,  
et cubito remanete presso.  
  
voltis severi me quoque sumere  
partem Falerni ? dicat Opuntiae  
frater Megillae quo beatus  
volnere, qua pereat sagitta.

10

cessat voluntas? non alia bibam  
mercede. quae te cumque domat Venus,  
non erubescendis adurit  
ignibus, ingenuoque semper

amore peccas. quicquid habes, age  
depone tutis auribus. a miser,  
quanta laborabas Charybdi,  
digne puer meliore flamma !

20

quae saga, quis te solvere Thessalis  
magus venenis, quis poterit deus?  
vix illigatum te triformali  
Pegasus expediet Chimaera.

**XXVIII.** TE maris et terrae numeroque carentis  
harenae

mensorem cohibent, Archyta,  
pulveris exigui prope litus parva Matinum  
munera, nec quicquam tibi prodest

acrias temptasse domos animoque rotundum  
percurrisse polum morituro.  
occidit et Pelopis genitor, conviva deorum,  
Tithonusque remotus in auras

et Iovis arcanis Minos admissus, habentque  
Tartara Panthoiden iterum Oreo  
demissum, quamvis clipeo Troiana refixo  
tempora testatus nihil ultra

10

nervo atque eum in morti conceperat atrae,  
indice te non ardides auctor  
naturae veri pie. sed omnis una manet nox,  
et eadem la semel via leti.

dant alii Furiae torvo portacula Marti ;  
exitio est avolum mare nautis ;  
nixtaenum ac iuvenum dementur funera, nullum  
sacra caput Preterpina fuit.

me quicquid de vix rapidas enim s Orionis  
Illyrici Notu obruit unlis.  
at tu, rauta, vase ne parce malignus harenae  
oblis et capiti inhuncto

particulam dare : sic, quodcumque minabitur Eurus  
fluctibus Herculis, Venustrae  
plectantur silvae te pite, multaque merces  
unde potest tibi deflant ac quo

ab Iove Neptunoque sacri culto Tarenti.  
neglegis impietatis nocitum  
postmodum te natis fraudem committere ? fors et  
debita iura vicesque superbae

te maneant ipsum : precibus non linquar inultis,  
teque piacula nulla resolvent.  
quamquam festinas, non est mora longa ; licebit  
infecto ter pulvere curras.

XXIX.

**I** CCI, beatis nunc Arabum invides  
 gazis, et acrem militiam paras  
 non ante devictis Sabaeae  
 regibus, horribilique Medo

nectis catenas. quae tibi virginum  
 sponso necato barbara serviet ?  
 puer quis ex aula capillis  
 ad cyathum statuetur unctis,

doctus sagittas tendere Sericas  
 arcu paterno ? quis neget arduis  
 pronos relabi posse rivos  
 montibus et Tiberim reverti,

10

cum tu coemptos undique nobilis  
 libros Panaeti Socraticam et domum  
 mutare loricis Hiberis  
 pollicitus meliora tendis ?

XXX.

**O** VENUS regina Cnidi Paphique,  
 sperne dilectam Cypron, et vocantis  
 ture te multo Glycerae decoram  
 transfer in aedem.

servidus tecum puer et solutis  
 Gratiae zonis properentque Nymphae  
 et parum comis sine te Iuventas  
 Mercuriusque.

XXXI. QUID dedicatum poscit Apollinem  
vates? quid orat de patera novum  
fundens liuorem? non opimae  
Sardiniae segetes feraces

non aestuosae grata Calabriae  
arinenta, non aurum aut ebur Indicum,  
non rura quae Liris quieta  
mordet aqua taciturnus amnis.

10 premant Calena falce quibus dedit  
Fortuna vitem, dives et aureis  
mercator exsiccat culullis  
vina Syra reparata merce,

dis carus ipsis, quippe ter et quater  
anno revisens aequor Atlanticum  
impune: me pascunt olivae,  
me cichorea levesque malvae.

frui paratis et valido mihi,  
Latoe, dones et, precor, integra  
cum mente, nec turpem senectam  
degere nec cithara carentem. 20

XXXII. POSCIMUR. siquid vacui sub umbra  
lusimus tecum, quod et hunc in annum  
vivat et pluris, age dic Latinum,  
barbite, carmen,

Lesbio primum modulate civi,  
qui ferox bello, tamen inter arma,  
sive iactatam religarat udo  
litore navim,

Liberum et Musas Veneremquè et illi  
semper haerentem puerum canebat,      10  
et Lycum nigris oculis nigroque  
crine decorum.

o decus Phoebi et dapibus supremi  
grata testudo Iovis, o laborum  
dulce lenimen, tmihi cumquet salve  
rite vocanti.

XXXIII. **A** LBI, ne doleas plus nimio memor  
immitis Glycerae, neu miserabilis  
decantes elegos, cur tibi iunior  
laesa praeniteat fide;

insignem tenui fronte Lycorida  
Cyri torret amor, Cyrus in asperam  
declinat Pholoen : sed prius Apulis  
iungentur capreae lupis

quam turpi Pholoe peccet adultero.  
sic visum Veneri, cui placet impares  
formas atque animos sub iuga aenca  
saevo mittere cum ioco.

ipsum me melior cum peteret Venus,  
grata detinuit compede Myrtale  
libertina, fretis acrior Iadriae  
curvantis Calabros sinus.

XXXIV. **P**ARCUS deorum cultor et infrequens,  
insanientis dum sapientiae  
consultus erro, nunc retrorsum  
vela dare atque iterare cursus  
  
cogor relictos : namque Diespiter,  
igni corusco nubila dividens  
plerumque, per purum tonantis  
egit equos volucremque currum,  
  
quo bruta tellus et vaga flumina,  
quo Styx et invisi horrida Taenari  
sedes Atlanteusque finis  
concutitur. valet ima summis  
  
mutare et insignem attenuat deus,  
obscura promens ; hinc apicem rapax  
Fortuna cum stridore acuto  
sustulit, hic posuisse gaudet.

10

XXXV. **O**DIVA, gratum quae regis Antium,  
praesens vel imo tollere de gradu  
mortale corpus vel superbos  
vertere funeribus triumphos ;

te pauper ambit sollicita prece  
ruris colonus, te dominam aequoris  
quicumque Bithyna laccessit  
Carpathium pelagus carina.

te Dacus asper, te profugi Scythae,  
urbesque gentesque et Latium serox  
regumque matres barbarorum et  
purpurei metuunt tyranni,

10

iniurioso ne pede proruas  
stantem columnam, neu populus frequens  
ad arma cessantis, ad arma  
concitet imperiumque frangat.

te semper anteit saeva Necessitas,  
clavos trabalis et cuneos manu  
gestans acna, nec severus  
uncus abest liquidumque plumbum.

20

te Spes et albo rara Fides colit  
velata panno, nec comitem abnegat  
utcumque mutata potentis  
veste domos inimica linquis.

at volgus insidum et meretrix retro  
periura cedit ; dissugunt cadis  
cum faece siccatis amici  
ferré iugum pariter dolosi.

serves iturum Caesarei in ultimos  
orbis Britannos et iuvenum recens  
examen Eois timendum  
partibus Oceanoque rubro.

30

eheu cicatricum et sceleris pudet  
fratrumque. quid nos dura resugimus  
aetas? quid intactum nefasti  
liquimus? unde manus iuventus

metu deorum continuit? quibus  
pepercit aris? o utinam nova  
incude diffingas retusum in  
Massagetas Arabasque ferrum!

40

XXXVI. **E**T ture et fidibus iuvat  
placare et vituli sanguine debito  
custodes Numidae deos,  
qui nunc Hesperia sospes ab ultima

caris multa sodalibus,  
nulli plura tamen dividit oscula  
quam dulci Lamiae, memor  
actae non alio rege puertiac

mutataeque simul togae.  
Cressa ne careat pulchra dies nota,  
neu promptae modus amphorae  
neu morem in Salium sit requies pedum,

10

neu multi Damalis meri  
Bassum Threicia vincat amystide,  
neu desint epulis rosae  
neu vivax apium neu breve lilium.

omnes in Damalin putris  
 deponent oculos, nec Damalis novo  
 divelletur adultero  
 lascivis hederis ambitiosior.

20

XXXVII. **N**UNC est bibendum, nunc pede libero  
 pulsanda tellus, nunc Salaribus  
 ornare pulvinar deorum  
 tempus erat dapibus, sodales.

antehac nefas depromere Caecubum  
 cellis avitis, dum Capitolio  
 regina dementis ruinas  
 funus et imperio parabat,

contaminato cum grege turpium  
 morbo virorum, quidlibet impotens  
 sperare fortunaque dulci  
 ebria : sed minuit furorem

10

vix una sospes navis ab ignibus,  
 mentemque lymphatam Mareotico  
 redegit in veros timores  
 Caesar, ab Italia volantein

remis adurguens, accipiter velut  
 mollis columbas aut leporem citus  
 venator in campis nivalis  
 Haemoniae, daret ut catenis

20

fatale monstrum : quae generosius  
perire quaerens nec muliebriter  
expavit ensem, nec latentis  
classe cita reparavit oras ;

ausa et iacentem visere regiam  
voltu sereno, fortis et asperas  
tractare serpentis, ut atrum  
corpore combiberet venenum,

deliberata morte ferocior :  
saevis Liburnis scilicet invidens      30  
privata deduci superbo  
non humilis mulier triumpho.

XXXVIII. PERSICOS odi, puer, apparatus ;  
displicant nexae philyra coronae ;  
mitte sectari rosa quo locorum  
sera moretur.

simplici myrto nihil adlabores  
sedulus euro : neque te ministrum  
dedecet myrtus neque me sub arta  
vite bibentem.

# C A R M I N U M

## LIBER SECUNDUS.

I.

MOTUM ex Metello consule civicum  
bellique causas et vitia et modos  
Iudumque Fortunae gravisque  
principum amicitias et arma

nondum expiatis uncta cruoribus,  
periculosac plenum opus aleae,  
tractas et incedis per ignis  
suppositos cineri doloso.

paullum severae musa tragediae  
desit theatris : mox, ubi publicas  
res ordinaris, grande munus  
Cecropio repetes coliurno,

10

insigne maestis praesidium reis  
et consulenti, Pollio, Curiac,  
cui laurus aeternos honores  
Delmatico peperit triumpho.

iam nunc minaci murmure cornuum  
perstringis auris, iam litui strepunt,  
iam fulgor armorum fugaces  
terret equos equitumque voltus.

20

audire magnos iam videor duces  
non indecoro pulvere sordidos,  
et cuncta terrarum subacta  
praeter atrocem animum Catonis.

Iuno et deorum quisquis amicior  
Afris inulta cesserat impotens  
tellure, victorum nepotes  
rettulit inferias Iugurthae.

quis non Latino sanguine pinguior  
campus sepulcris impia proelia  
testatur auditumque Medis  
Hesperiae sonitum ruinae ?

30

qui gurges aut quae flumina lugubris  
ignara belli ? quod mare Dauniae  
non decoloravere caedes ?  
quae caret ora cruento nostro ?

sed ne relictis, Musa procax, iccis  
Ceae retractes munera neniae ;  
mecum Dionaeo sub antro  
quaere modos leviore plectro.

40

II.

**N**ULLUS argento color est avaris  
 abdito terris, inimice lamnae  
 Crispe Sallusti, nisi temperato  
 splendeat usu.

vivet extento Proculeius aevo,  
 notus in fratres animi paterni ;  
 illum aget penna metuente solvi  
 Fama superstes.

latius regnes avidum domando  
 spiritum, quam si Libyam remotis  
 Gadibus iungas et uterque Poenus  
 serviat uni.

crescit indulgens sibi dirus hydrops,  
 nec sitim pellit, nisi causa morbi  
 fugerit venis et aquosus albo  
 corpore languor.

redditum Cyri solio Phrahaten  
 dissidens plebi numero beatorum  
 eximit Virtus populumque falsis  
 dedocet uti

10

20

vocibus, regnum et diadema tutum  
 deferens uni propriamque laurum,  
 quisquis ingentis oculo inretorto  
 spectat acervos.

III.

**A**EQUAM memento rebus in arduis  
servare mentem, non secus in bonis  
ab insolenti temperatam  
lactitia, moriture Delli,

seu maestus omni tempore vixeris,  
seu te in remoto gramine per dies  
festos reclinatum bearis  
interiore nota Falerni.

quo pinus ingens albaque populus  
umbram hospitalem consociare amant  
ramis? quid obliquo laborat  
lympha fugax trepidare rivo?

20

huc vina et unguenta et nimium brevis  
flores amoena ferre iube rosae,  
dum res et actas et Sororum  
fila trium patiuntur atra.

cedes coemptis saltibus et domo  
villaque, flavus quam Tiberis lavit;  
cedes, et exstructis in altum  
divitiis potietur heres.

20

divesne prisco natus ab Inacho  
nil interest, an pauper et infima  
de gente sub divo moreris,  
victima nil miserantis Orci.

omnes eodem cogimur ; omnium  
 versatur urna serius ocius  
 sors exitura et nos in aeternum  
 exsilium impositura cumbae.

IV.

**N**E sit ancillae tibi amor pudori,  
 Xanthia Phoceu ; prius insolentem  
 serva Briseis niveo colore  
 movit Achillem ;

movit Aiacem Telamone natum  
 forma captivae dominum Tecmessae ;  
 arsit Atrides medio in triumpho  
 virgine rapta,

barbarac postquam cecidere turmac  
 Thessalo victore et ademptus Hector  
 tradidit fessis leviora tolli  
 Pergama Grais.

10

nescias an te generum beati  
 Phyllidis flavac decorent parentes ;  
 regium certe genus, et Penatis  
 maeret iniquos.

crede non illam tibi de scelestis  
 plebe dilectam, neque sic fidelem,  
 sic lucro aversam potuisse nasci  
 matre pudenda.

20

bracchia et voltum teretesque suras  
integer laudo : fuge suspicari  
cuius octavum trepidavit aetas  
claudere lustrum.

V.

**N**ONDUM subacta ferre iugum valet  
cervice, nondum munia comparis  
aequare nec tauri ruentis  
in venerem tolerare pondus.

circa videntis est animus tuae  
campos iuvencae, nunc flaviis gravem  
solantis aestum, nunc in udo  
ludere cum vitulis salicto

praegestientis. tolle cupidinem  
immitis uvae : iam tibi lividos  
distingueut autumnus racemos  
purpureo varius colore.

iam te sequetur : currit enim ferox  
aetas et illi quos tibi dempserit  
apponet annos : iam proterva  
fronte petet Lalage maritum,

dilecta quantum non Pholoe fugax,  
non Chloris albo sic umero nitens  
ut pura nocturno renidet  
luna mari, Cnidiusve Gyges :

10

20

quem si puellarum insereres choro,  
mire sagacis falleret hospites  
discrimen obscurum solutis  
crinibus ambiguoque voltu.

VI.

**S**EPTIMI, Gadis aditure mecum et  
Cantabrum indoctum iuga ferre nostra et  
barbaras Syrtis, ubi Maura semper  
aestuat unda,

Tibur Argeo positum colono  
sit meae sedes utinam senectae,  
sit domus lasso maris et viarum  
militiaeque.

unde si Parcae prohibent iniquae,  
dulce pellitis ovibus Galaesi  
flumen et regnata petam Laconi  
rura Phalanthro.

10

ille terrarum mihi praeter omnis  
angulus ridet : ubi non Hymetto  
mella decedunt viridique certat  
baca Venafro,

ver ubi longum tepidasque praebet  
Iuppiter brumas, et amicus Aulon  
fertili Baccho minimum Falernis  
invidet uvis.

20

ille te mecum locus et beatæ  
postulant arces; ibi tu calentem  
debita sparges lacrima favillam  
vatis amici.

VII.

**O** SAEPE mecum tempus in ultimum  
deducte Bruto militiae duce,  
quis te redonavit Quiritem  
dis patriis Italique caelo,

Pompei, meorum prime sodalium?  
cum quo morantem saepe diem mero  
fregi coronatus nitentis  
malobathro Syrio capillos.

tecum Philippos et celerem fugam  
sensi, reicta non bene parmula,  
cum fracta virtus, et minaces  
turpe solum tigere mento.

10

sed me per hostis Mercurius celer  
denso paventem sustulit aere;  
te rursus in bellum resorbens  
unda fretis tulit aestuosis.

ergo obligatam redde Iovi dapem,  
longaque fessum militia latus  
depone sub lauru mea, nec  
parce cadis tibi destinatis.

20

oblivioso levia Massico  
 ciboria exple ; funde capacibus  
 unguenta de conchis. quis udo  
 deproperare apio coronas

curatve myrto? quem Venus arbitrum.  
 dicet bibendi? non ego sanius  
 bacchabor Edonis: recepto  
 dulce mihi furere est amico.

## VIII.

**U**LLA si iuris tibi peierati  
 poena, Barine, nocuissest umquam,  
 dente si nigro fieres vel uno  
 turpior ungui,

crederem: sed tu, simul obligasti  
 perfidum votis caput, enitescis  
 pulchrior multo iuvenumque prodis  
 publica cura.

expedit matris cineres opertos  
 fallere et toto tacitura noctis  
 signa cum caelo gelidaque divos  
 morte parentis.

10

ridet hoc, inquam, Venus ipsa, rident  
 simplices Nymphae, ferus et Cupido,  
 semper ardentis acuens sagittas  
 cote cruenta.

adde quod pubes tibi crescit omnis,  
servitus crescit nova, nec priores  
impiæ tectum dominae relinquunt,  
sacpe minati.

20

te suis matres metuunt iuvencis,  
te senes parci, miseraeque nuper  
virgines nuptae, tua ne retardet  
aura maritos.

## IX.

**N**ON semper imbræ nubibus hispidos  
manant in agros, aut mare Caspium  
vexant inaequales procellæ  
usque, nec Armeniis in oris,

amice Valgi, stat glacies iners  
mensis per omnis aut Aquilonibus  
querqueta Gargani laborant  
et foliis viduantur orni.

tu semper urgues flebilibus modis  
Mysten ademptum, nec tibi Vespero  
surgente decadunt amores  
nec rapidum fugiente solem.

10

at non ter aevo functus amabilem  
ploravit omnis Antilochum senex  
annos, nec impubem parentes  
Troilon aut Phrygiae sorores

flevere semper. desine mollium  
tandem querelarum ; et potius nova  
cantemus Augusti tropaea  
Caesaris et rigidum Niphaten,

20

Medumque flumen gentibus additum  
victis minores volvere vertices,  
intraque praescriptum Gelonos  
exiguis equitare campis.

X.

**R**ECTIUS vives, Licini, neque altum  
semper urguendo neque, dum procellas  
cautus horrescis, nimium prenendo  
litus iniquum.

auream quisquis mediocritatem  
diligit, tutus caret obsoleti  
sordibus tecti, caret invidenda  
sobrius aula.

saepius ventis agitatur ingens  
pinus, et celsae graviore casu  
decidunt turres, feriuntque summos  
fulgura montes.

10

sperat infestis, metuit secundis  
alteram sortem bene praeparatum  
pectus. informis hiemes reducit  
Iuppiter, idem

summovet. non, si male nunc, et olim  
sic erit: quondam cithara tacentem  
suscitat Musam neque semper arcum  
ten lit Apollo.

20

rebus angustis animosus atque  
fortis appare: sapienter idem  
contrahes vento nimium secundo  
turgi la vela.

XI.

**Q**UID bellicosus Cantaber et Scythes,  
Hirpine Quinti, cogitet Hadria  
divisus obiecto, remittas  
quaerere, nec trepides in usum

poscentis aevi pauca. fugit retro  
levis iuventus et decor, arida  
pellente lascivos amores  
canitie facilemque somnum.

non semper idem floribus est honor  
vernus, neque uno luna rubens nitet  
voltu. quid aeternis minorem  
consiliis animum fatigas?

10

cur non sub alta vel platano vel hac  
pinu iacentes sic temere et rosa  
canos odorati capillos,  
dum licet, Assyriaque nardo

potamus uncti? dissipat Euhius  
curas edaces. quis puer ocios  
restinguet ardentis Falerni  
pocula praetereunte lympha?

20

quis devium scortum elicit domo  
Lyden? eburna dic age cum lyra  
maturet, in comptum Lacaenae  
more comas religata nodum.

\*

XII. **N**OLIS longa ferae bella Numantiae  
nec durum Hannibalem nec Siculum mare  
Poeni purpureum sanguine mollibus  
aptari citharae modis,

nec saevos Lapithas et nimium mero  
Hylaeum, domitosve Herculea manu  
Telluris iuvenes, unde periculum  
fulgens contremuit domus

Saturni veteris: tuque pedestribus  
dices historiis proelia Caesaris,  
Maecenas, melius ductaque per vias  
regum colla minacium.

10

me dulcis dominae Musa Lycymniae  
cantus, me voluit dicere lucidum  
fulgentis oculos et bene mutuis  
fidum pectus amoribus;

quam nec ferre pedem dedecuit choris  
 nec certare ioco nec dare bracchia  
 ludentem nitidis virginibus sacro  
 Dianae celebris die.

20

num tu quae tenuit dives Achaemenes  
 aut pinguis Phrygiae Mygdonias opes  
 permutare velis crine Lycyniae,  
 plenas aut Arabum domos?

dum flagrantia detorquet ad oscula  
 cervicem, aut facili saevitia negat  
 quae poscente magis gaudeat eripi,  
 interdum rapere occupat.

XIII. **I**LLE et nefasto te posuit die  
 quicumque primum, et sacrilega manu  
 produxit, arbos, in nepotum  
 perniciem opprobriumque pagi;

illum et parentis crediderim sui  
 fregisse cervicem et penetralia  
 sparsisse nocturno cruento  
 hospitis; ille venena Colcha

et quicquid usquam concipitur nefas  
 tractavit, agro qui statuit meo  
 te triste lignum, te caducum  
 in domini caput immerentis.

10

quid quisque vitet numquam homini satis  
cautum est in horas. navita Bosporum

Poenus perhorrescit neque ultra  
caeca timet aliunde fata;

miles sagittas et celerem fugam  
Parthi, catenas Parthus et Italum  
robur : sed improvisa leti  
vis rapuit rapietque gentis.

20

quam paene furvae regna Proserpinae  
et iudicantem vidimus Aeacum,  
sedesque discretas piorum et  
Aeoliis fidibus querentem

Sappho puellis de popularibus,  
et te sonantem plenius aureo,  
Alcae, plectro dura navis,  
dura fugae mala, dura belli.

utrumque sacro digna silentio  
mirantur umbrae dicere ; sed magis  
pugnas et exactos tyrannos  
densum umeris bibit aure volgus.

30

quid mirum, ubi illis carminibus stupens  
demittit atras belua centiceps  
auris et intorti capillis  
Eumenidum recreantur angues ?

quin et Prometheus et Pelopis parens  
dulci laborum decipitur sono,  
nec curat Orion leones  
aut timidos agitare lyncas.

40

XIV. E HEU fugaces, Postume Postume,  
 labuntur anni, nec pietas moram  
 rugis et instanti senectae  
 adferet indomitaeque morti ;

non si trecenis quotquot eunt dies,  
 amice, places illacrimabilem  
 Plutona tauris, qui ter amplum  
 Geryonen Tityonque tristi

compescit unda, scilicet omnibus  
 quicumque terrae munere vescimur  
 enaviganda, sive reges  
 sive inopes erimus coloni.

10

frustra cruento Marte carebimus  
 fractisque rauci fluctibus Hadriae,  
 frustra per autumnos nocentem  
 corporibus metuemus Austrum.

visendus ater flumine languido  
 Cocytos errans et Danai genus  
 infame damnatusque longi  
 Sisyphus Aeolides laboris.

20

linquenda tellus et domus et placens  
 uxor, neque harum quas colis arborum  
 te practer invisas cupressos  
 ulla brevem dominum sequetur.

absumet heres Caecuba dignior  
servata centum clavibus, et mero  
tinguet pavimentum superbo,  
pontificum potiore cenis.

XV.

**I**AM pauca aratro iugera regiae  
moles relinquunt; undique latius  
'extenta visentur Lucrino  
stagna lacu, platanusque caelebs

evincent ulmos; tum violaria et  
myrtus et omnis copia narium  
spargent olivetis odorem  
fertilibus domino priori;

tum spissa ramis laurea servidos  
excludet ictus. non ita Romuli  
praescriptum et intonsi Catonis  
auspiciis veterumque norma.

10

privatus illis census erat brevis,  
commune magnum: nulla decempedis  
metata privatis opacam  
porticus excipiebat Arcton,

nec fortuitum spernere caespitem  
leges sinebant, oppida publico  
sumptu iubentes et deorum  
templa novo decorare saxo.

20

XVI. OTIUM divos rogit in patenti  
prensus Aegaeo, simul atra nubes  
condidit lunam neque certa fulgent  
sidera nautis,

otium bello furiosa Thrace,  
otium Medi pharetra decori,  
Gosphe, non gemmis neque purpura ve-  
nale neque auro.

non enim gazae neque consularis  
summovet lictor miseros tumultus  
mentis et curas laqueata circum  
tecta volantis.

10

vivitur parvo bene, cui paternum  
splendet in mensa tenui salinum,  
nec levis somnos timor aut cupido  
sordidus ausert.

quid brevi fortis iaculamur aevo  
multa? quid terras alio calentis  
sole mutamus? patriae quis exsul  
se quoque fugit?

20

scandit aeratas vitiosa navis  
Cura, nec turmas equitum relinquit,  
ocior cervis et agente nimbos  
ocior Euro.

laetus in praesens animus quod ultra est  
oderit curare, et amara lento  
temperet risu : nihil est ab omni  
parte beatum.

abstulit clarum cita mors Achillem,  
longa Tithonum minuit senectus ;  
et mihi forsan tibi quod negarit  
porriget hora. 30

te greges centum Siculaeque circum  
mugint vaccae, tibi tollit hinnitum  
apta quadrigis equa, te bis Afro  
murice tintcae

vestiunt lanae : mihi parva rura et  
spiritum Graiae tenuem Camenae  
Parca non mendax dedit, et malignum  
spernere volgus. 40

XVII. CUR me querelis exanimas tuis ?  
C nec dis amicum est nec mihi te prius  
obire, Maecenas, mearum  
grande decus columenque rerum.

a, te meac si partem animae rapit  
maturior vis, quid moror altera,  
nec carus aeque nec superstes  
integer? ille dies utramque

ducet ruinam. non ego perfidum  
dixi sacramentum : ibimus, ibimus,  
utcumque praecedes, supremum  
carpere iter comites parati.

10

me nec Chimaerae spiritus ignae,  
nec si resurgat centimanus Gyas,  
divellet umquam : sic potenti  
Iustitiae placitumque Parcis.

seu Libra seu me Scorpions adspicit  
formidolosus, pars violentior  
natalis horae, seu tyrannus  
Hesperiae Capricornus undae,

20

utrumque nostrum incredibili modo  
consentit astrum. te Iovis impio  
tutela Saturno resulgens  
eripuit volucrisque Fati

tardavit alas, cum populus frequens  
laetum theatris ter crepuit sonum :  
me truncus illapsus cerebro  
sustulerat, nisi Faunus ictum

dextra levasset, Mercurialium  
custos virorum. reddere victimas  
aedemque votivam memento :  
nos humilem feriemus agnam.

30

XVIII. **N**ON ebur neque aureum  
mea renidet in domo lacunar,  
non trabes Hymettiae  
premunt columnas ultima recisas

Africa, neque Attali  
ignotus heres regiam occupavi,  
nec Laconicas mihi  
trahunt honestae purpuras clientae.

at fides et ingeni  
benigna vena est, pauperemque dives  
me petit : nihil supra  
deos laccesso, nec potentem amicum

20

largiora flagito,  
satis beatus unicis Sabinis.  
truditur dies die,  
novaeque pergunt interire lunae :

tu secunda marmora  
locas sub ipsum funus, et sepulcri  
immemor struis domos,  
marisque Bais obstrepentis urgues

20

summovere litora,  
parum locuples continente ripa.  
quid, quod usque proximos  
revallis agri terminos et ultra

limites clientium  
salis avarus? pellitur paternos  
in sinu ferens deos  
et uxor et vir sordidosque natos.

nulla certior tamen  
rapacis Orci sede destinata  
aula divitem manet  
erum. quid ultra tendis? acqua tellus

pauperi recluditur  
regumque pueris, nec satelles Orci  
callidum Promethea  
revexit auro captus. hic superbūm

Tan̄tūlum atque Tantali  
genus coerces; hic levare functum  
pauperem laboribus  
vocatus atque non vocatus audit.

30

40

XIX. **B**ACCHUM in remotis carmina rupibus  
vidi docentem—credite posteri—  
Nymphasque discentis et auris  
capripedum Satyrorum acutas.

euhoe, recenti mens trepidat metu,  
plenoque Bacchi pectore turbidum  
laetatur. euhoe, parce Liber,  
parce gravi metuende thyrso!

fas pervicaces est mihi Thyiadas  
 vinique fontem lactis et uberes  
 cantare rivos, atque truncis  
 lapsa cavis iterare mella ;

20

fas et beatae coniugis additum  
 stellis honorem tectaque Penthei  
 disiecta non leni ruina,  
 Thracis et exitium Lycurgi.

tu flectis amnis, tu mare barbarum,  
 tu separatis uvidus in iugis  
 nodo coerces viperino  
 Bistonidum sine fraude crinis.

20

tu, cum parentis regna per arduum  
 cohors Gigantum scanderet impia,  
 Rhoetum retorsisti leonis  
 unguibus horribilique mala :

quamquam choreis aptior et iocis  
 ludoque dictus non sat idoneus  
 pugnae ferebaris ; sed idem  
 pacis eras meliusque belli.

te vidit insonis Cerberus aureo  
 cornu decorum, leniter atterens  
 caudam, et recendentis trilingui  
 ore pedes tetigitque crura.

30

XX. NON usitata nec tenui ferar  
 penna biformis per liquidum aethera  
 vates, neque in terris morabor  
 longius, invidiaque maior

urbes relinquam. non ego, pauperum  
 sanguis parentum, non ego, quem vocas  
 'dilecte,' Maecenas, obibo,  
 nec Stygia cohibelor unda.

iam iam residunt cruribus asperae  
 pelles, et album mutor in alitem  
 superne, nascunturque leves  
 per digitos umerosque plumae.

10

iam Daedaleo †ocior Icaro  
 visam gementis litora Bospori  
 Syrtisque Gaetulas canorus  
 ales Hyperborcosque campos.

me Colchus et qui dissimulat metum  
 Marsae cohortis Dacus et ultimi  
 noscent Geloni, me peritus  
 discet Hiber Rhodanique potor.

20

absint inani funere neniae  
 luctusque turpes et querimoniae ;  
 compesce clamorem ac sepulcri  
 mitte supervacuos honores.

## C A R M I N U M

### L I B E R T E R T I U S.

I. O DI profanum volgus et arceo.  
favete linguis : carmina non prius  
audita Musarum sacerdos  
virginibus puerisque canto.

regum timeidorum in proprios greges,  
reges in ipsos imperium est Iovis,  
clari Giganteo triumpho,  
cuncta supercilio moventis.

est ut viro vir latius ordinet  
arbusta sulcis, hic generosior  
descendat in Campum petitor,  
moribus hic meliorque fama

10

contendat, illi turba clientium  
sit maior : aequa lege Necessitas  
sortitur insignis et imos,  
omne capax movet urna nomen.

destructus ensis cui super impia  
cervice pendet, non Siculae dapes  
dulcem elaborabunt saporem,  
non avium citharaeque cantus

20

somnum reducent : somnus agrestium  
lenis virorum non humilis domos  
fastidit umbrosamque ripam,  
non Zephyris agitata Tempe.

desiderantem quod satis est neque  
tumultuosum sollicitat mare,  
nec saevus Arcturi cadentis  
impetus aut orientis Haedi,

non verberatae grandine vineac  
fundusque mendax, arbore nunc aquas  
culpante, nunc torrentia agros  
sidera, nunc hiemes iniquas.

30

contracta pisces acquora sentiunt  
iactis in altum molibus ; huc frequens  
caementa demittit redemptor  
cum famulis dominusque terrae

fastidiosus : sed Timor et Minae  
scandunt eodem quo dominus, neque  
decedit aerata triremi et  
post equitem sedet atra Cura.

40

quod si dolentem nec Phrygius lapis  
nec purpurarum sidere clarior  
delenit usus nec Falerna  
vitis Achaemenumque costum,

cur invidendis postibus et novo  
sublime ritu moliar atrium ?  
cur valle permutem Sabina  
divitias operosiores ?

II.

**A**NGUSTAM amice pauperiem pati  
robustus acri militia puer  
condiscat et Parthos ferocis  
vexet eques metuendus hasta,

vitamque sub divo et trepidis agat  
in rebus. illum ex moenibus hosticis  
matrona bellantis tyranni  
prospiciens et adulta virgo

suspiret, eheu, nc rudis agminum  
sponsus laccessat regius asperum  
tactu leonem, quem cruenta  
per medias rapit ira caedis.

10

dulce et decorum est pro patria mori :  
Mors et fugacem persequitur virum,  
nec parcit imbellis iuventae  
poplitibus timidoque tergo.

Virtus repulsae nescia sordidae  
intaminatis fulget honoribus,  
nec sumit aut ponit securis  
arbitrio popularis aurae.

20

Virtus, recludens immeritis mori  
caelum, negata temptat iter via,  
coetusque volgaris et udam  
spemnit humum fugiente penna.

est et fidi<sup>l</sup> tuta silentio  
merces : vtabo, qui Cereris sacrum  
volgarit arcanae, sub isdem  
sit trabibus fragileme inecum

solvat pha<sup>æ</sup>lon : saepe Diespiter  
neglectus incesto addidit integrum ;  
raro antecedentem scelestum  
deseruit pede l'ocna claudio. 30

## III.

**I**USTUM et tenacein propositi virum  
non civium ardor prava iubentium,  
non voltus instantis tyranni  
mente quatit solida, neque Auster,

dux inquieti turbidus Hadriac,  
nec fulminantis magna manus Iovis :  
si fractus illabatur orbis,  
impavidum ferient ruinac.

hac arte Pollux et vagus Hercules  
enius arces attigit igneas,  
quos inter Augustus recumbens  
purpureo bibit ore nectar ; 10

hac te merentem, Bacche pater, tuae  
vexere tigres, indocili iugum  
collo trahentes; hac Quirinus  
Martis equis Acheronta fugit;

gratum elocuta consiliantibus  
Iunone divis: 'Ilion, Ilion  
fatalis incestusque iudex  
et mulier peregrina vertit

20

in pulverem, ex quo destituit deos  
mercede pacta Laomedon, mihi  
castaeque damnatum Minervae  
cum populo et duce fraudulentio.

iam nec Lacaenae splendet adulterae  
famosus hospes, nec Priami domus  
periura pugnaces Achivos  
Hectoreis opibus refringit,

nostrisque ductum seditionibus  
bellum resedit: protinus et gravis  
iras et invisum nepotem  
Troica quem peperit sacerdos

30

Marti redonabo. illum ego lucidas  
inire sedes, ducere nectaris  
sucos et adscribi quietis  
ordinibus patiar deorum.

dum longus inter saeviat Ilion  
Romamque pontus, qualibet exsules  
in parte regnanto beati;  
dum Priami Paridisque busto

40

inultet armentum et catulos serae  
celent inultaes, stet Capitolium  
falgens, triumphati que pos it  
Roma serox dare iura Medis.

horren la late nomen in ultimas  
exten lat oras, qua medius liquor  
seccnit Europen ab Afro,  
qua tun:lus rigat arva Nilus,

aurum in repertum et sic melius situm,  
cuin terra celat, spernere fortior  
quam cogere humanos in usus  
omne sacrum rapiente dextra.

50

quicumque munlo terminus obstitit,  
hunc tanget armis, visere gestiens  
qua parte debacentur ignes,  
qua nclulae pluviique rores.

sed bellico is fata Quiritibus  
hac lege dico, ne nimium pii  
rel usque fidentes avitae  
tecta velint reparare Troiae.

60

Tro ae renascens alite lugubri  
fortuna tristi clade iterabitur,  
ducente victrices catervas  
coniuge me Iovis et sorore.

ter si resurgat murus aeneus  
auctore Phoebo, ter pereat meis  
excisus Argivis, ter uxor  
capta virum puerosque ploret.'

non hoc iocosae conveniet lyrae.  
 quo, Musa, tendis? desine pervicax  
     referre sermones deorum et  
     magna modis tenuare parvis.

70

IV. **D**ESCENDE caelo et dic age tibia  
 regina longum Calliope melos,  
 seu voce nunc mavis acuta,  
 seu fidibus citharave Phoebi.

auditis, an me ludit amabilis  
 insania? audire et videor pios  
 errare per lucos, amoenae  
 quos et aquae subeunt et aurae.

me fabulosae Volture in Apulo  
 altricis extra limina \*villulae  
 ludo fatigatumque somno  
 fronde nova puerum palumbes

10

texere, mirum quod foret omnibus  
 quicumque celsae nidum Acherontiae  
 saltusque Bantinos et arvum  
 pingue tenent humilis Forenti,

ut tuto ab atris corpore viperis  
 dormirem et ursis, ut premerer sacra  
 lauroque collataque myrto,  
 non sine dis animosus infans.

20

vester, Camenae, vester in arduos  
tollor Salinos, seu mihi frigidum  
Praeneste, seu Tibur supinum,  
seu liquilae placuere Baiae.

vestris amicum fontibus et choris  
non me Philippis versa acies retro,  
devota non extinxit arbos,  
nec Sicula Palinurus unda.

utcumque mecum vos eritis, libens  
insanientem navita Bosporum  
temptabo et urentis harenas  
litoris Asyrii viator;

visam Britannos hospitibus feros  
et laetum equino sanguine Concanum,  
visam pharetratos Gelonos  
et Scythicum inviolatus amnem.

vos Caesarem altum, militia simul  
fessas cohortes abdidit oppidis,  
finire quaerentem labores  
Pierio recreatis antro.

vos lene consilium et datis et dato  
gaudetis almae. scimus ut impios  
Titanas immanemque turmain  
fulmine sustulerit caduco,

qui terram inertem, qui mare temperat  
ventosum, et urbes regnaque tristia  
divosque mortalisque turbas  
imperio regit unus aequo.

30

40

magnum illa terrorem intulerat Iovi  
 fidens iuventus horrida bracchiis,  
 fratresque tendentes opaco  
 Pelion imposuisse Olympo :

50

sed quid Typhoeus et validus Mimas,  
 aut quid minaci Porphyron statu,  
 quid Rhoetus evolsisque truncis  
 Enceladus iaculator audax

contra sonantem Palladis aegida  
 possent ruentes? hinc avidus stetit  
 Volcanus, hinc matrona Iuno et  
 numquam umeris positurus arcum,

60

qui rore puro Castaliae lavit  
 crinis solutos, qui Lyciae tenet  
 dumeta natalemque silvam,  
 Delius et Patareus Apollo.

vis consili expers mole ruit sua :  
 vim temperatam di quoque provehunt  
 in maius ; idem odere vires  
 omne nefas animo moventis.

testis mearum centimanus Gyas  
 sententiarum, notus et integrae  
 temptator Orion Diana,  
 virginis domitus sagitta.

70

iniecta monstris Terra dolet suis,  
 maeretque partus fulmine luridum  
 missos ad Orcum ; nec peredit  
 impositam celer ignis Aetnen,

incontinentis nec Tityi iecur  
reliquit ales, nequitiae additus  
custos ; amatorem trecentae  
Pirithoum colibent catenae.

8o

V.

**C**AELO tonantem credidimus Iovem  
regnare : praesens divus habebitur  
Augustus adiectis Britannis  
imperio gravibusque Persis.

milesne Crassi coniuge barbara  
turpis maritus vixit et hostium—  
pro curia inversique mores !—  
consenuit soccerorum in armis

sub rege Medo Marsus et Apulus,  
anciliorum et nominis et togae  
oblitus aeternaeque Vestae,  
incolumi Iove et urbe Roma ?

10

hoc caverat mens provida Reguli  
dissidentis condicionibus  
foedis et exemplo trahentis  
perniciem veniens in aevum,

si non periret immiserabilis  
captiva pubes. ‘signa ego Punicis  
adfixa delubris et arma  
militibus sine caede’ dixit

20

'dcrepta vidi ; vidi ego civium  
retorta tergo bracchia libero,  
portasque non clausas, et arva  
Marte coli populata nostro.

auro repensus scilicet acrior  
miles redibit. flagitio additis  
damnum : neque amissos colores  
lana resert medicata fuco,

nec vera virtus, cum semel excidit,  
curat reponi deterioribus. 39  
si pugnat extricata densis  
cerva plagis, erit ille fortis

qui perfidis se credidit hostibus,  
et Marte Poenos proteret altero  
qui lora restrictis lacertis  
sensit iners timuitque mortem.

hic unde vitam sumeret inscius  
pacem duello miscuit. o pudor !  
o magna Carthago, probrosis  
altior Italiae ruinis !' 40

fertur pudicae coniugis osculum  
parvosque natos ut capit is minor  
ab se removisse et virilem  
torvus humi posuisse voltum,

donec labantis consilio patres  
firmaret auctor numquam alias dato,  
interque maerentis amicos  
egregius properaret exsul.

atqui sciebat quae sibi barbarus  
tortor pararet ; non aliter tamen  
diunovit obstantis propinquos  
et populum redditus morantem

50

quam si clientum longa negotia  
dijudicata lite relinqueret,  
tendens Venafranos in agros  
aut Lacedaemonium Tarentum.

## VI.

**D**ELECTA maiorum immeritus lues,  
Romane, donec templa reseceris  
aedisque labentis deorum et  
foeda nigro simulacra sumo.

dis te minorem quod geris, imperas.  
hinc omne principium, hue refer exitum :  
di multa neglecti dederunt  
Hesperiae mala luctuosae.

iam bis Monaeses et Pacori manus  
non auspicatos contudit impetus  
nostros et adieccisse praedam  
terquibus exiguis renidet.

10

paene occupatam seditionibus  
delevit Urbem Dacus et Aethiops,  
hic classe formidatus, ille  
missilibus melior sagittis.

fecunda culpae saecula nuptias  
primum inquinavere et genus et domos:  
    hoc fonte derivata clades  
        in patriam populumque fluxit.

20

motus doceri gaudet Ionicos  
matura virgo et fingitur artibus  
iam nunc et incestos amores  
de tenero meditatur ungui:

mox iuniores quaerit adulteros  
inter mariti vina, neque eligit  
cui donet impermissa raptim  
gaudia luminibus remotis,

sed iussa coram non sine conscientia  
surgit marito, seu vocat institor  
    seu navis Hispanae magister,  
    dedecorum pretiosus emptor.

30

non his iuventus orta parentibus  
infecit aequor sanguine Punico,  
Pyrrhumque et ingentem cecidit  
Antiochum Hannibalemque dirum;

sed rusticorum mascula militum  
proles, Sabellis docta ligonibus  
versare glaebas et severae  
matris ad arbitrium recisos

49

portare fustis, sol ubi montium  
mutaret umbras et iuga deinerct  
    bobus fatigatis, amicum  
        tempus agens abcunite curru.

damnosa quid non imminuit dies?  
 actas parentum peior avis tulit  
 nos nequiores, mox datus  
 progeniem vitiores.

VII.

**Q**UID fles, Asterie, quem tibi candidi  
 primo re tituent vere Favonii  
 Thyna merce beatum,  
 constantia iuvenem fide

Gygen? ille Notus actus ad Oricum  
 post insana Caprae sidera frigidas  
 noctes non sine multis  
 inomnis lacrimis agit.

atqui sollicitae nuntiis hospitac,  
 supirare Chloen et iniuram tuis  
 dicens ignibus urit,  
 temptat inille vaser modis.

10

ut Proctum mulier perfida credulum  
 falsis impulerit criminibus nimis  
 casto Bellerophonti  
 maturare necem refert;

narrat paene datum Pelea Tartaro,  
 Magnessam Hyppolyten dum fugit abstinens;  
 et peccare docentis  
 fallax historias movet.

20

frustra : nam scopolis surdior Icari  
voces audit adhuc integer. at tibi  
ne vicinus Enipeus  
plus iusto placeat cave :

quamvis non alius flectere equum sciens  
aeque conspicitur gramine Martio,  
nec quisquam citus aequa  
Tusco denatata alveo.

prima nocte domum clade neque in vias  
sub cantu querulae despice tibiae ;  
et te saepe vocanti  
duram difficilis mane.

30

VIII. **M**ARTIIS caelebs quid agam Kalendis,  
quid velint flores et acerra turis  
lena miraris positusque carbo in  
caespite vivo,

docte sermones utriusque linguae ?  
voveram dulcis epulas et album  
Libero caprum prope funeratus  
arboris ictu.

hic dies anno redeunte festus  
corticem adstrictum pice dimovebit  
amphorae fumum bibere institutae  
consule Tullo.

10

sume, Maeccenas, cyathos amici  
sospitis centum, et vigiles lucernas  
perfer in lucem : procul omnis esto  
clamor et ira.

mitte civilis super Urbe curas :  
occidit Daci Cotisonis agmen,  
Medus infestus sibi luctuosis  
dissidet armis,

20

servit Hispanae vetus hostis orae  
Cantaber sera domitus catena,  
iam Scytha laxo meditantur arcu  
cedere campis.

neglegens nequa populus laboret  
parce privatus nimium cavere ;  
dona praesentis cape laetus horac et  
linque severa.

IX.

**D**ONEC gratus eram tibi  
nec quisquam potior bracchia candidae  
cervici iuvenis dabat,  
Persarum vigui rege beatior.

donec non alia magis  
arsisti neque erat Lydia post Chloē,  
multi Lydia nominis  
Romana vigui clarior Ilia.

me nunc Thraessa Chloe regit,  
dulcis docta modos et citharae sciens,  
pro qua non metuam mori,  
si parcent animae fata superstiti.

me torret face mutua  
Thurini Calais filius Ornyti,  
pro quo bis patiar mori,  
si parcent puerō fata superstiti.

quid si prisca redit Venus  
diductosque iugo cogit aeneo,  
si flava excutitur Chloe,  
reiectaeque patet ianua Lydiae?

quamquam sidere pulchrior  
ille est, tu levior cortice et improbo  
iracundior Hadria,  
tecum vivere amem, tecum obeam libens.

X. **E**XTREMUM Tanain si biberes, Lyce,  
saevo nupta viro, me tamen asperas  
porrectum ante foris obicere incolis  
plorares Aquilonibus.

audis quo strepitū ianua, quo nemus  
inter pulchra satum tecta remugiat  
ventis, et positas ut glaciet nives  
puro numine Iuppiter?

ingratam Veneri pone superbiam,  
ne currente retro funis eat rota.  
non te Penelopen difficilem procis  
Tyrrhenus genuit parens.

o quamvis neque te munera nec preces,  
nec tinctus viola pallor amantium,  
nec vir Pieria paclice saucius  
curvat, supplicibus tuis

parcas, nec rigida mollior aesculo  
nec Mauris animum mitior anguibus.  
non hoc seipser erit liminis aut aquae  
caelestis patiens latus.

10

20

## XI.

**M**ERCURI—nam te docilis magistro  
movit Amphion lapides canendo—  
tuque testudo resonare septem  
callida nervis,

nec loquax olim neque grata, nunc et  
divitum mensis et amica templis,  
dic modos, Lyde quibus obstinatas  
applicet auris,

quae velut latis equa trima campis  
ludit exsultim metuitque tangi,  
nuptiarum expers et adhuc protervo  
cruda marito.

10

tu potes tigris comitesque silvas  
ducere et rivos celeres morari ;  
cessit immanis tibi blandienti  
ianitor aulae

Cerberus, quamvis furiale centum  
muniant angues caput eius atque  
spiritus taeter saniesque manet  
ore trilingui.

20

quin et Ixion Tityosque voltu  
risit invito ; stetit urna paullum  
sicca, dum grato Danai puellas  
carmine mulces.

audiat Lyde scelus atque notas  
virginum poenas et inane lymphae  
dolum fundo pereuntis imo,  
seraque fata,

quae manent culpas etiam sub Orco.  
impiae,—nam quid potuere maius ?—  
impiae sponsos potuere duro  
perdere ferro.

30

una de multis face nuptiali  
digna perjurum fuit in parentem  
splendide mendax et in omne virgo  
nobilis aevum,

‘ surge ’ quae dixit iuveni marito,  
‘ surge, ne longus tibi somnus unde  
non times detur : sacerum et scelestas  
falle sorores,

40

quæ velut nactæ vitulæ letæ  
singulæ chea lacerant : ego illus  
mollior nec te feriam tibi pœtra  
clara terra te celo.

me pater nevis offeret catenis,  
quod viro clementi mitero pepercit ;  
me vel extrahat Numularum in agros  
clavis religet.

i peles quæ te rapiunt et aurar,  
dum favet max et Venus, i secundo  
omine et no tri membra emi pulcro  
sculpti per relatum.'

50

XII. MISERARUM est neque amori dare ludum  
neque dulci  
mala vino lavare aut exanimari metuentis  
patrum ac verbena linguae.  
tibi qualum Cythereae puer ales, tibi telas  
operasaeque Minervae studium aufert, Neobule,  
Lipari aci nitor Hebri,  
simul unctus Tiberinis umeros lavit in undis,  
eques ipso melior Bellerophonte, neque pugno  
neque segni pede victus ;  
catus idem per apertum fugientis agitato  
grege cervos iaculari et celer arto latitatem  
fruticeto excipere aprum.

10

XIII.

**O**FONS Bandusiae, splendidior vitro,  
dulci digne mero non sine floribus,  
cras donaberis haedo,  
cui frons turgida cornibus

primis et venerem et proelia destinat.  
frustra : nam gelidos inficiet tibi  
rubro sanguine rivos  
lascivi suboles gregis.

te flagrantis atrox hora Caniculae  
nescit tangere, tu frigus amabile  
fessis vomere tauris  
praebebas et pecori vago.

10

fies nobilium tu quoque fontium,  
me dicente cavis impositam ilicem  
saxis, unde loquaces  
lymphae desiliunt tuae.

XIV.

**H**ERCULIS ritu modo dictus, o plebs,  
morte venalem petiisse laurum  
Caesar Hispana repetit penatis  
victor ab ora.

unico gaudens mulier marito  
prodeat iustis operata divis,  
et soror clari ducis et decorae  
supplice vitta

virginum matres iuvenisque nuper  
sopatum. vix, o pueri et puellae  
iam virum expertae, male trominatis  
pacite verbi.

hic die vere n. In festis atras  
eximet curas : ego nec tum ultum  
nec in iri per vim nocturnam tenente  
Caeare terras.

i pte unguentum, puer, et coronas  
et calum Marii memorem dulli,  
Spartacum si qua potuit vagantein  
fallere testa.

die et argatae properet Neacrae  
murreum n. lo cohibere crinem  
si per invium m. a ianitorem  
siet, alato.

len' albescens animo capillus  
litium et rixae cupidos protervae :  
non ego hoc ferrem calidus iuventa  
consule Planco.

XV. **U**NUS pauperis Ibyci,  
tandem nequitiae sige modum tuae  
famosisque laboribus ;  
maturo propior desine funeri

inter ludere virgines  
et stellis nebulam spargere candidis.  
non, siquid Pholoen satis,  
et te, Chlori, decet : filia rectius

expugnat iuvenum domos,  
pulso Thyias uti concita tympano.  
illam cogit amor Nothi  
lascivae similem ludere capreea :

te lanae prope nobilem  
tonsa Luceriam, non citharae decent,  
nec flos purpureus rosae,  
nea poti vetulam faece tenus cadi.

10

XVI. **I**NCLUSAM Danaen turris aenea  
robustaeque fores et vigilum canum  
tristes excubiae munierant satis  
nocturnis ab adulteris,

si non Acrisium virginis abditae  
custodem pavidum Iuppiter et Venus  
risissent : fore enim tutum iter et patens  
converso in pretium deo.

aurum per medios ire satellites  
et perrumpere amat saxa potentius  
ictu fulmineo : concidit auguris  
Argivi domus ob lucrum

10

demersa exitio ; diffidit urbium  
portas vir Macedo et subruit aemulos  
reges muneribus ; munera navium  
saevos illaqueant duces.

crescentem sequitur cura pecuniam  
maiorumque fames. iure perhorru-  
late conspicuum tollere verticem  
Maecenas, equitum decus. 20

quanto quisque sibi plura negaverit,  
ab dis plura feret : nil cupientium  
nudus castra peto et transfuga divitum  
partes linquere gestio,

contemptae dominus splendidior rei  
quam si quicquid arat impiger Apulus  
occultare meis dicerer horreis,  
magnas inter opes inops.

purae rivus aquae silvaque iugerum  
paucorum et segetis certa fides meae  
fulgentem imperio fertilis Africæ  
fallit sorte beatior. 30

quamquam nec Calabriae mella ferunt apes,  
nec Laestrygonia Bacchus in amphora  
languescit mihi, nec pinguia Gallicis  
crescunt vellera pascuis,

importuna tamen pauperies abest,  
nec, si plura velim, tu dare deneges.  
contracto melius parva cupidine  
vectigalia porrigam 40

quam si Mygdoniis regnum Alyattei  
campis continuem. multa potentibus  
desunt multa : bene est, cui deus obtulit  
parca quod satis est manu.

XVII. **A**ELI vetusto nobilis ab Lamo,—  
quando et priores hinc Lamias ferunt  
denominatos et nepotum  
per memores genus omne fastos

auctore ab illo dicit originem,  
qui Formiarum moenia dicitur  
princeps et innantem Maricae  
litoribus tenuisse Lirim

late tyrannus :—cras foliis nemus  
multis et alga litus inutili  
demissa tempestas ab Euro  
sternet, aquae nisi fallit augur

10

annosa cornix. dum potis, aridum  
compone lignum : cras Genium mero  
curabis et porco bimenstri  
cui famulis operum solutis.

XVIII. **F**AUNE Nympharum fugientum amator,  
per meos finis et aprica rura  
lenis incendas ab easque parvis  
acquus aluminis,

si tener pleno cadit haedus anno,  
larga nec desunt Veneris sodali  
vina craterae, vetus ara multo  
fumat odore.

ludit herboso pecus omne campo,  
cum tibi Nonae redeunt Decembres ;  
festus in pratis vacat otioso  
cum bove pagus ;

inter audaces lupus errat agnos ;  
spargit agrestis tibi silva frondes ;  
gaudet invisam pepulisse fossor  
ter pede terram.

## XIX.

**Q**UANTUM distet ab Inacho  
Codrus pro patria non timidus mori  
narras, et genus Aeaci  
et pugnata sacro bella sub Ilio :

quo Chium pretio cadum  
mercemur, quis aquam temperet ignibus,  
quo praebente domum et quota  
Paelignis caream frigoribus, taces.

da lunae propere novae,  
da noctis mediae, da, puer, auguris  
Murenae : tribus aut novem  
miscentur cyathis pocula commodis.

qui Musas amat impares,  
ternos ter cyathos attonitus petet  
vates ; tris prohibet supra  
rixarum metuens tangere Gratia

nudis iuncta sororibus.  
insanire iuvat : cur Berecyntiae  
cessant flamina tibiae ?  
cur pendet tacita fistula cum lyra ?

20

parcentis ego dexteras  
odi : sparge rosas ; audiat invidus  
dementem strepitum Lycus  
et vicina seni non habilis Lyco.

spissa te nitidum coma,  
puro te similem, Telephe, Vespero  
tempestiva petit Rhode ;  
me lensus Glycerae torret amor meae.

XX.

**N**ON vides quanto moveas periclo,  
Pyrrhe, Gaetulæ catulos leaenæ ?  
dura post paulo fugies inaudax  
proelia raptor,

cum per obstantis iuvenum catervas  
ibit insignem repetens Nearchum,  
grande certamen, tibi praeda cedat  
maior an illi.

interim, dum tu celeres sagittas  
promis, haec dentes acuit timendos,  
arbiter pugnae posuisse nudo  
sub pede palmam

fertur, et leni recreare vento  
sparsum odoratis umerum capillis,  
qualis aut Nireus fuit aut aquosa  
raptus ab Ida.

## XXI.

**O**NATA mecum consule Manlio,  
seu tu querelas sive geris iocos  
seu rixam et insanos amores  
seu facilem, pia testa, somnum,

quocumque lectum nomine Massicum  
servas, moveri digna bono die,  
descende, Corvino iubente  
promere languidiora vina.

non ille, quamquam Socraticis madet  
sermonibus, te negleget horridus.  
narratur et prisci Catonis  
saepe mero caluisse virtus.

tu lene tormentum ingenio admoves  
plerumque duro ; tu sapientium  
curas et arcanum iocoso  
consilium retegis Lyaeo ;

tu spem reducis mentibus anxiis,  
 viresque et addis cornua pauperi  
 post te neque iratos trementi  
 regum apices neque militum arma.      20

te Liber et si laeta aderit Venus  
 segnesque nodum solvere Gratiae  
 vivaequae producent lucernae,  
 dum rediens fugat astra Phoebus.

XXII.

**M**ONTIUM custos nemorumque Virgo,  
 quae laborantis utero puellas  
 ter vocata audis adimisque leto,  
 diva triformis,

imminens villae tua pinus esto,  
 quam per exactos ego laetus annos  
 verris obliquum meditantis ictum  
 sanguine donem.

XXIII.

**C**AELO supinas si tuleris manus  
 nascente luna, rustica Phidyle,  
 si ture placaris et horna  
 fruge Lares avidaque porca,

nec pestilentem sentiet Africum  
 fecunda vitis, nec sterilem seges  
 robiginem aut dulces alumni  
 pomifero grave tempus anno.

nam quae nivali pascitur Algido  
devota quercus inter et ilices  
aut crescit Albanis in herbis  
victima pontificum securis

10

cervice tinguet : te nihil attinet  
temptare multa caede bidentium  
parvos coronantem marino  
rore deos fragilique myrto.

in munis aram si tetigit manus,  
non sumptuosa blandior hostia  
mollivit aversos Penatis  
farre pio et saliente mica.

20

XXIV. INTACTIS opulentior  
thesauris Arabum et divitis Indiac  
caementis licet occupes  
Tyrrhenum omne tuis et mare †Apulicum ;

si figit adamantino  
summis verticibus dira Necessitas  
clavos, non animum metu,  
non mortis laqueis expedites caput.

campestres melius Scythae,  
quorum plaustra vagas rite trahunt domos,  
vivunt et rigidi Getae,  
immetata quibus iugera liberas

10

fruges et Cererem ferunt,  
nec cultura placet longior annua,  
defunctumque laboribus  
aequali recreat sorte vicarius.

illuc matre carentibus  
privignis mulier temperat innocens,  
nec dotata regit virum  
coniunx nec nitido fudit adultero. 20

dos est magna parentium  
virtus et metuens alterius viri  
certo foedere castitas,  
et peccare nefas aut pretium est mori.

o quisquis volet impias  
caedis et rabiem tollere civicam,  
si quaeret Pater Urbium  
subscribi statuis, indomitam audeat

refrenare licentiam,  
clarus postgenitis : quatenus, heu nefas, 30  
virtutem incolumem odimus,  
sublatam ex oculis quacrimus invidi.

quid tristes querimoniae,  
si non suppicio culpa reciditur,  
quid leges sine moribus  
vanae proficiunt, si neque servidis

pars inclusa caloribus  
mundi, nec Boreae finitimum latus  
durataeque solo nives  
mercatorcm abigunt, horrida callidi 40

vincunt aequora uavita,  
magnum pauperies opprobrium iubet  
quidvis et facere et pati,  
Virtutisque viam deserit arduae?

vel nos in Capitolium,  
quo clamor vocat et turbā saventium,  
vel nos in mare proximum  
gemmas et lapides, aurum et inutile,

summi materiem mali,  
mittamus, scelerum si bene paenitet.      50  
eradenda cupidinis  
pravi sunt elementa, et tenerae nimis

mentes asperioribus  
formandae studiis. nescit equo rudis  
haerere ingenuus puer  
venarique timet, ludere doctior,

seu Graeco iubeas trocho  
seu malis vetita legibus alea,  
cum periura patris fides  
consortem socium fallat et hospitem,      60

in lignoque pecuniam  
heredi properet. scilicet improbae  
crescunt divitiae: tamen  
curtae nescio quid semper abest rei.

XXV. **Q**UO me, Bacche, rapis tui  
 plenum? quae nemora aut quos agor in  
 specus  
 velox mente nova? quibus  
 antris egregii Caesaris audiar  
 aeternum meditans decus  
 stellis inserere et consilio Iovis?  
 dicam insigne recens adhuc  
 indictum ore alio. non secus in iugis  
 exsommnis stupet Euhias,  
 IHebrum prospiciens et nive candidam      10  
 Thracen ac pede barbaro  
 lustratam Rhodopen, ut mihi devio  
 ripas et vacuum nemus  
 mirari libet. o Naiadum potens  
 Baccharumque valentium  
 proceras manibus vertere fraxinos,  
 nil parvum aut humili modo.  
 nil mortale loquar. dulce periculum est,  
 o Lenaee, sequi deum  
 cingentem viridi tempora pampino.      20

XXVI. **V**I XI puellis nuper idoneus  
 et militavi non sine gloria:  
 nunc arma defunctumque bello  
 barbiton hic paries habebit,

laevum marinae qui Veneris latus  
custodit. hic hic ponite lucida  
finalia et vectis et arcus  
oppo<sup>it</sup>itis foribus minaces.

o quae beatam diva tenes Cyprum et  
Memphim carentem Sithonia nive,  
regina, sublimi flagello  
tange Chloen semel arrogantem. 10

**XXVII.** **I**MPIOS parrac recinentis omen  
ducat et praegnas canis aut ab agro  
rava decurrens lupa Lanuvino  
fetaque volpes.

rumpat et serpens iter institutum,  
si per obliquum similis sagittae  
terruit mannos. ego cui timebo  
providus auspex,

antequam stantis repetat paludes  
imbrum divina avis imminentum,  
oscinein corvum prece suscitabo  
solis ab ortu. 10

sis licet felix ubicumque mavis,  
et memor nostri, Galatea, vivas;  
teque nec laetus vetat ire picus  
nec vaga cornix.

sed vides quanto trepidet tumultu  
pronus Orion. ego quid sit ater  
Hadriæ novi sinus et quid albus  
peccet Iapyx.

20

hostium uxores puerique caecos  
sentiant motus orientis Austri et  
aequoris nigri fremitum et trementis  
verbere ripas.

sic et Europe niveum doloso  
credidit tauro latus, et scatentem  
beluis pontum mediasque fraudes  
palluit audax.

nuper in pratis studiosa florum et  
debitae Nymphis opifex coronae,  
nocte sublustri nihil astra praeter  
vidit et undas.

30

quae simul centum tetigit potentem  
oppidis Creten : ‘pater, o relictum  
filiae nomen pietasque’ dixit  
‘victa furore !

unde quo veni ? levis una mors est  
virginum culpae. vigilansne ploro  
turpe commissum, an viiis carentem  
ludit imago

40

vana, quae porta fugiens eburna  
somnium dicit ? meliusne fluctus  
ire per longos fuit, an recentis  
carpere flores ?

siquis infamem mihi nunc iuvencum  
dedat iratae, lacerare ferro et  
frangere enitar modo multum amati  
cornua monstri.

impudens liqui patrios penates,  
impudens Orcum moror. o deorum 50  
siquis haec audis, utinam inter errem  
nuda leones !

antequam turpis macies decentis  
occupet malas teneraeque sucus  
defluat praedae, speciosa quaero  
pascere tigris.

vilis Europe, pater urguet absens :  
quid mori cessas? potes hac ab orno  
pendulum zona bene te secuta  
laederc collum. 60

sive te rupes et acuta leto  
saxa delectant, age te procellae  
crede veloci, nisi erile mavis  
carpere pensum

regius sanguis, dominaeque tradi  
barbarae paelex.' aderat querenti  
perfidum ridens Venus et remisso  
filius arcu.

mox ubi lusit satis, ' abstinento'  
dixit 'irarum calidaeque rixae,  
cum tibi invitus laceranda reddet  
cornua taurus. 70

uxor invicti Iovis esse nescis :  
 mitte singultus ; bene ferre magnam  
 disce fortunam : tua sectus orbis  
 nomina ducet.'

XXVIII. **F**ESTO quid potius die  
 Neptuni faciam ? prome reconditum  
 Lyde strenua Caecubum,  
 munitaeque adhibe vim sapientiae.

inclinare meridiem  
 sentis, ac veluti stet volucris dies  
 parcis deripere horreo  
 cessantem Bibuli consulis amphoram.

nos cantabimus invicem  
 Neptunum et virides Nereidum comas :      10  
 tu curva recines lyra  
 Latonam et celeris spicula Cynthiac ;

summo carmine, quae Cnidon  
 fulgentisque tenet Cycladas et Paphum  
 iunctis visit oloribus ;  
 dicetur merita Nox quoque nenia.

XXIX. **T**YRRHENA regum progenies, tib  
 non ante verso lene merum cado  
 cum flore, Maecenas, rosarum et  
 pressa tuis balanus capillis

in lumen apud me est. eripe te morae,  
ne superulum Tiber et Aesulae  
declive contumelie arvum et  
Telamonia a perire.

fastidiosa dure copiam et  
modem propinquam molles ardui; 10  
emittit nubes leste  
fumam et spuma trepidumque Romaine.

plerumque gratae divitiae vices  
macta, pie parvo sub late pauperum  
ceras in solida et ostro  
sublata explicant frontem.

iam claris cultus in Andromache pater  
ostendit ignem, non Procyon fuit  
et stella visans Lentilis  
sede dies refrente sicca; 20

iam post unum cum grege languido  
rivulare se quis quaerit et horribilis  
dumeta Silvani, caretque  
ripi vagi tacitura ventis.

tu civitas in quis deceat status  
curas et Urus siccitus times  
quid Seres et regnata Cyro  
Bactra parent Tanaisque discors.

prudens futuri temporis exitum  
caliginosa nocte premit deus,  
ridetque si mortalis ultra  
fas trepilat. quod adest memento 30

componere aequus : cetera fluminis  
 ritu feruntur, nunc medio alveo  
 cum pace delabentis Etruscum  
 in mare, nunc lapides adesos

stirpesque raptas et pecus et domos  
 volventis una, non sine montium  
 clamore vicinaeque silvae,  
 cum fera diluvies quietos

40

irritat amnis. ille potens sui  
 laetusque deget, cui licet in diem  
 dixisse ‘vixi : cras vel atra  
 nube polum Pater occupato

vel sole puro ; non tamen irritum  
 quodcumque retro est efficiet, neque  
 diffinget infectumque reddet  
 quod fugiens semel hora vexit.

Fortuna saevo laeta negotio et  
 ludum insolentum ludere pertinax  
 transmutat incertos honores,  
 nunc mihi, nunc alii benigna.

50

laudo manentem : si celeres quatit  
 pennas, resigno quae dedit et mea  
 virtute me involvo probamque  
 pauperiem sine dote quaero.

non est meum, si mugiat Africis  
 malus procellis, ad miseras preces  
 decurrere et votis pacisci,  
 ne Cypriae Tyriæque merces

60

addant avaro divitias mari.  
 tum me biremis praesidio scaphae  
 tutum per Aegaeos tumultus  
 aura seret geminusque Pollux.

XXX. **E**XEGI monumentum aere perennius  
 regalique situ pyramidum altius ;  
 quod non imber edax, non Aquilo impotens  
 possit diruere aut innumerabilis  
 annorum series et fuga temporum.  
 non omnis moriar, multaque pars mei  
 vitalbit Libitinam : usque ego postera  
 crescam laude recens, dum Capitolium  
 scandet cum tacita virgine pontifex.  
 dicar, qua violens obstrepit Aufidus  
 et qua pauper aquae Daunus agrestium  
 regnavit populorum, ex humili potens,  
 princeps Aeolium carmen ad Italos  
 deduxisse modos. sume superbiam  
 quaesitam meritis, et mihi Delphica  
 lauro cinge volens, Melpomene, comam.

## C A R M I N U M

### LIBER QUARTUS.

I. **I**NTERMISSA, Venus, diu  
rursus bella moves? parce precor, precor.  
non sum qualis eram bonae  
sub regno Cinarae. desine, dulcium

mater saeva Cupidinum,  
circa lustra decem flectere mollibus  
iam durum imperiis; abi  
quo blandae iuvenum te revocant preces.

tempestivius in domum  
Pauli purpureis ales oloribus  
comissabere Maximi,  
si torrere iecur quaeris idoneum :

namque et nobilis et decens  
et pro sollicitis non tacitus reis  
et centum puer artium  
late signa feret militiac tuae,

et quandoque potentior  
lardi muneribus riserit aemuli,  
Albanos prope te lacus  
ponet marimoream sub trabe citrea.

20

illic plurima naribus  
duces tura, lyraque et Berecyntia  
delectabere tibia  
mixtis carminibus non sine fistula ;

illic bis pueri die  
numen cum teneris virginibus tuum  
laudantes pede candido  
in morem Salium ter quatent humum.

me nec semina nec puer  
iam nec spes animi credula mutui,  
nec certare iuvat mero,  
nec vincire novis tempora floribus.

30

sed cur lieu, Ligurine, cur  
manat rara meas lacrima per genas?  
cur facunda parum decoro  
inter verba cadit lingua silentio?

nocturnis ego somniis  
iam captum teneo, iam volucrem sequor  
te per gramina Martii  
campi, te per aquas, dure, volubilis.

40

II. **P**INDARUM quis quis studet aemulari,  
Iule, ceratis ope Daedalea  
nititur pennis, vitreo daturus  
nomina ponto.

monte decurrens velut amnis, imbres  
quem super notas aluere ripas,  
fervet immensusque ruit profundo  
Pindarus ore,

laurea donandus Apollinari,  
seu per audaces nova dithyrambos  
verba devolvit numerisque fertur  
lege solutis,

seu deos regesque canit, deorum  
sanguinem, per quos cecidere iusta  
morte Centauri, cecidit tremendae  
flamma Chimaerae,

sive quos Elea domum reducit  
palma caelestis pugilemve equumve  
dicit et centum potiore signis  
munere donat,

flebili sponsae iuvenemve raptum  
plorat et vires animumque moresque  
aureos educit in astra nigroque  
invidet Orco.

10

20

multa Dircaeum levat aura cyenum,  
tentit, Antoni, quotiens in altos  
nubium tractus : ego apis Matine  
more malique

grata carpentis thyina per laborem  
plurimum circa nemus uividique 30  
Tiburis ripas opere a parvus  
carmina sango.

cvinces maius re p[ro]ta pl[an]ctro  
Cae[re]m, quando pie trahet feroces  
per S[ecundu]m cayim inerita decorus  
funde Sygambros :

quo nihil minus melius ve terris  
fata denavere Ioni que divi,  
nec dabunt, quamvis relevant in aurum  
tempora priscum : 42

convinces lactisque dies et Urbis  
julicum lulum super impetrato  
fortis Au[tem] tu relitu Forumque  
litibus orbum.

tum meae; si quid loquar audiendum,  
voci accedit bona pars, et 'o sol  
pulcher, o laulan le' canam recepto  
Caesare felix.

teque, dum procelis, io Triumphe,  
non semel dicemus, io Triumphe,  
civitas omnis, dabimusque divis  
tura benignis. 50

te decem tauri totidemque vaccae,  
me tener solvet vitulus, relicta  
matre qui largis iuvenescit herbis  
in mea vota,

fronte curvatos imitatus ignis  
tertium lunae referentis ortum,  
qua notam duxit niveus videri,  
cetera fulvus.

60

## III.

**Q**UEM tu, Melpomene, semel  
nascentem placido lumine videris,  
illum non labor Isthmius  
clarabit pugilem, non equus impiger

curru ducet Achaico  
victorem, neque res bellica Deliis  
ornatum foliis ducem,  
quod regum tumidas contuderit minas,

ostendet Capitolio :  
sed quae Tibur aquae fertile praefluunt  
et spissae nemorum comae  
fingent Aeolio carmine nobilem.

10

Romae principis urbium  
dignatur suboles inter amabilis  
vatum ponere me choros,  
et iam dente minus mordeor invido.

o testudinis aureae  
 dulcem quae strepitum, Pieri, temperas,  
 o mutis quoque piscibus  
 donatura cyeni, si libeat, sonum,

20

totum muneris hoc tui est  
 quod montror digito praetereuntium  
 Romanae fidicen lyrae ;  
 quod spiro et placebo, si placebo, tuum est.

IV.

**Q**UALEM ministrum fulminis alitem,  
 cui rex deorum regnum in avis vagas  
 permisit expertus fidelem  
 Iuppiter in Ganymede flavo,

olim iuventas et patrius vigor  
 nido laborum propulit inscum,  
 vernique iam nimbis remotis  
 insolitos docuere nisus

venti paventem, mox in ovilia  
 denisit hostem vividus impetus,  
 nunc in reluctantis dracones  
 egit amor dapis atque pugnae ;

10

qualemq; laetis caprea pascuis  
 intenta fulvae matris ab ubere  
 iam lacte depulsum leonem  
 dente novo peritura vilit,

videre Raeti bella sub Alpibus  
 Drusum gerentem Vindelici,—quibus  
 mos unde deductus per omne  
 tempus Amazonia securi

20

dextras obarmet quaerere distuli,  
 nec scire fas est omnia :—sed diu  
 lateque victrices catervae  
 consiliis iuvenis revictae

sensere quid mens rite, quid indoles  
 nutrita faustis sub penetralibus  
 posset, quid Augusti paternus  
 in pueros animus Nerones.

fortes creantur fortibus et bonis ;  
 est in iuvencis, est in equis patrum  
 virtus, neque imbellem feroce  
 progernerant aquilae columbam :

30

doctrina sed vim promovet insitam,  
 rectique cultus pectora roborant ;  
 utcumque defecere mores,  
 indecorant bene nata culpae.

quid debeas, o Roma, Neronibus,  
 testis Metaurum flumen et Hasdrubal  
 devictus et pulcher fugatis  
 ille dies Latio tenebris,

40

qui primus alma risit adorea,  
 dirus per urbes Afer ut Italas  
 ceu flamma per taedas vel Eurus  
 per Siculas equitavit undas.

post hoc secundis usque laboribus  
Romana pubes crevit, et impio  
vastata l'oenorum tumultu  
fana deos habuere rectos;

dixitque tandem perfidus Hannibal :  
' cervi, luporum praeda rapacium,  
sectamur ultro, quos optimus  
fallere et effugere est triumphus.

50

gens, quae cremato fortis ab Ilio  
iactata Tuscis aequoribus sacra  
natosque maturosque patres  
pertulit Ausonias ad urbes,

duris ut ilex tonsa bipennibus  
nigrae feraci frondis in Algido,  
per damna, per caedis, ab ipso  
ducit opes animumque ferro.

60

non Hydra secto corpore firmior  
vinci dolentem crevit in Herculem,  
monstrumve submisere Colchi  
maius Echioniae Thebae.

merses profundo, pulchrior evenit ;  
luctere, multa proruet integrum  
cum laude victorem geretque  
proelia coniugibus loquenda.

Carthagini iam non ego nuntios  
mittam superbos : occidit occidit  
spes omnis et fortuna nostri  
nominis Hasdrubale interempto.'

70

nil Claudioe non perficiunt manus ;  
 quas et benigno numine Iuppiter  
 defendit, et curae sagaces  
 expedient per acuta belli.

**D**I VIS orte bonis, optime Romulae  
 custos gentis, abes iam nimium diu :  
 maturum redditum pollicitus Patrum  
 sancto concilio, redi.

lucem redde tuae, dux bone, patriae :  
 instar veris enim voltus ubi tuus  
 adfulsit populo, gratior it dies  
 et soles melius nitent.

ut mater iuvenem, quem Notus invido  
 flatu Carpathii trans maris aequora  
 cunctantem spatio longius annuo  
 dulci distinet a domo

10

votis ominibusque et precibus vocat,  
 curvo nec faciem litore dimovet :  
 sic desideriis icta fidelibus  
 quaerit patria Caesarem.

tutus bos etenim rura perambulat,  
 nutrit rura Ceres almaque Faustitas,  
 pacatum volitant per mare navitae,  
 culpari metuit fides,

20

nullis polluitur casta domus stupris,  
mos et lex maculosum edomuit nefas,  
laudantur simili prole puerperae,  
culpam poena premunt comes.

quis Parthum paveat, quis gelidum Scythen,  
quis Germania quos horrida parturit  
fetus, incolumi Caesare? quis feræ  
bellum curet Hiberiae?

condit quisque diem collibus in suis  
et vitem viuas ducit ad arbores;  
hinc ad vina re lit lactus et alteris  
te mensis alibi deum;

30

te multa prece, te prosequitur mero  
defuso pateris, et Laribus tuum  
misceat numen, uti Graecia Castoris  
et magni memor Herculis.

'longas o utinam, dux bone, serias  
praestes Hesperiae' dicimus integro  
sicci mane die, dicimus uidi  
cum sol Oceano subest.

40

VI.

**D**IVE, quem proles Niobe magna  
vindicem linguae Tityosque raptor  
sensit et Troiae prope victor altae  
Phthius Achilles,

ceteris maior, tibi miles impar,  
filius quamvis Thetidis marinae  
Dardanas turris quateret tremenda  
cuspide pugnax.

—ille, mordaci velut icta ferro  
pinus aut impulsa cupressus Euro,      10  
procidit late posuitque collum in  
pulvere Teucro.

ille non inclusus equo Minervae  
sacra mentito male feriatos  
Troas et laetam Priami choreis  
falleret aulam,

sed palam captis gravis, heu nefas heu,  
nescios fari pueros Achivis  
ureret flammis, etiam latentem  
matris in alvo ;      20

ni tuis victus Venerisque gratae  
vocibus divum pater adnuisset  
rebus Aeneae potiore ductos  
alite muros.—

doctor argutae fidicen Thaliae,  
Phoebe, qui Xantho lavis amne crinis,  
Dauniae defende decus Camenae,  
levis Agyieu.

spiritum Phoebus mihi, Phoebus artem  
carminis nomenque dedit poetae.      30  
virginum primae puerique claris  
patribus orti,

Deliae tutela deae fugaces  
lynas et cervos cohibentis areu,  
Le bium servate pelem meique  
jollicis ictum,

rite Latonae puerum canentes,  
rite crescenti face Noctilucam,  
prosperam frugum celeremque pronos  
volvcre mensi. 40

nupta iam dices 'ego dis amicuni,  
saeculo festas referente luces,  
reddidi carmen, docilis modorum  
vatis Horati.'

VII. DIFFUGERE nives, redeunt iam gramina  
campis  
arboribusque comae ;  
mutat terra vices, et decrescentia ripas  
flumina praetereunt ;

Gratia cum Nymphis geminisque sororibus audet  
ducere nuda choros.  
immortalia ne speres monet annus et alnum  
quae rapit hora diem.

frigora mitescunt Zephyris, ver proterit aestas  
interitura simul 10  
pomiser autumnus fruges effuderit, et mox  
bruma recurrit incrs.

damna tamen celeres reparant caelestia lunae :  
 nos ubi decidimus  
 quo pater Aeneas, quo Tullus dives et Ancus,  
 pulvis et umbra sumus.

quis scit an adiant hodiernae crastina summae  
 tempora di superi ?  
 cuncta manus avidas fugient heredis, amico  
 quae dederis animo. 20

cum semel occideris et de te splendida Minos  
 fecerit arbitria,  
 non, Torquate, genus, non te facundia, non te  
 restituet pietas.

infernis neque enim tenebris Diana pudicum  
 liberat Hippolytum,  
 nec Lethaea valet Theseus abrumpere caro  
 vincula Pirithoo.

VIII. **D**ONAREM pateras grataque commodus,  
 Censorine, meis aera sodalibus,  
 donarem tripodas, praemia fortium  
 Graiorum, neque tu pessima munera  
 ferres, divite me scilicet artium  
 quas aut Parrhasius protulit aut Scopas,  
 hic saxo, liquidis ille coloribus  
 sollers nunc hominem ponere, nunc deum.  
 sed non haec mihi vis, nec tibi talium  
 res est aut animus deliciarum egens. 10

gaudes carminibus ; carmina possumus  
 donare et pretium dicere muneri.  
 non incisa notis marmora pullicis,  
 per quae spiritu et vita relit bonis  
 post mortem ducibus, non celeres fugae  
 reiectaeque retrorsum Hannibal's minae,  
 non incendia Carthaginis impiae,  
 eius qui domita nomen ab Africa  
 lucratus re hit clarius indicant  
 laudes quam Calabrac' Pieriles ; neque  
 si chartae sileant quod bene feceris,  
 mercede lem tuleris. quid foret Iliae  
 Mavortisque puer, si taciturnitas  
 obstatet meritis invida Romuli ?  
 creptum Stygiis fluctibus Aeacum  
 virtus et favor et lingua potentium  
 vatum divitilias consecrat insulis.  
 dignum laude virum Musa vetat mori :  
 caelo Musa beat. sic Iovis interest  
 optatis epulis impiger Herculeis,  
 clarum Tynlaridae sidus ab insulis  
 quassas eripiunt aequoribus ratis,  
 ornatus viridi tempora pampino  
 Liber vota bonos dicit ad exitus.

## IX.

**N**E forte credas interitura quae  
 longe sonantem natus ad Aufidum  
 non ante volgatas per artes  
 verba loquor socianda chordis ;

non, si priores Maeonius tenet  
sedes Homerus, Pindaricae latent  
Ceaeque et Alcaei minaces  
Stesichorique graves Camenae ;

nec siquid olim lusit Anacreon,  
delevit aetas ; spirat adhuc amor,  
vivuntque commissi calores  
Aeoliae fidibus puellae.

10

non sola comptos arsit adulteri  
crinis et aurum vestibus illitum  
mirata regalisque cultus  
et comites Helcne Lacaena ;

primusve Teucer tela Cydonio  
direxit arcu ; non semel Ilios  
vexata ; non pugnavit ingens  
Idomeneus Sthenelusve solus

20

dicenda Musis proelia ; non ferox  
Hector vel acer Deiphobus gravis  
exceptit ictus pro pudicis  
coniugibus puerisque primus.

vixere fortes ante Agamemnona  
multi : sed omnes illacrimabiles  
urguentur ignotique longa  
nocte, carent quia vate sacro.

paulum sepulta distat inertiae  
celata virtus. non ego te meis  
chartis inornatum silebo,  
totve tuos patiar labores

30

in p[ro]m[is]o, lodi, carpere lividas  
et lividus, et animus tibi  
temp[or]e prudens et secundis  
temp[or]ibus dubius que rectus,  
vi[er]o avarac[us] fraudis et alstinen[s]  
d[icitu]r entis ad e[st] cuneta pecuniae,  
cor[re]ctus que non unius anni,  
sol quotiens bonu[is] atque filius

45

index honestum practalit utili,  
reducit alto dona nocentium  
voltu, per ol[or]ta tis catervas  
explicat sua victor arma.

non posse i[st] lentem multa vocaveris  
recte beatim; rectius occupat  
numen beati, qui deorum  
m[on]umenta sapienter uti

daramque collet pauperium pati,  
peiusque leto flagitium timet,  
non ille pro caris amicis  
aut patria timidus perire.

X. **O** CRUDELIIS adhuc et Veneris muncribus  
potens,  
in perata tuae cu[m] veniet pluma superbiae  
et quae n[on] umeris involitant deciderint comae,  
nunc et qui color e[st] paniceae flore prior rosae

mutatus Ligurinum in faciem verterit hispidam,  
dices 'heu' quotiens te speculo videris alterum,  
'quae mens est hodie, cur eadem non puero fuit,  
vel cur his animis incolumes non redeunt genae?'

XI.

**E**ST mihi nonum superantis annum  
plenus Albani cadus; est in horto,  
Phylli, nectendis apium coronis;  
est hederae vis

multa, qua crinis religata fulges;  
ridet argento domus; ara castis  
vincta verbenis avet immolato  
spargier agno;

cuncta festinat manus, huc et illuc  
cursitant mixtae pueris puellae;  
sordidum flammae trepidant rotantes  
vertice fumum.

10

ut tamen noris quibus advoceris  
gaudiis, Idus tibi sunt agendae,  
qui dies mensem Veneris marinae  
findit Aprilem,

iure sollemnisi mihi sanctiorque  
paene natali proprio, quod ex hac  
luce Maecenas meus adfluentis  
ordinat annos.

20

Telphum, quem tu petis, occupavit  
non tuae sortis iuvencem puella  
dives et lasciva tenetque grata  
compede vincetum.

terret ambustus Phaethon avaras  
spes, et exemplum grave praebet ales  
Pegasus terrenum equitem gravatus  
Bellerophontem,

semper ut te digna sequare et ultra  
quam licet sperare nefas putando  
disparem vites. age iam meorum  
finis amorum —

30

non enim posthac alia calcbo  
semina—condisce modos, amanda  
voce quos reddas : minuentur atrae  
carmine curae.

XII. **I** AM veris comites, quae mare temperant,  
impellunt animae hinc te Thracie,  
iam nec prata rigent nec fluvii strepunt  
hiberna nive turgidi.

nidum ponit Ityn flebiliter gemens  
infelix avis et Cecropiae domus  
asternum opprobrium, quod male barbaras  
regum est ulta libidines.

dicunt in tenero gramine pinguium  
custodes ovium carmina fistula,  
delectantque deum, cui pecus et nigri  
colles Arcadiae placent.

adduxere sitim tempora, Vergili.  
sed pressum Calibus ducere Liberum  
si gestis, iuvenum nobilium cliens,  
nardo vina mereberis.

nardi parvus onyx elicit cadum,  
qui nunc Sulpiciis accubat horreis,  
spes donare novas largus amaraque  
curarum eluere efficax.

20

ad quae si properas gaudia, cum tua  
velox merce veni : non ego te meis  
immunem meditor tinguere poculis,  
plena dives ut in domo.

verum pone moras et studium lucri,  
nigrorumque memor, dum licet, ignium  
misce stultitiam consiliis brevem :  
dulce est desipere in loco.

XIII. **A**UDIVERE, Lyce, di mea vota, di  
audivere, Lyce : fis anus, et tamen  
vis formosa videri,  
ludisque et bibis impudens,

et canta tremulo pota Cupidinem  
lenium sollicita, ille videntis et  
doctae pallere Chiae  
tuleris exebat in genis.

importunus enim transvolat aridas  
quæru, et refugit te quia luridi  
dente, te quia rugæ  
turpant et capitis nive,

10

nec Coæ referunt iam tibi purpuræ  
nec cari lapides tempora, quæc emel  
notis amicta fastis  
in lusit vobis dæ,

quo fugit venus heu, quo cœl r? decens  
quo mortus? quid habes illu?, illius,  
quæ spiralat amores,  
quæ me surpucrat milii,

20

felix p. t Cinaram, notaque et artium  
gratarum facies? s. l Cinarae brevis  
anno, fata deicerunt,  
servatura diu pareni

corni i. vctulae temporibus Lycean,  
present et iavenes visere servili  
multo non inane riu  
dilapsam in cineres facem.

XIV. **Q**UAE cura Patrum quaeve Quiritium  
plenis honorum muneribus tuas,  
Augste, virtutes in aevum  
per titulos memoresque fastos

aeternet, o qua sol habitabilis  
illustrat oras maxime principum?  
quem legis expertes Latinae  
Vindelici didicere nuper

quid Marte posses. milite nam tuo  
Drusus Genaunos, implacidum genus,  
Breunosque veloces et arces  
Alpibus impositas tremendis

10

deiecit acer plus vice simplici.  
maior Neronum mox grave proelium  
commisit immanisque Raetos  
auspiciis pepulit secundis,

spectandus in certamine Martio  
devota morti pectora liberae  
quantis fatigaret ruinis,  
indomitas prope qualis undas

20

exercet Auster, Pleiadum choro  
scidente nubes, impiger hostium  
vexare turmas et frementem  
mittere equum medios per ignis.

te triformis volvitur Aufidus,  
qui regna Druni praefluit Apuli,  
cum saevit horret eam per cultis  
dilexim mellatur agri,

te barbarorum Claudes agmina  
ferrata vasto dirigit impetu,  
primumque et extremum mitem  
stravit humanae fidei clade vicerat,

te capias, te amandum et tunc  
praedicta divisa, nam tibi quo dic  
pertusus Alexander supplex  
et vacua patescat aquila,

Fortuna Iusto pro p[ro]p[ri]a tertio  
belli annulus reddidit exitum,  
lau tempos et optatum peractis  
imperii deus alrigavit,

te Canaber non ante dominabilis  
Melp[er]ie et Indus, te profugis Scythes  
miratur, o tutela praeponit  
Italiam dominareque Romae.

te formum qui celat originem  
Nilusque et Ister, te rapidus Tigris,  
te bellicosque in remotis  
obstrepit Oceanus Britannis,

te non paventis funera Galliae  
durat que tellus audit Hiberiae,  
te caede gaudentes Sygambri  
compositis venerantur armis.

XV. PHOEBUS volentem proelia me loqui  
 victas et urbes increpuit lyra,  
 ne parva Tyrrhenum per aequor  
 vela darem. tua, Caesar, aetas

fruges et agris rettulit uberes,  
 et signa nostro restituit Iovi  
 derepta Parthorum superbis  
 postibus, et vacuum duellis

Ianum Quirini clausit, et ordinem  
 rectum evaganti frena licentiae  
 iniecit emovitque culpas  
 et veteres revocavit artes,

per quas Latinum nomen et Italae  
 crevere vires famaque et imperi  
 porrecta maiestas ad ortus  
 solis ab Hesperio cubili.

custode rerum Caesare non furor  
 civilis aut vis exiget otium,  
 non ira, quae procudit ensis  
 et miseras inimicat urbes.

non qui profundum Danuvium bibunt  
 edicta rumpent Iulia, non Getae,  
 non Seres infidive Persae,  
 non Tanain prope flumen orti.

10

20

no<sup>m</sup> que et profestis lucibus et sacrīs  
inter iocosi munera Liberi,  
cum prole matronisque nostris  
rite deos prius apprecati,

virtute functos more patrum duces  
Lydis remixto carimine tibiis,  
Troiamque et Anchisen et almae  
progeniem Veneris canemus.

CARMEN SAECULARE.



## CARMEN SAECULARE.

P HOEBE silvarumque potens Diana,  
lucidum caeli decus, o colendi  
semper et culti, date quae precamur  
tempore sacro,

quo Sibyllini monuere versus  
virgines lectas puerosque castos  
dis, quibus septem placuere colles  
dicere carmen.

alme Sol, curru nitido diem qui  
promis et celas aliasque et idem  
nasceris, possis nihil urbe Roma  
visere maius.

10

rite maturos aperire partus  
lenis, Ilithyia, tuere matres,  
sive tu Lucina probas vocari  
seu Genitalis :

diva, pro lucas subolem, Patrumque  
properes decreta super ingandis  
seminis pro hincque novae feraci

luz marita,

20

certus undique deciens per annos  
orbi ut cantu referat que lulos  
ter die clara totius que grata  
naturamque frequentis.

vixque virace coquuntur, Parcae,  
quod amel dictum est regibusque rerum  
terminus erit, Luna in p. actis  
iungit fata.

fertilis frugis p. atri que tellus  
spicea donet Cererem corona;  
nutriant fetus et a p. e. dolore  
et Iuvant auct. e.

30

confito miti placidi p. p. telo  
supplio di pueris, Apollo;  
siderum regina licornis audi,  
Luna, puella.

Roma si ve trum et opus, Iliaeque  
litus Etruscum tenuere turmae,  
iussa pars mutare lares et urbem  
sojite cur u,

40

cui per ardensem sine fraude Troiam  
castus Aeneas patriae superstes  
liberum munivit iter, daturus  
plura relictis :

di, probos mores docili iuventae,  
 di, senectuti placidae quietem,  
 Romulae genti date remque prolemque  
 et decus omne;

quaeque vos bobus veneratur albis  
 clarus Anchisae Venerisque sanguis,  
 impetret, bellante prior, iacentem  
 lenis in hostem.

50

iam mari terraque manus potentis  
 Medus Albanasque timet securis,  
 iam Scythae responsa petunt, superb  
 nuper, et Indi.

iam Fides et Pax et Honos Pudorque  
 priscus et neglecta redire Virtus  
 audet, apparetque beata pleno  
 Copia cornu.

60

augur et fulgente decorus arcu  
 Phoebus acceptusque novem Camenis,  
 qui salutari levat arte fessos  
 corporis artus,

si Palatinas videt aequus aras,  
 remque Romanam Latiumque felix  
 alterum in lustrum meliusque semper  
 prorogat aevum.

quaeque Aventinum tenet Algidumque  
 quindecim Diana preces virorum  
 curat et votis puerorum amicas  
 applicat auris.

70

haec Iovem sentire deo que cunctos  
spem bonam certamque domum reporto,  
doctus et Phoebi chorus et Dianaë  
dicere laudes.

E P O D I



## EPODON

LIBER.

I.

I BIS Liburnis inter alta navium,  
amice, propugnacula,  
paratus omne Caesaris periculum  
subire, Maecenas, tuo.  
quid nos, quibus te vita si superstite  
iucunda, si contra, gravis ?  
utrumne iussi persequemur otium,  
non dulce, ni tecum simul,  
an hunc laborem mente laturi, decet  
qua ferre non mollis viros ?  
feremus et te vel per Alpium iuga  
inhospitalem et Caucasum,  
vel occidentis usque ad ultimum sinum  
forti sequemur pectore.  
roges tuum labore quid iuvem meo  
imbellis ac firmus parum ?  
comes minore sum futurus in metu,  
qui maior absentis habet ;  
ut adsidens implumbibus pullis avis  
serpentium adlapsus timet  
magis relictis, non, ut adsit, auxili  
latura plus praesentibus.

10

20

libenter hoc et omne militabitur  
 bellum in tuae spem gratiae,  
 non ut iuvencis illigata pluribus  
 aratra nitantur mea,  
 pecusve Calabris ante sidus servidum  
 Lucana mutet pascuis,  
 neque ut superni villa candens Tusculi  
 Circaea tangat moenia.  
 satis superque me benignitas tua  
 ditavit : haud paravero  
 quod aut avarus ut Chremes terra premam,  
 discinctus aut perdam nepos.

30

II. ‘**B**EATUS ille qui procul negotiis,  
 ut prisca gens mortalium,  
 paterna rura bobus exercet suis  
 solutus onni senore,  
 neque excitatur classico miles truci,  
 neque horret iratum mare,  
 Forumque vitat et superba civium  
 potentiorum limina.  
 ergo aut adulta vitium propagine  
 altas maritat populos,  
 aut in reducta valle mugientium  
 prospectat errantilis greges,  
 inutilisve falce ramos amputans  
 feliciores inserit,  
 aut pressa puris mella condit amphoris  
 aut tondet infirmas ovis :  
 ve lcum decorum mitibus pomis caput  
 Autumnnus agris extulit,

10

ut gaudet insitiva decerpens pira,  
 certantem et uvam purpurae,  
 qua muneretur te, Priape, et te, pater  
 Silvane, tutor finium.  
 libet iacere modo sub antiqua ilice,  
 modo in tenaci gramine.  
 labuntur altis interim rivis aquae,  
 queruntur in silvis aves,  
 fontesque lymphis obstrepunt manantibus,  
 somnos quod invitet levis.  
 at cum tonantis annus hibernus Iovis  
 imbris nivesque comparat,  
 aut trudit acris hinc et hinc multa cane  
 apros in obstantis plagas,  
 aut amite levi rara tendit retia,  
 turdis edacibus dolos,  
 pavidumque leporem et advenam laqueo gruem  
 iucunda captat praemia.  
 quis non malarum quas amor curas habet  
 haec inter obliscitur?  
 quodsi pudica mulier in partem iuvet  
 domum atque dulcis liberos,  
 Sabina qualis aut perusta solibus  
 perniciis uxor Apuli,  
 sacrum vetustis exstruat lignis focum  
 lassi sub adventum viri,  
 claudensque textis cratibus lactum pecus  
 distenta siccat ubera,  
 et horna dulci vina promens dolio  
 dapes inemptas appetit:  
 non me Lucrina iuverint conchylia  
 magisve rhombus aut scari,  
 si quos Eois intonata fluctibus  
 hiemps ad hoc vertat mare.

non Afra avis descendat in ventre in meum,  
 non attagen Ionicus  
 iucundior quam lecta de pinguissimis  
     oliva ramis arborum,  
 aut herba lapathi prata amantis et gravi  
     malvae salubres corpori,  
 vel agna festis caesa Terminalibus,  
     vel haedus creptus lupo.  
 has inter epulas ut iuvat pastas ovis  
     videre properantis domum,  
 videre fessos vomerem inversum boves  
     collo trahentis languido,  
 positosque vernas, ditis examen domus,  
     circum renidentis Lares.<sup>60</sup>  
 haec ubi locutus fenerator Alsius,  
     iam iam futurus rusticus,  
 omnem redegit Idibus pecuniam,  
     quaerit Kalendis ponere.

70

70

**III.** PARENTIS olim si quis impia manu  
     senile guttur fregerit,  
 edit cicutis alium nocentius.  
     o dura messorum ilia !  
 quid hoc veneni saevit in praecordiis ?  
     num viperinus his crux  
 incocitus herbis me sefellit, an malas  
     Canidia tractavit dapes ?  
 ut Argonautas praeter omnis candidum  
     Medea mirata est ducem,  
 ignota tauris illigaturum iuga  
     perunxit hoc Iasonem ;

10

hoc delibutis ulta donis paelicem  
 serpente fugit alite.  
 nec tantus umquam siderum insedit vapor  
 siticulosae Apuliae  
 nec munus umeris efficacis Herculis  
 inarsit aestuosius.  
 at siquid umquam tale concupiveris,  
 iocose Maeceenas, precor  
 manum puella savio opponat tuo,  
 extrema et in sponda cubet. 20

IV. **L**UPIS et agnis quanta sortito obtigit  
 tecum mihi discordia est,  
 Hibericis peruste funibus latus  
 et crura dura compede.  
 licet superbus ambules pecunia,  
 fortuna non mutat genus.  
 videsne, Sacram metiente te viam  
 cum bis trium ulnarum toga,  
 ut ora vertat huc et huc euntium  
 liberrima indignatio? 10  
 ' sectus flagellis hic triumviralibus  
 praeconis ad fastidium  
 arat Falerni mille fundi iugera,  
 et Appiam mannis terit,  
 sedilibusque magnus in primis eques  
 Othono contempto sedet.  
 quid attinet tot ora navium gravi  
 rostrata duci pondere  
 contra latrones atque servilem manum,  
 hoc, hoc tribano militum?' 20

V. 'A T o deorum quicquid in caelo regit  
 terras et humanum genus,  
 quid iste fert tumultus? aut quid omnium  
 voltus in unum me truces?  
 per liberos te, si vocata partibus  
 Lucina veris adfuit,  
 per hoc inane purpurae decus precor,  
 per improbatum haec lovem,  
 quid ut novarea me intueris aut uti  
 petita ferro belua?'  
 ut haec trementi questus ore constitit  
 insignibus raptis puer,  
 impube corpus, quale posset impia  
 mollire Thracum pectora,  
 Canidia brevibus implicata viperis  
 crinis et incomptum caput  
 iubet sepulcris caprificos erutas,  
 iubet cupressus funebris,  
 et uncta turpis ova ranae sanguine,  
 plumainque nocturnae strigis,  
 herbasque quas Ioleos atque Hiberia  
 mittit venenorum ferax,  
 et ossa ab ore rapta ieunae canis  
 flammis aduri Colchicis.  
 at expedita Sagana per totam domum  
 spargens Avernal is aquas  
 horret capillis ut marinus asperis  
 echinus aut currens aper.  
 abacta nulla Veia conscientia  
 ligonibus duris humum

10

20

30

exhauriebat ingemens laboribus,  
quo posset infossus puer  
longo die bis terque mutatae dapis  
inemori spectaculo,  
cum prominaret ore quantum exstant aqua  
suspensa mento corpora ;  
exsucta uti medulla et aridum iecur  
amoris esset poculum,  
interminato cum semel fixae cibo  
intabuissent pupulae.

40

non defuisse masculae libidinis  
Ariminensem Foliam  
et otiosa credidit Neapolis  
et omne vicinum oppidum,  
quae sidera excantata voce Thessala  
lunamque caelo deripit.

hic inresectum saeva dente livido  
Canidia rodens pollicem  
quid dixit aut quid tacuit ? ‘o rebus meis  
non infideles arbitrae,

50

Nox et Diana quae silentium regis  
arcana cum fiunt sacra,  
nunc nunc adeste, nunc in hostilis domos  
iram atque numen vertite.

formidolosis dum latent silvis ferae  
dulci sopore languidae,  
senem, quod omnes rideant, adulterum  
latrent Suburanac canes  
nardo perunctum, quale non perfectius  
meae laborarint manus.

60

quid accedit ? cur dira barbarae minus  
venena Medeae valent ?  
quibus superbam fugit ulta paelicem,  
magni Creontis filiam,

cum palla, tabo munus imbutum, novam  
incendio nuptiam abstulit.

atqui nec herba nec latens in asperis  
radix fefellit me hecis.

indornat unctis omnium cubilibus  
oblivione paelicum.

a a, solutus ambulat veneficæ  
scientioris carmine.

non usitatis, Vare, potionibus,  
o multa fleturum caput,  
ad me recurras, nec vocata mens tua  
Marsis redibit vocibus.

maius parabo, maius infundam tibi  
fastidienti poculum,  
priusque caelum sidet inferius mari  
tellure porrecta super

quam non amore sic meo flagres uti  
bitumen atris ignibus.'

sub haec puer iam non ut ante mollibus  
lenire verbis imprias,  
sed dubius unde rumperet silentium  
misit Thye-teas preces.

'venena magnum fas nefasque non valent  
converte humanam vicem.

diris agam vos ; dira detestatio  
nulla expiatur victima.

quin, ubi perire iussus exspiravero,  
nocturnus occurram Furor,  
petamque voltus umbra curvis unguibus,  
quae vis deorum est Manium,

et inquietis adsidens praecordiis  
pavore somnos auferam.

vos turba vicatim hinc et hinc saxis petens  
contundet obseenas anus.

70

80

90

post insepulta membra different lupi  
 et Esquilinae alites,  
 neque hoc parentis heu mihi superstites  
 effugerit spectaculum.'

100

VI. **Q**UID immerentis hospites vexas canis  
 ignavus adversum lupos?  
 quin huc inanis, si potes, vertis minas,  
 et me remorsurum petis?  
 nam qualis aut Molossus aut fulvus Laco,  
 amica vis pastoribus,  
 agam per altas aure sublata nives,  
 quaecumque praecedet fera.  
 tu, cum timenda voce complesti nemus,  
 proiectum odoraris cibum.  
 10  
 cave, cave: namque in malos asperrimus  
 parata tollo cornua,  
 qualis Lycambae spretus infido gener,  
 aut acer hostis Bupalo,  
 an, si quis atro dente me petiverit,  
 inultus ut flebo puer?

10

VII. **Q**UO, quo sclesti ruitis? aut cur dexteris  
 aptantur enses econditi?  
 parumne campis atque Neptuno super  
 fusum est Latini sanguinis?  
 non ut superbias invidac Carthaginis  
 Romanus arces ureret,  
 intactus aut Britannus ut descenderet

Sara crenatus via,  
 sel ut, secundum vota Parthorum, sua  
 urls hanc periret dextera.  
 neque hic Iapis mo<sup>n</sup>re fuit leonibus,  
 um juam nisi in di par feris.  
 si rōne caecis an rapit vis acrior  
 an culpa? responsum date.  
 tacent, et albus ora pallor inficit  
 mente que pereisae stupent.  
 sic e<sup>t</sup>: acerba fata Romanos agunt  
 scelus que fraternae necis,  
 ut immerentis fluxit in terram Remi  
 sacer neq<sup>ue</sup> tibus crux.  
20

VIII. R OGARE longo putram te saeculo  
 vires quid enervet meas?  
 cum sit tibi dens ater et rugis vetus  
 frontem menectus exaret,  
 hietque turpis inter aridas natis  
 podex velut crudae bovis?  
 sed incitat me pectus et niammae putres,  
 equina quales ubera,  
 venterque mollis et femur tumentibus  
 exile suris ad litum.  
 esto beata, fons atque imagines  
 ducant triumphales tuum,  
 nec sit marita quae rotundioribus  
 onusta bacis ambulet.  
 quid, quod libelli Stoici inter sericos  
 iacere pulvilos amant?  
70

inliterati num minus nervi rigent?  
 minusve languet fascinum?  
 quod ut superbo provokes ab inguine,  
 ore adlaborandum est tibi.

20

IX. **Q**UANDO repostum Caecubum ad festas  
 dapes  
 victore laetus Caesare  
 tecum sub alta—sic Iovi gratum—domo,  
 beate Maecenas, bibam?  
 sonante mixtum tibiis carmen lyra,  
 hac Dorium, illis barbarum:  
 ut nuper, actus cum freto Neptunius  
 dux fugit ustis navibus,  
 minatus Urbi vincla, quae detraxerat  
 servis amicus perfidis.  
 Romanus eheu—posteri negabitis—  
 emancipatus feminae  
 fert vallum et arma miles et spadonibus  
 servire rugosis potest,  
 interque signa turpe militaria  
 sol adspicit conopium.  
 ad †hunc frementis verterunt bis mille equos  
 Galli canentes Caesarem,  
 hostiliumque navium portu latent  
 puppes sinistrorum citae.  
 io Triumphe, tu moraris aureos  
 currus et intactas boves?  
 io Triumphe, nec Iugurthino parem  
 bello reportasti ducem,

10

20

neque Africinum, cui super Carthaginem  
virtus sepulcrum condidit.  
terra marique victus hostis punico  
lugubre mutavit sagum.  
aut ille centum nobilem Cretam urbibus  
ventis iturus non suis,  
exercitatas aut petit Syrtis Noto,  
aut fertur incerto mari.  
capaciores adser hue, puer, scyphos  
et Chia vina aut Lesbia,  
vel quod fluentem nauseam coerceat  
metire nobis Caecubum.  
curam metumque Caesaris rerum iuvat  
dulci Lyaeo solvere.

30

X. **M**ALA soluta navis exit alite  
ferens olenem Maevium.  
ut horridis utrumque verberes latus,  
Auster, memento fluctibus.  
niger rudentis Eurus inverso mari  
fractosque remos differat,  
insurgat Aquilo quantus altis montibus  
frangit trementis ilices,  
nec sidus atra nocte amicum appareat,  
qua tristis Orion cedit,  
quietiore nec feratur aequore  
quam Graia victorum manus,  
cum Pallas usto vertit iram ab Ilio  
in impiam Aiacis ratem.  
o quantus instat navitis sudor tuis,  
tibique pallor luteus

10

et illa non virilis eiulatio,  
 preces et aversum ad Iovem,  
 Ionus udo cum remugiens sinus  
 Noto carinam ruperit.  
 opima quodsi praeda curvo litore  
 porrecta mergos iuveris,  
 libidinosus immolabitur caper  
 et agna Tempestatibus.

20

XI. PETTI, nihil me sicut antea iuvat  
 scribere versiculos amore percussum gravi,  
 amore qui me praeter omnis expetit  
 mollibus in pueris aut in puellis urere.  
 hic tertius December, ex quo destiti  
 Inachia furere, silvis honorem decutit.  
 heu me, per urbem, nam pudet tanti mali,  
 fabula quanta fui ! conviviorum et paenitet  
 in quis amantem et languor et silentium  
 arguit et latere petitus imo spiritus.      10  
 ‘ contrane lucrum nil valere candidum  
 pauperis ingenium ! ’ querebar adplorans tibi,  
 simul calentis inverecundus deus  
 fervidiore mero arcana promorat loco.  
 ‘ quodsi meis inaestuet praecordiis  
 libera bilis, ut haec ingrata ventis dividat  
 fomenta volnus nil malum levantia,  
 desinet imparibus certare summotus pudor.’  
 ubi haec severus te palam laudaveram,  
 iussus abire domum ferebar incerto pede      20  
 ad non amicos heu mihi postis et heu  
 limina dura, quibus lumbos et infregi latus.

20

nunc gloriantis quamlibet mulierculam  
 vincere mollitia amor Lycisci me tenet ;  
 unde expedire non amicorum queant  
 libera consilia nec contumeliae graves,  
 sed alius ardor aut puellae candidae  
 aut teretis pueri longam renodantis comam.

XII. QUID tibi vis, mulier nigris dignissima  
 barris ?  
 munera quid mihi quidve tabellas  
 mittis nec firmo iuveni neque naris obesac ?  
 namque sagacious unus odoror,  
 polypus an gravis hirsutis cubet hircus in alis,  
 quam canis acer ubi lateat sus.  
 qui sudor vietis et quam malus undique membris  
 crescit odor, cum pene soluto  
 indomitam properat rabiem sedare, neque illi  
 iam manet umida creta colorque 10  
 stercore fucatus crocodili, iamque subando  
 tenta cubilia tectaque rumpit ;  
 vel mea cum saevis agitat fastidia verbis :  
 ‘ Inachia langues minus ac me ;  
 Inachiam ter nocte potes, mihi semper ad unum  
 mollis opus. pereat male quae te  
 Lesbia quaerenti taurum monstravit inertem,  
 cum mili Cous adesset Amyntas,  
 cuius in indomito constantior inguine nervus  
 quam nova collibus arbor inhaeret. 20  
 muricibus Tyriis iteratae vellera lanae  
 cui properabantur ? tibi nempe,

ne foret aequalis inter conviva, magis quem  
diligeret mulier sua quam te.  
o ego non felix, quam tu fugis ut pavet acris  
agna lupos capreaeque leones.'

XIII. **H**ORRIDA tempestas caelum contraxit, et  
imbris  
nivesque deducunt Iovem; nunc mare, nunc  
siluae  
Threicio Aquilone sonant. rapiamus, amici,  
occasionem de die, dumque virent genua  
et decet, obducta solvatur fronte senectus.  
tu vina Torquato move consule pressa meo.  
cetera mitte loqui: deus haec fortasse benigna  
reducet in sedem vice. nunc et Achaemenio  
perfundi nardo iuvat et fide Cyllenea  
levare diris pectora sollicitudinibus, 10  
nobilis ut grandi cecinit Centaurus alumno:  
'invicte, mortalis dea nate puer Thetide,  
te manet Assaraci tellus, quam frigida tardi  
findunt Scamandri flumina, lubricus et Simois;  
unde tibi redditum certo subtemine Parcae  
rupere, nec mater domum caerula te revehet.  
illuc omne malum vino cantuque levato,  
deformis aegrimoniae dulcibus alloquiis.

XIV. **M**OLLIS inertia cur tantam diffuderit imis  
oblivionem sensibus,  
pocula Lethaeos ut si ducentia somnos  
arente fauce traxerim,

candidate Maecenas, occidis saepe rogando :  
 deus deus nam me vetat  
 inceptos, olim promissum carmen, iambos  
 ad umbilicum adduceret.  
 non aliter Samio dicunt arsisse Bathyllo  
 Anacreonta Teium,  
 qui persaepe cava testudine flevit amorem  
 non elaboratum ad pedem.  
 ureris ipse miser. quodsi non pulchrior ignis  
 accendi obsessam Ilion,  
 gaude sorte tua : me libertina neque uno  
 contenta Phryne macerat.

10

XV. **N**OX erat et caelo fulgebat luna sereno  
 inter minora sidera,  
 cum tu magnorum numen laesura deorum  
 in verba iurabas mea,  
 artius atque hedera procera adstringitur ilex  
 lentis adhaerens bracchiis,  
 dum pecori lupus, et nautis infestus Orion  
 turbaret hibernum mare,  
 intonsosque agitaret Apollinis aura capillos,  
 fore hunc amorem mutuum.

10

o dolitura mea multum virtute Neaera !  
 nam siquid in Flacco viri est,  
 non feret assidas potiori te dare noctes,  
 et quaeret iratus parem :  
 nec semel offendit constantia formae,  
 si certus intrarit dolor.  
 et tu, quicumque es felicior atque meo nunc  
 superbus incedis malo,

sis pecore et multa dives tellure licebit,  
 tibique Pactolus fluat,  
 nec te Pythagorae fallant arcana renati,  
 formaque vincas Nirea,  
 heu heu translatos alio maerebis amores :  
 ast ego vicissim risero.

20

XVI. ALTERA iam teritur bellis cīilibus aetas,  
**A** suis et ipsa Roma viribus ruit :  
 quam neque finitimi valuerunt perdere Marsi,  
 minacis aut Etrusca Porsenae manu ;  
 aemula nec virtus Capuae, nec Spartacus acer  
 novisque rebus infidelis Allobrox,  
 nec fera caerulea domuit Germania pube  
 parentibusque abominatus Hannibal ;  
 impia perdemus devoti sanguinis aetas,  
 ferisque rursus occupabitur solum. 10  
 barbarus heu cineres insistet victor et arbenti  
 eques sonante verberabit ungula,  
 quaeque carent ventis et solibus ossa Quirini,  
 nefas videre ! dissipabit insolens.  
 forte quod expedit, communiter aut melior pars  
 malis carere quaeritis laboribus.  
 nulla sit hac potior sententia, Phocaeorum  
 velut profugit exsecrata civitas  
 agros atque lares patrios, habitandaque fana  
 apris reliquit et rapacibus lupis, 20  
 ire pedes quo cumque ferent, quo cumque per undas  
 Notus vocabit aut protervus Africus.  
 sic placet, an melius quis habet suadere ? secunda  
 ratem occupare quid morainur alite ?

sed iuremus in haec : simul imis saxa renarint  
vadis levata, ne redire sit nefas ;  
neu conversa domum pigeat dare lintea, quando  
Padus Matina laverit cacumina,  
in mare seu Celsus procurrerit Appenninus,  
novaque monstra iunxerit libidine  
mirus amor, iuvet ut tigris subsidere cervis,  
adulteretur et columba milao,  
credula nec ravos timeant armenta leones,  
ametque salsa levis hircus acquora.  
hacc et quae poterunt redditus abscindere dulcis  
eamus orinis exsecrata civitas,  
aut pars indocili melior grege ; mollis et expes  
inomina perprimat cubilia.  
vos quibus est virtus, muliebrem tollite luctum,  
Etrusca piaeter et volate litora.  
nos manet Oceanus circumvagus : arva, beata  
petamus arva, divites et insulas,  
reddit ubi Cererem tellus inarata quotannis  
et inputa floret usque vinea,  
germinat es numquam fallentis termes olivae,  
suamque pulla ficus ornat arborem,  
mella cava manant ex ilice, montibus altis  
levis crepante lympha desilit pede.  
illuc iniussae veniunt ad multra capellac,  
refertque tenta grex amicus ubera ;  
nec vesperinus circumgemit ursus ovile,  
neque intumescit alta viperis humus.  
pluraque felices mirabimur ; ut neque largis  
aquosus Eurus arva radat imbribus,  
pinguia ne siccis urantur semina glaebis,  
utrumque rege temperante caelitum.  
non huc Argoo contendit remige pinus,  
neque impudica Colchis intulit pedem ;

non huc Sidonii torserunt cornua nautae,  
 laboriosa nec cohors Ulixei.  
 nulla nocent pecori contagia, nullius astri  
     gregem aestuosa torret impotentia.  
 Iuppiter illa piae secrevit litora genti,  
     ut inquinavit aere tempus aureum ;  
 aere, dehinc ferro duravit saecula, quorun  
     piis secunda vate me datur fuga.

60

XVII. **I** AM iam efficaci do manus scientiae,  
     supplex et oro regna per Proserpinae,  
 per et Dianae non movenda numina,  
     per atque libros carminuni valentium  
 refixa caelo devocare sidera,  
     Canidia, parce vocibus tandem sacris,  
 cituunque retro solve, solve turbinem.  
     inovit nepotem Telephus Nereum,  
 in quem superbus ordinarat agmina  
     Mysorum et in quein tela acuta torserat.         10  
 unxere matres Iliae addictum feris  
     alitibus atque canibus homicidam Hectorem,  
 postquam relictis moenibus rex procidit  
     heu pervicacis ad pedes Achillei.  
 sanctosa duris exuere pellibus  
     laboriosi remiges Ulixei  
 volente Circa membra : tune mens et sonus  
     relapsus atque notus in voltus honor.  
 dedi satis superque poenarum tibi,  
     amata nautis multum et institoribus.         20  
 fugit iuventas, et verecundus color  
     reliquit ora pelle amicta lurida ;

10

20

tuis capillus albus est odoribus;  
nullum a labore me reclinat otium;  
urguet diem nox et dies noctem, neque est  
levare tenta spiritu praecordia.

ergo negatum vincor ut credam miser,  
Sabella pectus increpare carmina  
caputque Marsa dissilire nenia.

quid amplius vis? o mare, o terra, ardeo      30  
quantum neque atro delibutus Hercules

Nessi cruento nec Sicana servida  
furens in Aetna flamma; tu, donec cinis  
iniuriosis aridus ventis ferar,  
cales venenis officina Colchicis.

quae finis aut quod me manet stipendum?  
effare: iussas cum fide poenas luam,  
paratus expiare, seu poposceris      40  
centum iuvencos; sive mendaci lyra  
voles sonari, tu pudica, tu proba  
perambulabis astra sidus aureum.

infamis Helenae Castor offensus vicem  
fraterque magni Castoris, victi prece,  
adempta vati reddidere lumina:  
et tu, potes nam, solve me dementia,  
o nec paternis obsoleta sordibus      50  
neque in sepuleris pauperum prudens anus  
novendialis dissipare pulveres.

tibi hospitale pectus et purae manus,  
tuusque venter Pactumeius, et tuo  
cruore rubros obstetrix pannos lavit,  
uteumque fortis exsilis puerpera.  
'quid obseratis auribus fundis preces?  
non saxa nudis surdiora navitis  
Neptunus alto tundit hibernus salo.  
inultus ut tu riseris Cotyttia

volgata, sacrum liberi Cupidinis,  
et Esquilini pontifex benefici  
impune ut urbem nomine impleris meo?

quid proderat ditasse Paelignas anus      60  
velociusve miscuisse toxicum?

sed tardicra fata te votis manent;  
ingrata misero vita ducenda est in hoc,

novis ut usque suppetas laboribus.

optat quietem Pelopis infidi pater  
egens benignae Tantalus semper dapis,  
optat Prometheus obligatus aliti,  
optat supremo collocare Sisyphus  
in monte saxum: sed vetant leges Iovis.

voles modo altis desilire turribus,      70  
modo ense pectus Norico recludere,  
frustraque vincla gutturi nectes tuo  
fastidiosa tristis aegrimonia.

vectabor umeris tunc ego inimicis eques,  
meaeque terra cedet insolentiae.

an, quae movere cereas imagines,  
ut ipse nosti cuiosus, et polo  
deripere lunam vocibus possim meis,  
possim crematos excitare mortuos  
desiderique temperare pocula,      80  
plorem artis in te nil agentis exitus?'



S A T I R A E.



## SATIRARUM

### LIBER PRIMUS.

I. **Q**UI fit, Maecenas, ut nemo, quam sibi sortem  
seu ratio dederit seu fors obiecerit, illa  
contentus vivat, laudet diversa sequentis?  
'o fortunati mercatores' gravis annis  
miles ait multo iam fractus membra labore.  
contra mercator, navim iactantibus austris,  
'militia est potior. quid enim? concurritur: horae  
momento cita mors venit aut victoria lacta.'  
agricolam laudat iuris legumque peritus,  
sub galli cantum consultor ubi ostia pulsat. 10  
ille, datis vadibus qui rure extractus in urbem est,  
solos felices viventis clamat in urbe.  
cetera de genere hoc, adeo sunt multa, loquacem  
delassare valent Fabium. ne te morer, audi  
quo rem deducam. si quis deus 'en ego' dicat  
'iam faciam quod voltis: eris tu, qui modo miles,  
mercator; tu, consultus modo, rusticus: hinc vos,  
vos hinc mutatis discedite partibus. cia.  
quid statis?' nolint. atqui licet esse beatis.

quid causae est, merito quin illis Iuppiter ambas  
iratus buccas inflet, neque se fore posthac  
tam facilem dicat, votis ut piaebeat aureui?  
praeterea, ne sic ut qui iocularia ridens  
percurram: quamquam ridentem dicere verum  
quid vetat? ut pueris olim dant crustula blandi  
doctores, elementa velint ut discere prima:  
sed tamen amoto quaeramus seria ludo.

ille gravem duro terram qui vertit aratro,  
perfidus hic caupo, miles nautaeque per omne  
auaces mare qui currunt, hac mente laboreum  
sese ferre, senes ut in otia tuta recedant,  
aiunt, cum sibi sint congesta cibaria: sicut  
parvola—nam exemplo est—magni formica laboris  
ore trahit quodcumque potest atque addit acervo  
quem struit, haud ignara ac non incauta futuri.  
quae, simul inversum contristat Aquarius annum,  
non usquam prorepit, et illis utitur ante  
quaesitis sapiens, cum te neque servidus aestus  
demoveat lucro, neque hiemps, ignis, mare, ferrum,  
nil obstet tibi, dum ne sit te ditior alter.

quid iuvat immensum te argenti pondus et auri  
furtim defossa timidum deponere terra?

‘quod si comminuas, vilem redigatur ad assem.’  
at ni id fit, quid habet pulcri constructus acervus?  
milia frumenti tua triverit area centum,  
non tuus hoc capiet venter plus ac meus: ut si  
reticulum panis venalis inter onusto  
forte vehas umero, nihil plus accipias quam  
qui nil portarit. vel dic, quid referat intra  
naturae finis viventi, iugera centum an  
mille aret? ‘at suave est ex magno tollere acervo,  
dum ex parvo nobis tantundem haurire relinquas,  
cur tua plus laudes cumeris granaria nostris?’

20

30

40

50

ut tibi si sit opus liquidi non amplius urna  
vel cyatho, et dicas : ‘magnō de flumine malim  
quam ex hoc fonticulo tantundem sumere.’ eo fit,  
plenior ut siquos delectet copia iusto,  
cum ripa simul avolos ferat Aufidus acer.  
at qui tantuli eget quanto est opus, is neque limo  
turbatam haurit aquam neque vitam amittit in undis. 60  
at bona pars hominum decepta cupidine falso  
‘nil satis est’ inquit, ‘quia tanti quantum habeas sis.’  
quid facias illi? iubeas miserum esse, libenter  
quatenus id facit : ut quidam memoratur Athenis  
sordidus ac dives, populi contemnere voces  
sic solitus: ‘populus me sibilat ; at mihi plaudo  
ipse domi, simul ac nummos contemplor in arca.’  
Tantalus a labris sitiens fugientia captat  
flumina. quid rides? mutato nomine de te  
fabula narratur : congestis undique saccis  
indormis inhians et tamquam pareere sacris  
cogeris aut pictis tamquam gaudere tabellis.  
nescis quo valeat numimus, quem praebeat usum?  
panis ematur, holus, vini sextarius, adde  
quis humana sibi doleat natura negatis.  
an vigilare metu exanimem, noctesque diesque  
formidare malos fures, incendia, servos,  
ne te compilent fugientes, hoc iuvat? horum  
semper ego optarim pauperrimus esse bonorum.  
at si condoluit temptatum frigore corpus, 70  
aut aliis casus lecto te adfixit, habes qui  
adsideat, fomenta paret, med' cum roget, ut te  
suscitet ac natis reddat carisque propinquis?  
non uxor salvum te volt, non filius; omnes  
vicini oderunt, noti, pueri atque puellae.  
miraris, cum tu argento post omnia ponas,  
si nemo praestet quem non mercaris amore?

at si cognatos nullo natura labore  
 quos tibi dat retinere velis servareque amicos,  
 infelix operam perdas, ut siqtis asellum  
 in Campo doceat parentem currere frenis?  
 denique sit finis quaerendi, cumque habeas plus,  
 pauperiem metuas minus, et finire laborem  
 incipias parto quod avebas; ne facias quod  
 Ummidius quidam. non longa est fabula. dives  
 ut metiretur nummos, ita sordidus ut se  
 non umquam servo melius vestiret, ad usque  
 supremum tempus ne se penuria vicius  
 opprimeret metuebat. at hunc liberta securi  
 divisit medium, fortissima Tyndaridarum.

'quid mi igitur suades? ut vivam Naevius aut sic  
 ut Nomentanus?' pergis pugnantia secum  
 frontibus adversis componere: non ego, avarum  
 eum veto te fieri, vappami iubeo ac nebulonem.  
 est inter Tanain quiddam socerumque Viselli:  
 est modus in rebus, sunt certi denique fines,  
 quos ultra citraque nequit consistere rectum.  
 illuc unde abii redeo, t qui nemo, ut avarus,  
 se probet ac potius laudet diversa sequentis,  
 quodque aliena capella gerat distentius uber,  
 tabescat, neque se maiori pauperiorum  
 turbae comparet, hunc atque hunc superare laboret,  
 sic festinanti semper locupletior obstet,  
 ut, cum carceribus missos rapit ungula currus,  
 instat equis auriga suos vincentibus, illum  
 praeteritum temnens extremos inter euntem.  
 inde fit ut raro, qui se vixisse beatum  
 dicat et exacto contentus tempore vita  
 cedat uti conviva satur, reperire queamus.  
 iam satis est. ne me Crispini scrinia lippi  
 compilasse putas, verbum non amplius addam.

90

100

110

120

II. **A** MBUBAIARUM collegia, pharmacopolea,  
mendici, mimae, balatrones, hoc genus omne  
maestum ac sollicitum est cantoris morte Tigelli.  
quippe benignus erat. contra hic, ne prodigus esse  
dicitur metuens, inopi dare nolit amico,  
frigus quo duramque famem propellere possit.  
hunc si perconteris, avi cur atque parentis  
praeclaram ingrata stringat malus ingluvie rem,  
omnia conductis coemens obsonia nummis,  
sordidus atque animi quod parvi nolit haberri,      10  
respondet. laudatur ab his, culpatur ab illis.  
Fufidius vappae famam timet ac nebulonis  
dives agris, dives positis in fenore nummis :  
quinas hic capiti mercedes exsecat, atque  
quanto perditior quisque est, tanto acrius urguit ;  
nomina sectatur, modo sumpta veste virili,  
sub patribus duris tironum. ‘maxime’ quis non  
‘Iuppiter’ exclamat simul atque audivit ? ‘at in se  
pro quaestu sumptum facit hic.’ vix credere possis  
quam sibi non sit amicus, ita ut pater ille, Terenti      20  
fabula quem miserum gnato vixisse fugato  
inducit, non se peius cruciaverit atque hic.  
si quis nunc quaerat ‘quo res haec pertinet ?’ illuc :  
dum vitant stulti vitia, in contraria currunt.  
Maltinus tunicis demissis ambulat ; est qui  
inguen ad obscenum subductis usque facetus,  
pastillos Rusillus olet, Gargonius hircum.  
nil medium est. sunt qui nolint tetigisse nisi illas  
quarum subsuta talos tegat instita veste :  
contra aliis nullam nisi oleni in fornice stantem.      30  
quidam notus homo cum exiret fornice, ‘macte

virtute esto' inquit sententia dia Catonis :  
 ' nam si nul ac venas inflavit. taetra libido,  
 huc iuvenes aequum est descendere, non alienas  
 permolere uxores.' ' nolim laudarier' inquit  
 ' sic me' mirator cunni Cupiennius albi.  
 audire est operae pretium, procedere recte  
 qui moechos non voltis, ut omni parte laborent,  
 utque illis multo corrupta dolore voluptas  
 atque haec rara cadat dura inter saepe pericla. 40  
 hic se praecipitem tecto dedit ; ille flagellis  
 ad mortem caesus ; fugiens hic decidit acrem  
 praedonum in turbam ; dedit hic pro corpore nummos ;  
 hunc perminxerunt calones ; quin etiam illud  
 accidit, ut cuidam testis caudamque salacem  
 demeteret ferrum. ' iure' omnes : Galba negabat.  
 tutior at quanto inerx est in classe secunda,  
 libertinarum dico : Sallustius in quas  
 non minus insanit quam qui moechatur. at hic si,  
 qua res, qua ratio suaderet, quaque modeste 50  
 munifiso esse licet, vellet bonus atque benignus  
 esse, daret quantum satis esset, nec sibi damno  
 dedecorique foret. verum hoc se amplectitur uno,  
 hoc amat et laudat, ' matronam nullam ego tango.'  
 ut quondam Marsaeus, amator Originis ille,  
 qui patrium mimae donat fundumque laremque,  
 ' nil fuerit mi' inquit ' cum uxoribus umquam alienis.' 60  
 verum est cum mimis, est cum meretricibus, unde  
 fama malum gravius quam res trahit. an tibi abunde  
 personam satis est, non illud, quicquid ubique  
 officit, evitare? bonam deperdere famam,  
 rem patris oblimare, malum est ubicumque. quid inter  
 est in matrona, ancilla peccata togata?  
 Villius in Fausta Sulla gener, hoc miser uno  
 nomine deceptus, poenas dedit usque superque

quam satis est, pugnis caesus ferroque petites,  
exclusus fore, cum Longarenus foret intus.  
huic si mutonis verbis mala tanta videnti  
diceret haec animus ‘quid vis tibi? numquid ego a te  
magno prognatum deposco consule cunnum      70  
velatumque stola, mea cum conferbuit ira?’  
quid responderet? ‘magno patre nata pueilla est.’  
at quanto meliora monet pugnantiaque istis  
dives opis natura suae, tu si modo recte  
dispensare velis ac non fugienda petendis  
immiscere. tuo vitio rerumne labores  
nil referre putas? quare, ne paeniteat te,  
desine matronas sectarier, unde laboris  
plus haurire mali est quam ex re decerpere fructus.  
nec magis huic, inter niveos viridesque lapillos      80  
sit licet, hoc, Cerinthe, tuo tenerum est femur aut crus  
rectius; atque etiam melius persaepe togatae est.  
adde huc quod mercem sine fucis gestat; aperte  
quod venale habet ostendit, nec siquid honesti est  
iactat habetque palam, quaerit quo turpia celet.  
regibus hic mos est, ubi equos mercantur: opertos  
inspiciunt, ne si facies, ut saepe, decora  
molli fulta pede est, emptorem inducat hiantem,  
quod pulcrae clunes, breve quod caput, ardua cervix.  
hoc illi recte: ne corporis optima Lyncei      90  
contemplere oculis, Hypsaea caecior illa  
quae mala sunt species. ‘o crus, o bracchia!’ verum  
depugis, nasuta, brevi latere ac pede longo est.  
matronae praeter faciem nil cernere possis,  
cetera, ni Catia est, demissa veste tegentis.  
si interdicta petes, vallo circumdata (nam te  
hoc facit insanum), multae tibi tum officent res,  
custodes, lectica, ciniflones, parasitae,  
ad talos stola demissa et circumdata palla,

plurima quae invideant pure apparere tibi rem.  
 altera, nil obstat ; Cois tibi paene videre est  
 ut nudam, ne erure malo, ne sit pede turpi ;  
 metiri possis oculo latus. an tibi mavis  
 insidias fieri pretiumque avellier ante  
 quam mercem ostendi ? ‘leporem venator ut alta  
 in nive sectetur, positum sic tangere nolit’  
 cantat, et apponit ‘meus est amor huic similis : nam  
 transvolat in medio posita et fugientia captat.’  
 hiscine versiculis speras tibi posse dolores  
 atque aestus curasque gravis e pectore tolli ?  
 nonne, cupidinibus statuat natura modum quem,  
 quid latura, sibi quid sit dolitura negatum,  
 quaerere plus prodest et inane abscindere soldo ?  
 num, tibi cum fauces urit sitis, aurea quaeris  
 pocula ? num esuriens fastidis omnia praeter  
 pavonem rhombumque ? tument tibi cum inguina,  
 num, si  
 ancilla aut verna est praesto puer, impetus in quem  
 continuo fiat, malis tentigine rumpi ?  
 non ego : namque parabilem amo venerem facilemque.  
 illam ‘post paullo ; sed pluris ; si exierit vir’  
 Gallis, hanc Philodemus ait sibi quae neque magno  
 stet pretio neque cunctetur cum est iussa venire.  
 candida rectaque sit, munda hactenus ut neque longa  
 nec magis alba velit quam dat natura videri.  
 haec ubi supposuit dextro corpus mihi laevum,  
 Ilia et Egeria est ; do nomen quodlibet illi,  
 nec vereor ne dum futuo vir rure recurrat,  
 ianua frangatur, latret canis, undique magno  
 pulsa domus strepitu resonet, vepallida lecto  
 desiliat mulier, miseram se conscientia clamet,  
 erubibus haec metuat, doti deprensa, egomet mi.  
 discincta tunica fugiendum est ac pede nudo,

100

110

120

130

ne nummi pereant aut puga aut denique fama.  
deprendi miserum est: Fabio vel iudice vincam.

III. **O**MNIBUS hoc vitium est cantoribus, inter  
amicos

ut numquam inducant animum cantare rogati,  
iniussi numquam desistant. Sardus habebat  
ille Tigellius hoc. Caesar, qui cogere posset,  
si peteret per amicitiam patris atque suam, non  
quicquam proficeret ; si collibusisset, ab ovo  
usque ad mala citaret ‘io bacchae’, modo summa  
voce, modo hac, resonat quae chordis quattuor ima-  
nil aequale homini fuit illi : saepe velut qui  
currebat fugiens hostem, persaepe velut qui  
Iunonis sacra ferret ; habebat saepe ducentos,  
saepe decem servos ; modo reges atque tetrarchs,  
omnia magna loquens, modo ‘sit mihi mensa tripes et  
concha salis puri et toga quae defendere frigus  
quamvis crassa queat.’ deciens centena dedisses  
huic parco, paucis contento, quinque diebus  
nil erat in loculis ; noctes vigilabat ad ipsum  
mane, diem totum stertebat ; nil fuit umquam  
sic impar sibi. nunc aliquis dicat mihi ‘quid tu ?  
nullane habes vitia ?’ immo alia et fortasse minorata.  
Maenius absentem Novium cum carperet, ‘heus tu’  
quidam ait, ‘ignoras te, an ut ignotum dare nobis  
verba putas ?’ ‘egomet mi ignosco’ Maenius inquit.  
stultus et improbus hic amor est dignusque notari.  
cum tua pervideas oculis mala lippus inunctis,  
cur in amicorum vitiis tam cernis acutum  
quam aut aquila aut serpens Epidaurius ? at tibi contra

evenit, inquirant vitia ut tua rursus et illi.  
 iracundior est paulo, minus aptus acutis  
 naribus horum hominum : r̄ideri possit eo quod 30  
 rusticius tonso toga defluit et male laxus  
 in pede calcceus haeret : at est bonus, ut melior vir  
 non aliis quisquam, at tibi amicus, at ingenium ingens  
 inculto latet hoc sub corpore. denique te ipsum  
 concute, numqua tibi vitiorum inseverit olim  
 natura aut etiam consuetudo mala : namque  
 neglectis urenda filix innascitur agris.  
 illuc praevertamur, amatorem quod amicæ  
 turpia decipiunt caecum vitia, aut etiam ipsa hacc 40  
 delectant, veluti Balbinum polypus Hagnac.  
 vellem in amicitia sic erraremus, et isti  
 errori nomen virtus posuissest honestum.  
 at pater ut gnati, sic nos debemus amici  
 siquod sit vitium non fastidire. strabonem  
 appellat paetum pater, et pullum, male parvus  
 si cui filius est, ut abortivus fuit olim  
 Sisyphus. hunc varum distortis cruribus, illum  
 balbutit seaurum, parvis sultum male talis.  
 parcus hic vivit : frugi dicatur. ineptus  
 et iactantior hic paullo est : concinnus amicis 50  
 postulat ut videatur. at est truculentior atque  
 plus aequo liber : simplex fortisque habeatur.  
 caldior est : acris inter numeretur. opinor,  
 haec res et iungit, innetos et servat amicos.  
 at nos virtutes ipsas invertimus atque  
 sincerum cupimus vas incrustare. probus quis  
 nobiscum vivit, multum demissus homo : illi  
 tardo cognomen, pingui damus. hic fugit omnis  
 insidias nullique malo latus obdit apertum,  
 cum genus hoc inter vitae versemur, ubi acris 60  
 invidia atque vigent ubi crimina : pro bene sano

ac non incauto fictum astutumque vocamus.  
 simplicior quis et est, qualem me saepe libenter  
 obtulerim tibi, Maecenas, ut forte legentem  
 aut tacitum impellat quovis sermone : ‘molestus,  
 communi sensu plane caret’ inquimus. eheu  
 quam temere in nosmet legem sancinius iniquam !  
 nam vitiis nemo sine nascitur : optimus ille est,  
 qui minimis urguetur. amicus dulcis, ut aequum est,  
 cum mea compenset vitiis bona ; pluribus hisce, 70  
 si modo plura mihi bona sunt, inclinet, amari  
 si volet : hac lege in trutina ponetur eadem.  
 qui ne tuberibus propriis offendat amicum  
 postulat, ignoscet verrucis illius : aequum est  
 peccatis veniam poscentem reddere rursus.  
 denique, quatenus excidi penitus vitium irae,  
 cetera item nequeunt stultis haerentia, cur non  
 ponderibus modulisque suis ratio utitur ac res  
 ut quaeque est ita suppliciis delicta coercet ?  
 si quis eum servum, patinam qui tollere iussus 80  
 semesos piscis tepidumque ligurrierit ius,  
 in cruce suffigat, Labeone insanior inter  
 sanos dicatur. quanto hoc furiosius atque  
 maius peccatum est ! paulum deliquit amicus,  
 quod nisi concedas, habeare insuavis: acerbus  
 odisti et fugis ut Rusonem debitor aeris,  
 qui nisi, cum tristes misero venere kalendae,  
 mercedem aut nummos unde unde extricat, amaras  
 porrecto iugulo historias captivus ut audit.  
 comminxit lectum potus mensave catillum 90  
 Euandri manibus tritum deiecit : ob hanc rem,  
 aut positum ante mea quia pullum in parte catini  
 sustulit esuriens, minus hoc iucundus amicus  
 sit mihi ? quid faciam si furtum fecerit aut si  
 prodiderit commissa fide sponsumve negarit ?

quis paria esse sere placuit peccata, laborant  
 cum ventum ad verum est : sensus moresque repugnant  
 atque ipse utilitas, iusti prope mater et aequi.  
 cum prorepserunt primis animalia terris, 99  
 mutum et turpe pecus, glandem atque cubilia propter  
 unguibus et pugnis, dein fustibus, atque ita porro  
 pugnabant armis quae post fabricaverat usus ;  
 donec verba, quibus voces sensusque notarent,  
 nominaque invenerentur : dehinc absistere bello,  
 oppida coepcrunt munire, et ponere leges,  
 ne quis fur esset, neu latro, neu quis adulter.  
 nam fuit ante Helenam cunctus taeterrima belli  
 causa ; sed ignotis perierunt mortibus illi,  
 quos venerem incertam rapientes more ferarum  
 viribus editior caedebat ut in grege taurus. 110  
 iura inventa metu iniusti fateare necesse est,  
 tempora si fastosque velis evolvere mundi.  
 nec natura potest iusto secernere iniquum,  
 dividit ut bona diversis, fugienda petendis,  
 nec vincet ratio hoc, tantundem ut peccet idemque  
 qui teneros caulis alieni fregerit horti  
 et qui nocturnus sacra divum legerit. adsit  
 regula, peccatis quae poenas inroget aquas,  
 ne scutica dignum horribili sectere flagello.  
 nam ut ferula caedas meritum maiora subire 120  
 verbera non vereor, cum dicas esse pares res  
 surta latrociniis et magnis parva mineris  
 falce recisurum simili te, si tibi regnum  
 permittant homines. si dives, qui sapiens est,  
 et sutor bonus et solus formosus et est rex,  
 cur optas quod habes ? ‘non nosti quid pater’ inquit  
 ‘Chrysippus dicat. sapiens crepidas sibi numquam  
 nec soleas fecit : sutor tamen est sapiens.’ qui ?  
 ‘ut quamvis tacet Hermogenes, cantor tamen atque

optimus est modulator ; ut Alsenus vafer, omni  
 abiepto instrumento artis clausaque taberna,  
 tonsor erat ; sapiens operis sic optimus omnis  
 est opifex solus, sic rex.' vellunt tibi barbam  
 lascivi pueri ; quos tu nisi fuste coeres,  
 urgueris turba circum te stante miserque  
 rumperis et latras, magnorum maxime regum.  
 ne longum faciam : dum tu quadrante lavatum  
 rex ibis neque te quisquam stipator ineptum  
 praeter Crispinum sectabitur, et mihi dulces  
 ignoscent, siquid peccaro stultus, amici,  
 inque vicem illorum patiar delicta libenter,  
 privatusque magis vivam te rege beatus.

130

140

#### IV. E UPOLIS atque Cratinus Aristophanesque poetae

atque alii quorum comoedia prisca virorum est,  
 si quis erat dignus describi, quod malus ac fur,  
 quod moechus foret aut sicarius aut alioqui  
 famosus, multa cum libertate notabant.  
 hinc omnis pendet Lucilius, hosce secutus,  
 mutatis tantum pedibus numerisque, facetus,  
 emunctae naris, durus componere versus.  
 nam fuit hoc vitiosus : in hora saepe ducentos,  
 ut magnum, versus dictabat stans pede in uno  
 cum flueret lutulentus, crat quod tollere velles ;  
 garrulus atque piger scribendi ferre laborem,  
 scribendi recte ; nam ut multum, nil moror. ecce  
 Crispinus minimo me provocat : 'accipe, si vis,  
 accipiam tabulas ; detur nobis locus, hora,  
 custodes ; videamus uter plus scribere possit.'

10

di bene fecerunt inopis me quodque pusilli  
 sinixerunt animi, raro et per pauca loquentis :  
 at tu conclusas hircinis follibus auras,  
 usque laborantis dum ferrum molliat ignis,  
 ut mavis, imitare. beatus Fannius ultro  
 delatis capsis et imagine ; cum mea nemo  
 scripta legat, volgo recitare timentis ob hanc rem,  
 quod sunt quos genus hoc minime iuvat, utpote pluris  
 culpari dignos. quemvis media elige turba :  
 aut ab avaritia aut misera ambitione laborat.  
 hic nuptarum insanit amoribus, hic puerorum ;  
 hunc capit argenti splendor ; stupet Albius aere ;  
 hic mutat merces surgente a sole ad eum quo  
 vespertina tepet regio : quin per mala praeceps  
 seitur uti pulvis collectus turbine, nequid  
 summa deperdat metuens aut ampliet ut rem :  
 omnes hi metuunt versus, odere poetas.  
 ‘saenum habet in cornu ; longe fuge : dummodo risum  
 excutiat sibi, non hic cuiquam parcer amico ;  
 et quo:lcumque semel chartis illeverit, omnis  
 gestiet a furno redeuntis scire lacque  
 et pueros et anus.’ agedum, pauca accipe contra.  
 primo ego me illorum, dederim quibus esse poetis,  
 excerptam numero : neque enim concludere versum 40  
 dixeris esse satis ; neque si qui scribat uti nos  
 sermoni propiora, putas hunc esse poetam.  
 ingenium cui sit, cui mens divinior atque os  
 magna sonaturum, des nominis huius honorem.  
 idcirco quidam comoedia necne poema  
 esset quaesivere, quod acer spiritus ac vis  
 nec verbis nec rebus inest, nisi quod pede certo  
 differt sermoni, sermo merus. ‘at pater ardens  
 saevit, quod meretrice nepos insanus amica  
 filius uxorem grandi cum dote recuset,

20

30

50

ebrius et, magnum quod dedecus, ambulet ante  
noctem cum facibus.' numquid Pomponius istis  
audiret leviora, pater si viveret ? ergo  
non satis est puris versum perscribere verbis,  
quem si dissolvas, quivis stomachetur eodem  
quo personatus pacto pater. his, ego quae nunc,  
olim quae scripsit Lucilius, cripias si  
tempora certa modosque, et quod prius ordine ver-  
bum est

posterior facias, paeponens ultima primis,  
non, ut si solvas 'postquam Discordia taetra      60  
belli ferratos postis portasque refregit,'  
invenias etiam disiecti membra poetae.  
hactenus haec : alias iustum sit necne poema,  
nunc illud tantum quaeram, meritone tibi sit  
suspectum genus hoc scribendi. Sulcius acer  
ambulat et Caprius, rauci male cumque libellis,  
magnus uterque timor latronibus : at bene si quis  
et vivat puris manibus, contemnat utrumque.  
ut sis tu similis Caeli Birrique latronum,  
non ego sim Capri neque Sulci : cur metuas me ?      70  
nulla taberna meos habeat neque pila libellos,  
quis manus insudet volgi Hermogenisque Tigelli  
nec recito cuiquam nisi amicis, idque coactus,  
non ubivis coramve quibuslibet. in medio qui  
scripta foro recitent sunt multi quique lavantes :  
suave locus voci resonat conclusus. inanis  
hoc iuvat, haud illud querentis, num sine sensu,  
tempore num faciant alieno. 'laedere gaudes'  
inquit, 'et hoc studio pravus facis.' unde petitum  
hoc in me iacis ? est auctor quis denique eorum      80  
vixi cum quibus ? absentem qui rodit amicum,  
qui non defendit alio culpante, solutos  
qui captat risus hominum famamque dicacis,

fingere qui non visa potest, commissa tacere  
 qui nequit, hic niger est, hunc tu, Romane, eaveto.  
 saepe tribus lectis videas cenare quaternos,  
 e quibus unus amet quavis adspergere cunctos  
 praeter eum qui praebet aquam; post hunc quoque  
 potus,

condita cum verax aperit praecordia Liber.

hic tibi comis et urbanus liberque videtur,

90

infesto nigris : ego si risi, quod ineptus  
 pastillos Rufillus olet, Gargonius hircum,  
 lividus et mordax videor tibi? mentio si qua  
 de Capitolini furtis iniecta Petilli

te coram fuerit, defendas ut tuus est mos :

'me Capitolinus convictore usus amicoque  
 a puero est, causaque mea permulta rogatus  
 fecit, et incolumis laetor quod vivit in urbe :  
 sed tamen admiror quo pacto iudicium illud  
 fuderit.' hic nigrae sucus lolliginis, haec est

100

aerugo mera : quod vitium procul afore chartis,  
 atque animo prius, ut siquid promittere de me  
 possum aliud vere, promitto. liberius si

dixero quid, si forte iocosius, hoc mihi iuris  
 cum venia dabis : insuevit pater optimus hoc me,  
 ut fuderem exemplis vitiorum quaeque notando.

cum me hortaretur, parce frugaliter atque  
 viverem uti contentus eo quod mi ipse parasset,  
 'nonne vides, Albi ut male vivat filius, utque

Barus inops? magnum documentum, ne patriam rem  
 perdere quis velit : 'a turpi meretricis amore  
 cum deterret, 'Scetani dissimilis sis :'

111

ne sequerer moechas, concessa cum venere uti  
 possem, 'deprensi non bella est fama Treboni'  
 aiebat : 'sapiens, vitatu quidque petitu  
 sit melius, causas reddet tibi. mi satis est si

traditum ab antiquis morem servare tuamque,  
 dum custodis eges, vitam famamque tueri  
 incolumem possum : simul ac duraverit aetas  
 membra animumque tuum, nabis sine cortice.' sic me  
 formabat puerum dictis, et sive iubebat      121  
 ut facerem quid, 'habes auctorem quo facias hoc :'  
 unum ex iudicibus selectis obiciebat ;  
 sive vetabat, 'an hoc dishonestum et iniustile factu  
 necne sit addubites, flagret rumore malo cum  
 hic atque ille ?' avidos vicinum funus ut aegros  
 exanimat mortisque metu sibi parcere cogit,  
 sic teneros animos aliena opprobria saepe  
 absterrent vitiis. ex hoc ego sanus ab illis,  
 perniciem quaecumque ferunt, mediocribus et quis      130  
 ignoscas vitiis teneor ; fortassis et istinc  
 largiter abstulerit longa aetas, liber amicus,  
 consilium proprium. neque enim, cum lectulus aut me  
 porticus exceptit, desum mihi. 'rectius hoc est ;  
 hoc faciens vivam melius ; sic dulcis amicis  
 occurram. hoc quidam non belle : numquid ego illi  
 imprudens olim faciam simile ?' haec ego mecum  
 compressis agito labris ; ubi quid datur oti,  
 illudo chartis. hoc est mediocribus illis  
 ex vitiis unum : cui si concedere nolis,      140  
 multa poetarum veniet manus, auxilio quae  
 sit mihi (nam multo plures sumus) ac veluti te  
 Iudaei cogemus in hanc concedere turbam.

V. **E**GRESSUM magna me accepit Aricia Roma  
 hospitio modico : rhetor comes Heliodorus,  
 Graecorum longe doctissimus : inde Forum Appi,  
 dissertum nautis, cauponibus atque malignis.

hoc iter ignavi divisimus, altius ac nos  
 praeinetis unum : minus est gravis Appia tardis.  
 hic ego propter aquam, quod erat deterrima, ventri  
 indico bellum, cenantis haud animo aequo  
 exspectans comites. iam nox inducere terris  
 umbras et caelo diffundere signa parabat.      10  
 tum pueri nautis, pueris convicia nautae  
 ingerere. ‘huc appelle ! trecentos inseris. ohe  
 iam satis est.’ dum aes exigitur, dum mula ligatur,  
 tota abit hora. mali culices ranaeque palustres  
 avertunt somnos. absentem ut cantat amicam  
 multa prolatus vappa nauta atque viator  
 certatiim, tandem fessus dormire viator  
 incipit ac missae pastum retinacula mulae  
 nauta piger saxo religat stertitque supinus.  
 iamque dies aderat, nil cum procedere lintrem      20  
 sentimus ; donec cerebrosus prosilit unus  
 ac mulae nautaeque caput lumbosque saligno  
 fuste dolat. quarta vix demum exponimur hora.  
 ora manusque tua lavimus, Feronia, lympha.  
 milia tum pransi tria repimus atque subimus  
 impositum saxis late eandentibus Anxur.  
 huic venturus erat Maecenas optimus atque  
 Cocceius, missi magnis de rebus uterque  
 legati, aversos soliti componere amicos.  
 hic oculis ego nigra meis collyria lippus      30  
 illinere. interea Maecenas advenit atque  
 Cocceius Capitoque simul Fonteius, ad unguem  
 factus homo, Antoni non ut magis alter amicus.  
 Fundos Aufidio Lusco praetore libenter  
 linquimus, insani ridentes praemia scribae,  
 praetextam et latum clavum prunaeque batillum.  
 in Mamurrarum lassi deinde urbe manemus,  
 Murena praebente domum, Capitone culinam.

postera lux oritur multo gratissima : namque  
Plotius et Varius Sinuessae Vergiliusque  
occurrunt, animae quales neque candidiores  
terra tulit neque quis me sit devinctior alter.  
o qui complexus et gaudia quanta fuerunt !  
nil ego contulerim iucundo sanus amico.

proxima Campano ponti quae villula, tectum  
praebuit, et parochi quae debent ligna salemque.  
hinc muli Capuae clitellas tempore ponunt.  
lusum it Maecenas, dormitum ego Vergiliusque :  
namque pila lippis inimicum et ludere crudis.

hinc nos Coccei recipit plenissima villa,  
quae super est Caudi cauponas. nunc mihi paucis  
Sarmenti scurrae pugnam Messique Cicirri,  
Musa, velim memores, et quo patre natus uterque  
contulerit lites. Messi clarum genus Osci ;  
Sarmenti domina exstat : ab his maioribus orti  
ad pugnam venere. prior Sarmentus ‘equi te  
esse feri similem dico.’ ridemus, et ipse  
Messius ‘accipio,’ caput et movet. ‘o tua cornu  
ni foret exsecto frons’ inquit, ‘quid faceres, cum  
sic mutilus minitaris?’ at illi foeda cicatrix  
saetosam laevi frontem turpaverat oris.

Campanum in morbum, in faciem permulta iocatus,  
pastorem saltaret uti Cyclopa rogabat ;  
nil illi larva aut tragicis opus esse cothurnis.  
multa Cicirrus ad haec. donasset iamne catenam  
ex voto Laribus, quaerebat : scriba quod esset,  
nilo deterius dominae ius esse : rogabat  
denique cur umquam fugisset, cui satis una  
farris libra foret, gracili sic tamque pusillo.  
prorsus iucunde cenam producimus illam.  
tendimus hinc recta Beneventum ; ubi sedulus hospes  
paene macros arsit dum turdos versat in igni.

nam vaga per veterem dilapso flamma culinam  
 volcano sumnum properabat lambere tectum.  
 convivas avi los cenam servosque timentis  
 tum rapere atque omnis restinguere velle videres.  
 incipit ex illo montes Apulia notos  
 ostentare mili, quos torret Atabulus, et quos  
 numquam erepsemus, nisi nos vicina Trivici  
 villa recepisset, lacrimoso non sine fumo,80  
 udos cum foliis ramos urente camino.  
 hic ego men lacem stultissimus usque puellam  
 ad medium noctem exspecto : somnus tamen aufert  
 intentum veneri : tum immundo somnia visu  
 nocturnam vestem maculant ventre inque supinum.  
 quattuor hinc rapimur viginti et milia raedis,  
 mansuri oppidulo, quod versu dicere non est,  
 signis perfacile est. venit vilissima rerum  
 hic aqua ; sed panis longe pulcherrimus, ultra  
 callidus ut soleat umeris portare viator :90  
 nam Canusi lapidosus, aquae non ditior urna  
 qui locus a forti Diomede est conditus olim,  
 flentibus hinc Varius discedit maestus amicis,  
 inde Rubos fessi pervenimus, utpote longum  
 carpentes iter et factum corruptius imbri.  
 postera tempestas melior, via peior ad usque  
 Bari moenia piscosi. dein Gnatia lymphis  
 iratis exstructa dedit risusque iocosque,  
 dum flamma sine tura liquecere limine sacro  
 persuadere cupit. credat Iudaeus Apella,100  
 non ego. namque deos didici securum agere aevum,  
 nec siquid miri faciat natura, deos id  
 tristis ex alto caeli demittere tecto.  
 Brundisium longae finis chartaeque viaque est.

VI. NON quia, Maecenas, Lydorum quicquid  
Etruscos

incoluit finis, nemo generosior est te,  
nec quod avus tibi maternus fuit atque paternus  
olim qui magnis legionibus imperitarent,  
ut plerique solent, naso suspendis adunco  
ignotos, ut me libertino patre natum.

cum referre negas quali sit quisque parente  
natus, dum ingenuus, persuades hoc tibi vere,  
ante potestatem Tulli atque ignobile regnum  
multos saepe viros nullis maioribus ortos  
et vixisse probos, amplis et honoribus auctos :  
contra Lævinum, Valeri genus, unde Superbus  
Tarquinius regno pulsus fugit, unius assis  
non umquam pretio pluris licuisse, notante  
iudice, quo nosti, populo, qui stultus honores  
saepe dat indignis et famae servit ineptus,  
qui stupet in titulis et imaginibus. quid oportet  
nos facere a volgo longe longeque remotos ?

namque esto, populus Lævino mallet honorem  
quam Decio mandare novo, censorque moveret  
Appius, ingenuo si non essem patre natus :  
vel merito, quoniam in propria non pelle quiessem.  
sed fulgente trahit constrictos Gloria curru

non minus ignotos generosis. quo tibi, Tilli,  
sumere depositum clavum fierique tribuno ?  
invidia accrebit, privato quae minor esset.  
nam ut quisque insanus nigris medium impediit crus  
pellibus et latum demisit pectore clavum,  
audit continuo ‘ quis homo hic aut quo patre natus ? ’  
ut siqui aegrotet quo morbo Barrus, haberi  
ut cupiat formosus, cat quacumque, puellis

10

20

30

iniciat cura:n quaerendi singula, quali  
sit facie, sura, quali pede, dente, capillo ;  
sic qui promittit, civis, Urbe:n sibi curae,  
imperium fore et Italiam, delubra deorum,  
quo patre sit natus, num ignota matre in honestus,  
omnis mortalis curare et quaerere cogit.

‘tune, Syri, Damae, aut Dionysi filius, audes  
deicere de saxo civis aut tradere Cadmo ?’

‘at Novius collega gradu post me sedet uno :      40  
namque est ille, pater quod erat meus.’ ‘hoc tibi

Paulus

et Messalla videris ? at hic, si plostra ducenta  
concurrantque foro tria funera, magna sonabit  
cornua quod vincatque tubas : saltem tenet hoc nos.’  
nunc ad me redeo libertino patre natum,  
quem rodunt omnes libertino patre natum,  
nunc quia sim tibi, Maecenas, convictor ; at olim  
quod mihi pareret legio Romana tribuno.

dissimile hoc illi est ; quia non, ut forsitan honorem  
iure mihi invideat quivis, ita te quoque amicum,      50  
praesertim cautum dignos adsumere, prava  
ambitione procul. felicem dicere non hoc  
me possim, casu quod te sortitus amicum :

nulla etenim mihi te fors obtulit ; optimus olim  
Vergilius, post hunc Varius dixere quid essem.  
ut veni coram, singultim pauca locutus,  
infans namque pudor prohibebat plura profari,  
non ego me claro natum patre, non ego circum  
me Satureiano vectari rura caballo,  
sed quod eram narro. respondes, ut tuus est mos,      60  
pauca : abeo ; et revocas nono post mense, iubesque  
esse in amicorum numero. magnum hoc ego duco,  
quod placui tibi, qui turpi secernis honestum,  
non patre praeclaro, sed vita et pectore puro.

atqui si vitiis mediocribus ac mea paucis  
mendosa est natura, alioqui recta, velut si  
egregio inspersos reprendas corpore naevos,  
si neque avaritiam neque sordis nec mala lustra  
obiciet vere quisquam mihi, purus et insons,  
ut me collaudem, si et vivo carus amicis,                      70  
causa fuit pater his, qui macro pauper agello  
noluit in Flavi ludum me mittere, magni  
quo pueri magnis e centurionibus orti,  
laevo suspensi loculos tabulamque lacerto,  
ibant octonis referentes Idibus aera ;  
sed puerum est ausus Romam portare, docendum  
artis quas doceat quivis eques atque senator  
semet prognatos. vestem servosque sequentis,  
in magno ut populo, si qui vidisset, avita  
ex re paeberi sumptus mihi crederet illos.                      80  
ipse mihi custos incorruptissimus omnis  
circum doctores aderat. quid multa ? pudicum,  
qui primus virtutis honos, servavit ab omni  
non solum facto, verum opprobrio quoque turpi :  
nec timuit, sibi ne vitio quis verteret, olim  
si praeco parvas aut, ut fuit ipse, coactor  
mercedes sequerer ; neque ego essem questus : at hoc  
nunc  
laus illi debetur et a me gratia maior.  
nil me paeniteat sanum patris huius ; coque  
non, ut magna dolo factum negat esse suo pars                      90  
quod non ingenuos habeat clarosque parentis,  
sic me defendam. longe mea discrepat istis  
et vox et ratio. nam si natura iuberet  
a certis annis aevum remeare peractum,  
atque alios legere ad fastum quosquinque parentis,  
optaret sibi quisque, meis contentus honestos  
fascibus et sellis nolle mihi sumere, demens

iudicio volgi, sanus fortasse tuo, quod  
 nollem onus haud umquam solitus portare molestum.  
 nam mihi continuo maior quaerenda foret res      100  
 atque salutandi plures, ducendus et unus  
 et comes alter, uti ne solus rusve peregreve  
 exirem, plures calones atque caballi  
 pascendi, ducenda petorrita. nunc mihi curto  
 ire licet mulo vel si libet usque Tarentum,  
 mantica cui lumbos onere ulceret atque eques armos ;  
 obiciet nemo sordis mihi quas tibi, Tilli,  
 cum Tiburte via practorem quinque sequuntur  
 te pueri, lasanum portantes oenophorunque.  
 hoc ego commodius quam tu, praeclare senator,      110  
 milibus atque aliis vivo. quacumque libido est  
 incedo solus ; percontor quanti holus ac far ;  
 fallacem Circum vespertinumque pererro  
 saepe Forum ; adsisto divinis ; inde domum me  
 ad porri et ciceris resero laganiique catinum :  
 cena ministratur pueris tribus, et lapis albus  
 pocula cum cyatho duo sustinet ; adstat echinus  
 vilis, cum patera gutus, Campana supellex.  
 deinde eo dormitum, non sollicitus, mihi quod cras  
 surgendum sit mane, obeundus Marsya, qui se      120  
 voltum ferre negat Noviorum posse minoris.  
 ad quartam iaceo : post hanc vigor, aut ego lecto  
 aut scripto quod me tacitum iuvet ; unguor olivo,  
 non quo fraudatis immundus Natta lucernis.  
 ast ubi me fessum sol acrior ire lavatum  
 admonuit, fugio † Campum lusumque trigonem. †  
 pransus non avide, quantum interpellet inani  
 ventre diem durare, domesticus otior. haec est  
 vita solutorum misera ambitione gravique ;  
 his me consolor victorum suavius ac si      130  
 quaestor avus pater atque meus patruusque fuisset.

VII. PROSCRIPTI Regis Rupili pus atque  
venenum

hybrida quo pacto sit Persius ultus, opinor  
omnibus et lippis notum et tonsoribus esse.  
Persius hic permagna negotia dives habebat  
Clazomenis, et iam lites cum Rege molestas,  
durus homo atque odio qui posset vincere Regem,  
confidens tumidusque, adeo sermonis amari,  
Sisennas, Barros ut equis praecurreret albis.  
ad Regem redeo. postquam nihil inter utrumque  
convenit—hoc etenim sunt omnes iure molesti      10  
quo fortis, quibus adversum bellum incidit: inter  
Hectora Priamiden, animosum atque inter Achillem  
ira fuit capitalis, ut ultima divideret mors,  
non aliam ob causam nisi quod virtus in utroque  
summa fuit; duo si discordia vexet inertes,  
aut si disparibus bellum incidat, ut Diomedi  
cum Lycio Glauco, discedat pigror, ultiro  
muneribus missis,—Bruto praetore tenente  
ditem Asiam, Rupili et Persi par pugnat, uti non  
compositum melius cum Bitho Bacchius. in ius      20  
acres procurrunt, magnum spectaculum uterque.  
Persius exponit causam; ridetur ab omni  
conventu; laudat Brutum laudatque cohortem,  
solem Asiae Brutum appellat stellasque salubris  
appellat comites, excepto Rege; Cancem illum,  
invisum agricolis sidus, venisse: ruebat  
flumen ut hibernum, fertur quo rara securis.  
tum Praenestinus salso multoque fluenti  
expressa arbusto regerit convicia, durus  
vindemiator et invictus, cui saepe viator      30

cessisset magna compellans voce cuculum.  
at Graecus, postquam est Italo peritus aceto,  
Persius exclamat ' per magnos, Brute, deos te  
oro, qui reges consueris tollere, cur non  
hunc Regem iugulas? operum hoc, mihi crede, tuo-  
rum est.'

VIII. **O**LIM truncus eram siculnus, inutile lig-  
num,  
cum faber, incertus scannum saceretne Priapum,  
maluit esse deum. deus inde ego, furum aviumque  
maxima formido : nam fures dextra coerct  
obscenoque ruber porrectus ab inguine palus,  
ast importunas volucres in vertice larundo  
terret fixa vetatque novis considere in hortis.  
huc prius angustis cincta cadavera cellis  
conservus vili portanda locabat in arca ;  
hoc miserae plebi stabat commune sepulcrum, 10  
Pantolabo scurrae Nomentanoque nepoti.  
mille pedes in fronte, trecentos cippus in agrum  
hic dabat ; heredes monumentum ne sequeretur.  
nunc licet Esquiliis habitare salubribus atque  
aggere in aprico spatiari, quo modo tristes  
albis informem spectant ossibus agrum ;  
cum mihi non tantum furesque feraeque suetae  
hunc vexare locum curae sunt atque labori,  
quantum carminibus quae versant atque venenis 20  
humanos animos : has nullo perdere possum  
nec prohibere modo, simul ac vaga luna decorum  
protulit os, quin ossa legant herbasque nocentis.  
vidi egomet nigra succinctam vadere palla  
Canidiam, pedibus nudis passoque capillo,

cum Sagana maiore ululantem. pallor utrasque  
fecerat horrendas adspectu. scalpere terram  
unguis et pullam divellere mordicus agnam  
coeperunt: crux in fossam consusus, ut inde  
Manis elicerent animas responsa daturas.  
lanea et effigies erat, altera cerea : maior  
lanea, quae poenis compesceret inferiorem ;  
cerea suppliciter stabat servilibus utque  
iam peritura modis. Hecaten vocat altera, sacvam  
altera Tisiphonen. serpentis atque videres  
infernas errare canes lunamque rubentem,  
ne foret his testis, post magna latere sepulcrum.  
mentior at siquid, merdis caput inquierer albis  
corvorum atque in me veniat mictum atque cacatum  
Iulus, et fragilis Pediatia, surque Voranus.  
singula quid memorem, quo pacto alterna loquentes 40  
umbrae cum Sagana resonarint triste et acutum,  
utque lupi barbam variae cum dente colubrae  
abdiderint furtim terris, et imagine cerea  
largior arserit ignis, et ut non testis inultus  
horruerim voces Furiarum et facta duarum ?  
nam displosa sonat quantum vesica pepedi  
diffissa nate ficus : at illae currere in urbem.  
Canidiae dentes, altum Saganae caliendrum  
excidere atque herbas atque incantata lacertis  
vincula cum magno risuque iocoque videres.

IX. **I**BAM forte via Sacra, sicut meus est mos,  
I nescio quid meditans nugarum, totus in illis,  
accurrit quidam notus mihi nomine tantum,  
arreptaque manu 'quid agis, dulcissime rerum ?'

‘suaviter, ut nunc est’ inquam, ‘et cupio omnia quae vis.’

cum adsectaretur, ‘num quid vis?’ occupo. at ille ‘noris nos’ inquit; ‘docti sumus.’ hic ego ‘pluris hoc’ inquam ‘mihi eris.’ misere discedere quaerens, ire modo ocius, interdum consistere, in aurem dicere nescio quid pucero, cum sudor ad iinos manaret talos. ‘o te, Bolane, cerebri felicem!’ aiebam tacitus, cum quidlibet ille garriret, vicos, urbem laudaret. ut illi nil respondebam, ‘misere cupis’ inquit ‘abire: iam dudum video: sed nil agis; usque tenebo; prosequar hinc quo nunc iter est tibi.’ ‘nil opus est te circumagi: quandam volo visere non tibi notum: trans Tiberim longe cubat is, prope Caesaris hortos.’ ‘nil habeo quod agam et non sum piger: usque sequar te.’

demitto auriculas ut iniquae mentis asellus cum gravius dorso subiit onus. incipit ille: ‘si bene me novi, non Viscum pluris amicum, non Varium facies: nam quis me scribere pluris aut citius possit versus? quis membra movere mollius? invideat quod et Hermogenes ego canto.’ interpellandi locus hic erat: ‘est tibi mater, cognati, quis te salvo est opus?’ ‘haud mihi quisquam. omnis composui.’ ‘felices! nunc ego resto. confice: namque instat fatum mihi triste, Sabella quod pucero cecinit divina mota anus urna: hunc neque dira venena, nec hosticus auferet ensis, nec laterum dolor aut tussis, nec tarda podagra: garrulus hunc quando consumet cumque: loquaces, si sapiat, vitet, simul atque adoleverit aetas.’ ventum erat ad Vestae, quarta iam parte dici praeterita, et casu tam respondere vadato

debebat ; quod ni fecisset, perdere litem.  
‘si me amas’ inquit, ‘paullum hic ades.’ ‘inteream si  
aut valeo stare aut novi civilia iura : 39  
et propero quo scis.’ ‘dubius sum quid faciam’ inquit,  
‘tene relinquam an rem.’ ‘me, sodes.’ ‘non faciam’ ille,  
et praecedere coepit. ego, ut contendere durum est  
cum victore, sequor. ‘Maecenas quomodo tecum?’  
hinc repetit : ‘paucorum hominum et mentis bene  
sanae.

nemo dexterius fortuna est usus. haberet  
magnum adiutorem, posset qui ferre secundas,  
hunc hominem velles si tradere. dispeream ni  
summosse omnis.’ ‘non isto vivimus illuc  
quo tu rere modo : domus hac nec purior ulla est  
nec magis his aliena malis ; nil mi officit, inquam, 50  
ditior hic aut est quia doctior ; est locus uni  
cuique suus.’ ‘magnum narras, vix credibile.’ ‘atqui  
sic habet.’ ‘accendis quare cupiam magis illi  
proximus esse.’ ‘velis tantummodo : quae tua virtus,  
expugnabis ; et est qui vinci possit, coque  
difficilis aditus primos habet.’ ‘haud mili deero :  
muneribus servos corrumpam ; non, hodie si  
exclusus fuero, desistam ; tempora quaeram ;  
occurram in triviis ; deducam. nil sine magno  
vita labore dedit mortalibus.’ haec dum agit, ecce 60  
Fuscus Aristius occurrit, mihi carus et illum  
qui pulchre nosset. consistimus. ‘unde venis?’ et  
‘quo tendis?’ rogat et respondet. vellere coipi,  
et prensare manu lentissima bracchia, nutans,  
distorquens oculos, ut me ciperet. male salsus  
ridens dissimulare ; meum iecur urere bilis.  
‘certe nescio quid secreto velle loqui te  
aiebas mecum.’ ‘memini bene, sed meliore  
tempore dicam : hodie tricesima sabbata : vin tu

curtis Iulacis oppedere ?' 'nulla mihi' inquam 70  
 'religio est.' 'at mi: sum paulo infirmior, unus  
 multorum. ignosces : al'as loquar.' huncine solem  
 tam nigrum surrexe mihi ! fugit improbus ac me  
 sub cultro linquit. casu venit obvius illi  
 adversarius et 'quo tu turpissime?' magna  
 inclamat voce, et 'licet antestari?' ego vero  
 oppono auriculam. rapit in ius : claimor utrinque,  
 undique concursas. sic me servavit Apollo.

X. [L]UCILI, quam sis mendosus, teste Catone  
 defensore tuo pervincam, qui male factos  
 emendare parat versus, hoc lenius ille  
 quo melior vir et est longe subtilior illo  
 qui multum puer et loris et funibus udis  
 exhortatus, ut esset opem qui ferre poetis  
 antiquis posset contra fastidit nostra,  
 gramaticorum equitum doctis inuis. ut redeam  
 illuc,]

Nempe incomposito dixi pede currere versus  
 Lucili. quis tam Lucili fautor inepte est 10  
 ut non hoc fateatur? at idem, quod sale multo  
 Urbem defrictum, charta laudatur eadem.  
 nec tamen hoc tribuens dederim quoque cetera :  
 nam sic  
 et Laberi mimos ut pulchra poemata mirer.  
 ergo non satis est risu dilucere rictum  
 auditoris : et est quaedam tamen hic quoque virtus :  
 est brevitate opus, ut currat sententia neu se  
 impedit verbis lassas onerantibus auris,  
 et sermone opus est modo tristi, saepe iocoso,

defendente vicem modo rhetoris atque poetae,  
interdum urbani, parcentis viribus atque  
extenuantis eas consulto. ridiculum acri  
fortius et melius magnas plerumque secat res.  
illi, scripta quibus comoedia prisca viris est,  
hoc stabant, hoc sunt imitandi : quos neque pulcher  
Hermogenes umquam legit neque simius iste  
nil praeter Calvum et doctus cantare Catullum.  
'at magnum fecit quod verbis Graeca Latinis  
miscuit.' o seri studiorum ! quine putetis  
difficile et mirum, Rhodio quod Pitholeonti  
contigit ? 'at sermo lingua concinnus utraque  
suavior, ut Chio nota si commixta Falerni est.'  
cum versus facias, te ipsum percontor, an et cum  
dura tibi peragenda rei sit causa Petilli ?  
scilicet oblitos patriaeque patrisque Latini,  
cum Pedius causas exsudet Publicola atque  
Corvinus, patriis intermiscere petita  
verba foris malis Canusini more bilinguis ?  
atque ego cum Graecos facerem natus mare citra  
versiculos, vetuit me tali voce Quirinus,  
post mediam noctem visus, cum somnia vera,  
'in silvam non ligna feras insanius ac si  
magnas Graecorum malis implere catervas.'  
turgidus Alpinus iugulat dum Memnona dumque  
desingit Rheni luteum caput, haec ego ludo,  
quae neque in ae:le sonent certantia iudice Tarpa,  
nec redeant iterum atque iterum spectanda t:eatris.  
arguta meretrice potes Davoque Chremeta  
cludente senem comis garrire libellos  
unus vivorum, Fundani ; Pollio regum  
facta canit pede ter percusso ; forte cpos acer  
ut neino Varius ducit ; moile atque facetum  
Vergilio adnuerunt gaudentes rure Cainenac :

30

40

50

hoc erat, experto fru'tra Varrone Atacino  
 atque quibusdaim aliis, melius quod scribere possem,  
 inventore minor ; neque ego illi detrahere ausim  
 haerentem capiti cum multa laude coronam.  
 at dixi fluere hunc lutulentum, saepe ferentem  
 plura quidem tollen la relinquendis. age, quaeso,  
 tu nihil in magno doctus reprehendis Homero? 60  
 nil comis tragic'i mutat Lucilius Acci ?  
 non r'let versus Enni gravitate minores,  
 cum de se loquitur non ut maiore repressis ?  
 quid vetat et nosmet Lucili scripta legentis  
 quaerere num illius, num rerum dura negarit  
 versiculos natura magis factos et euntis  
 mollius, ac si quis pedibus qu'il claudere senis,  
 hoc tantum contentus, amet scripsisse ducentos  
 ante cibum versus, totidem cenatus ; Etrusci  
 quale fuit Cassi rapido ferventius amni 70  
 ingenium ; capsis quem fama est esse librisque  
 ambustum propriis. fuerit Lucilius, inquam,  
 comis et urbanus, fuerit limatior idem  
 quam rudis et Graecis intacti carminis auctor  
 quamque poetarum seniorum turba : sed ille,  
 si foret hoc nostrum fato dilatus in aevum,  
 detereret sibi multa, recideret omne quod ultra  
 perfectum traheretur, et in versu faciendo  
 saepe caput scaberet, vivos et roderet unguis.  
 saepe stilum vertas, iterum quae digna legi sint  
 scripturus, neque te ut miretur turba labores,  
 contentus paucis lectoribus. an tua demens  
 vilibus in ludis dictari carmina malis ? 80  
 non ego : nam satis est equitem mihi plaudere, ut  
     audax  
 contemptis aliis explosa Arbuscula dixit.  
 men moveat cimex Pantilius, aut cruciet quod

vellacet absentem Demetrius, aut quod ineptus  
Fannius Hermogenis laedat conviva Tigelli?  
Plotius et Varius, Maecenas Vergiliusque,  
Valgius et probet haec Octavius, optimus atque      90  
Fuscus, et haec utinam Viscorum laudet uterque.  
ambitione relegata te dicere possum,  
Pollio, te, Messalla, tuo cum fratre, simulque  
vos, Bibule et Servi, simul his te, candide Furni,  
compluris alios, doctos ego quos et amicos  
prudens praetereo : quibus haec, sunt qualiacumque,  
arridere velim, doliturus si placeant spe  
deterius nostra. Demetri, teque, Tigelli,  
discipularum inter iubeo plorare cathedras.  
i, puer, atque meo citus haec subscribe libello.      100

## SATIRARUM

### LIBER SECUNDUS.

I. **S**UNT quibus in satira videor nimis acer et ultra  
legem tendere opus ; sine nervis altera quic-  
quid  
composui pars esse putat similisque meorum  
mille die versus deduci posse. Trebat,  
quid faciam praescribe. ‘quiescas.’ ne faciam, in-  
quis,  
omnino versus ? ‘aio.’ peream male, si non  
optimum erat : verum nequeo dormire. ‘ter uncti  
transnanto Tiberim, somno quibus est opus alto,  
irriguumque mero sub noctem corpus habento.  
aut si tantus amor scribendi te rapit, aude  
Caesaris invicti res dicere, multa laborum  
praemia latus.’ cupidum, pater optime, vires  
deficiunt : neque enim quivis horrentia pilis  
agmina nec fracta pereuntis cuspide Gallos  
aut labentis equo describit volnera Parthi.  
‘attamen et iustum poteras et scribere fortem,

Scīpiadām ut sapiens Lucilius.' haud mihi deero  
cum res ipsa feret : nisi dextro tempore Flacci  
verba per attentam non ibunt Caesaris aurem,  
cui male si palpere, recalcitrat undique tutus.      20  
' quanto rectius hoc quam tristi laedere versu  
Pantolabum scurram Nomentanumve nepotem,  
cum sibi quisque timet, quamquam est intactus, et  
odit.'

quid faciam ? saltat Milonius, ut semel icto  
accessit fervor capiti numerusque lucernis ;  
Castor gaudet equis, ovo prognatus eodem  
pugnis : quot capitum vivunt, totidem studiorum  
milia. me pedibus delectat claudere verba  
Lucili ritu, nostrum melioris utroque.  
ille velut fidis arcana sodalibus olim      30  
credebat libris, neque si male cesserat usquam  
decurrens alio neque si bene : quo fit ut omnis  
votiva pateat veluti descripta tabella  
vita senis. sequor hunc, Lucanus an Apulus anceps :  
nam Venusinus arat finem sub utrumque colonus,  
missus ad hoc pulsis, vetus est ut fama, Sabellis,  
quo ne per vacuum Romano incurreret hostis,  
sive quod Apula gens seu quod Lucania bellum  
incuteret violenta. sed hic stilus haud petet ultro  
quemquam animantem et me veluti custodiet ensis      40  
vagina tectus : quem cur destringere concr  
tutus ab infestis latronibus? o pater et rex  
Iuppiter, ut pereat positum robigine telum,  
nec quisquam noceat cupido mihi pacis ! at ille  
qui me commorit—melius non tangere ! clamo—  
flebit et insignis tota cantabitur urbe.  
Cervius iratus leges minitatur et urnam,  
Canidia Albuci quibus est inimica venenum,  
grande malum Turius, siqui*l* se iudice certes :

ut quo quisque valet suspectos terreat, utque  
imperet hoc natura potens, sic collige mecum.  
dente lupus, cornu taurus petit ; unde nisi intus  
monstratum ? Scaevae vivacem crede nepoti  
matrem ; nil faciet sceleris pia dextera : mirum, .  
ut neque calce lupus quemquam neque dente petit  
bos :

sed mala tollet anum vitiato melle cicuta.  
ne longum faciam ; seu me tranquilla senectus  
exspectat seu Mors atris circumvolat alis,  
dives, inops, Romae, seu fors ita iusserit, exsul,  
quisquis erit vitae scribam color. ‘o puer, ut sis 60  
vitalis metuo, et maiorum nequis amicus  
frigore te feriat.’ quid ? cum est Lucilius ausus  
primus in hunc operis componere carmina morem,  
detrahere et pellem, nitidus qua quisque per ora  
cederet, introrsum turpis, num Laelius et qui  
duxit ab oppressa meritum Carthagine nomen  
ingenio offensi aut laeso doluere Metello  
famosisque Lupo cooperto versibus ? atqui  
primores populi arripuit populumque tributim,  
scilicet uni aequus virtuti atque eius amicis. 70  
quin ubi se a volgo et scaena in secreta remorant  
virtus Scipiadae et mitis sapientia Laeli,  
nugari cum illo et discincti ludere donec  
decoqueretur holus soliti. quicquid sum ego, quamvis  
infra Lucili censem ingeniumque, tamen me  
cum magnis vixisse invita fatebitur usque  
invidia, et fragili quaerens illidere dentem  
offendet solido ; nisi quid tu, docte Trebatii,  
dissentis. ‘equidem nihil hinc diffingere possum.  
sed tamen ut monitus caveas, ne forte negoti 80  
incutiat tibi quid sanctorum inscitia legum :  
si mala condiderit in quem quis carmina, ius est

iudiciumque.' esto, si quis mala : sed bona si quis  
 iudice condiderit laudatus Caesare ? si quis  
 opprobriis dignum latraverit, integer ipse ?  
 'solventur risu tabulae, tu missus abibis.'

II. UAE virtus et quanta, boni, sit vivere parvo

*—nec meus hic sermo est, sed quae preecepit Ofellus*

rusticus, abnormis sapiens crassaque Minerva—  
 discite, non inter lances mensasque nitentis,  
 cum stupet insanis acies fulgoribus et cum  
 acclinis falsis animus meliora recusat,  
 verum hic impransi mecum disquirite. 'cur hoc?'  
 dicam, si potero. male verum examinat omnis  
 corruptus iudex. leporem sectatus equove  
 lassus ab indomito vel, si Romana fatigat      10  
 militia adsuetum graecari, seu pila velox,  
 molliter austерum studio fallente laborem,  
 seu te discus agit, pete cedentem aera disco :  
 cum labor extuderit fastidia, siccus, inanis  
 sperne cibum vilem ; nisi Hymettia mella Falerno  
 ne biberis diluta. foris est promus et atrum  
 defendens piscis hiemat mare : cum sale panis  
 latrantem stomachum bene leniet. unde putas aut  
 qui partum ? non in caro nidore voluptas  
 summa, sed in te ipso est. tu pulmentaria quaere      20  
 sudando : pinguem vitiis albumque neque ostrea  
 nec scarus aut poterit peregrina iuvare lagois.  
 vix tamen eripiam, posito pavone velis quin  
 hoc potius quam gallina tergere palatum,  
 corruptus vanis rerum, quia veneat auro  
 rara avis et picta pandat spectacula cauda :

tamquam ad rem attineat quicquam. num vesceris ista  
 quam laudas pluma? cocto num adest honor idem?  
 carne tamen, quamvis distat nihil, hac magis illa.  
 imparibus formis deceptum te patet. esto.      30  
 unde datum sentis, lupus hic Tiberinus an alto  
 captus hiet, pontisne inter iactatus an amnis  
 ostia sub Tusci? laudas, insane, trilibrem  
 nullum, in singula quem minuas pulmenta necesse est.  
 ducit te species, video. quo pertinet ergo  
 proceros odisse lupos? quia scilicet illis  
 maiorem natura modum dedit, his breve pondus.  
 iejunus raro stomachus volgaria temnit.  
 ‘porrectum magno magnum spectare catino  
 vellem’ ait Harpyiis gula digna rapacibus. at vos 40  
 praesentes Austri, coquite horum obsonia. quamquam  
 putet aper rhombusque recens, mala copia quando  
 aegrum sollicitat stomachum, cum rapula plenus  
 atque acidus mavolt inulas. needum omnis abacta  
 pauperies epulis regum: nam vilibus ovis  
 nigrisque est oleis hodie locus. haud ita pridem  
 Galloni paeconis erat acipensere mensa  
 infamis. quid? tum rhombos minus aequora alebant?  
 tutus erat rhombus tutoque ciconia nido,  
 donec vos auctor docuit praetorius. ergo      50  
 si quis nunc mergos suavis edixerit assos,  
 parebit pravi docilis Romana iuventus.  
 sordidus a tenui victu distabit, Ofello  
 iudice. nam frustra vitium vitaveris illud  
 si te alio pravum detorseris. Avidienus,  
 cui Canis ex vero ductum cognomen adhaeret,  
 quinquennis oleas est et silvestria corna,  
 ac nisi mutatum pareit defundere vinum, et  
 cuius odorem olei nequeas perferre, licebit  
 ille repotia, natalis aliasve dierum      60

festos albatus celebret, cornu ipse bilibri  
caulibus instillat, veteris non parcus acetii.  
quali igitur victu sapiens utetur, et horum  
utrum imitabitur? hac urguet lupus, hac canis, aitnt.  
mundus erit qua non offendat sordibus atque  
in neutram partem cultus miser. hic neque servis,  
Albuci senis exemplo, dum munia didit  
saevus erit; nec sic ut simplex Naevius unctam  
convivis praebebit aquam: vitium hoc quoque magnum.  
accipe nunc, victus tenuis quae quantaque secum 70  
adferat. in primis valeas bene. nam variae res  
ut noceant homini credas, memor illius escae  
quae simplex olim tibi sederit: at simul assis  
miscueris elixa, simul conchylia turdis,  
dulcia se in bilem vertent, stomachoque tumultum  
lenta feret pituita. vides ut pallidus omnis  
cena desurgat dubia? quin corpus onustum  
hesternis vitiis animum quoque praegravat una,  
atque adfigit humo divinae particulam aurae.  
alter ubi dicto citius curata sopori 80  
membra dedit, vegetus praecripta ad munia surgit.  
hic tamen ad melius poterit transcurrere quondam;  
sive diem festum rediens advexerit annus,  
seu recreare volet fenuatum corpus, ubique  
accident anni et tractari mollius aetas  
imbecilla volet: tibi quidnam accedet ad istam  
quam puer et validus praesumis mollitem, seu  
dura valetudo inciderit seu tarda senectus?  
rancidum aprum antiqui laudabant, non quia nasus  
illis nullus erat, sed credo hac mente, quod hospes 90  
tardius adveniens vitiatum commodius quam  
integrum edax dominus consumeret. hos utinam inter  
heroas natum tellus me prima tulisset!  
das aliquid famae, quae carinice gravior aurem

occupat humanam : grandes rhombi patinaeque  
 grande ferunt una cum damno dedecus : adde  
 iratum patrum, vicinos, te sibi iniquum  
 et frustra mortis cupidum, cum deerit egenti  
 as, laquei pretium. ‘iure’ inquit ‘Trausius istis  
 iurgatur verbis : ego vectigalia magna                    100  
 divitiasque habeo tribus amplas regibus.’ ergo  
 quod superat, non est melius quo insumere possis ?  
 cur eget indignus quisquam te divite ? quare  
 templa ruunt antiqua deum ? cur, improbe, carae  
 non aliquid patriae tanto emetiris acervo ?  
 uni nimirum recte tibi semper erunt res.  
 o magnus posthac inimicis risus ! uterne  
 ad casus dubios fidet sibi certius ? hic qui  
 pluribus adsuerit mentem corpusque superbum,  
 an qui contentus parvo metuensque futuri                110  
 in pace, ut sapiens, aptarit idonea lello ?  
 quo magis his credas, puer hunc ego parvus Osellum  
 integris opibus novi non latius usum  
 quam nunc accisis. videoas metato in agello  
 cum pecore et gnatis fortem mercede colonum,  
 ‘non ego’ narrantem ‘temere edi luce profesta  
 quicquam praeter holus fumosae cum pede pernae.  
 ac mihi seu longum post tempus venerat hospes,  
 sive operum vacuo gratus conviva per imbreui  
 vicinus, bene erat non piscibus urbe petitis,            120  
 sed pullo atque haedo. tum pensilis uva secundas  
 et nux ornabat mensas cum duplice ficu.  
 post hoc ludus erat culpa potare magistra ;  
 ac venerata Ceres, ita culmo surgeret alto,  
 explicuit vino contractae seria frontis.  
 saeviat atque novos moveat Fortuna tumultus :  
 quantum hinc imminuet? quanto aut ego parcus aut  
 vos,

o pueri, nituistis, ut huc novus incola venit ?  
nam propriae telluris erum Natura neque illum  
nec me nec quemquam statuit : nos expulit ille ;      130  
illum aut nequities aut vafri inscitia iuris,  
postremum expellet certe vivacior heres.  
nunc ager Umbreni sub nomine, nuper Ofelli  
dictus, erit nulli proprius, sed cedet in usum  
nunc mihi, nunc alii.    quocirca vivite fortes  
fortiaque adversis opponite pectora rebus.

III. ‘SIC raro scribis, ut toto non quater anno  
membranam poscas, scriptorum quaeque  
retexens,  
iratus tibi quod vini somnique benignus  
nil dignum sermone canas.    quid fiet ? at ipsis  
Saturnalibus luc fugisti sobrius.    ergo  
dic aliquid dignum promissis.    incipe.    nil est.  
culpantur frustra calami immeritusque laborat  
iratis natus paries dis atque poetis.  
atqui voltus erat multa et praeclara minantis,  
si vacuum tepido cepisset villula tecto.      10  
quorsum pertinuit stipare Platona Menandro,  
Eupolin, Archilochum, comites educere tantos ?  
invidiam placare paras virtute reicta ?  
contemnere, miser.    vitanda est improba Siren  
Desidia, aut quicquid vita meliore parasti  
ponendum aequo animo.’ di te, Damasippe, deaeque  
verum ob consilium donent tonsore.    sed unde  
tam bene me nosti ? ‘ postquam omnis res mea Ianum  
ad medium fracta est, aliena negotia euro,  
excussus propriis.    olim nam quaerere amabam      20  
quo vas er ille pedes lavisset Sisyphus aere,

quid sculptum infabre, quid fusum durius esset ;  
 callidus huic signo ponebam milia centum ;  
 hortos egregiasque domos mercarier unus  
 cum lucro noram ; unde frequentia Mercuriale  
 imposuere mihi cognomen compita.<sup>1</sup> novi,  
 et miror morbi purgatum te illius. ‘atqui  
 emovit veterem mire novus, ut solet, in cor  
 traiecto lateris miseri capitise dolore ;  
 ut lethargicus hic, cum sit pugil et medicum urguet.’ <sup>30</sup>  
 dum ne quid simile huic, esto ut libet. ‘o bone, ne te  
 frustrare, insanis et tu stultique prope omnes,  
 siquid Stertinus veri crepat, unde ego mira  
 descripsi docilis praecepta haec, tempore quo me .  
 solatus iussit sapientem pascere barbam,  
 atque a Fabricio non tristem ponte reverti.  
 nam, male re gesta, cum vellem mittere opero  
 me capite in flumen, dexter stetit et “cave faxis  
 te quicquam indignum : pudor” inquit “te malus angit,  
 insanos qui inter vereare insanus haberi.” <sup>40</sup>  
 primum nam inquiram quid sit furere : hoc si erit in te  
 solo, nil verbi, pereas quin fortiter, addam.  
 quem mala stultitia et quemcumque inscitia veri  
 caccum agit, insanum Chrysippi porticus et grex  
 autumat. haec populos, haec magnos formula reges,  
 excepto sapiente, tenet. nunc accipe quare  
 desipient omnes aequa ac tu, qui tibi nomen  
 insano posuere. velut silvis, ubi passim  
 palantis error certo de tramite pellit,  
 ille sinistrorum hic dextrorum abit, unus utrique <sup>50</sup>  
 error, sed variis illudit partibus ; hoc te  
 crede modo insanum, nihilo ut sapientior ille  
 qui te deridet caudam trahat. est genus unum  
 stultitiae nihilum metuenda timentis, ut ignis,  
 ut rupis fluviosque in campo obstare queratur :

alterum et huic varum et nihilo sapientius ignis  
 per medios fluviosque ruentis. clamet amica,  
 mater, honesta soror cum cognatis, pater, uxor :  
 ‘ hic fossa est ingens, hic rupes maxima ; serva ! ’  
 non magis audierit quam Fusius ebrius olim,      60  
 cum Ilionam edormit, Catienis mille ducentis  
 ‘ mater, te appello ’ clamantibus. huic ego volgus  
 errori similem cunctum insanire docebo.  
 insanit veteres statuas Damasippus emendo :  
 integer est mentis Damasippi creditor ? esto :  
 ‘ accipe quod numquam reddas mihi,’ si tibi dicam,  
 tune insanus eris si acceperis, an magis excors  
 reiecta praeda quam praesens Mercurius fert ?  
 scribe decem a Nerio : non est satis : adde Cicutae  
 nodosi tabulas centum, mille adde catenas :      70  
 effugiet tamen haec sceleratus vincula Proteus.  
 cum rapies in ius malis ridentem alienis,  
 fiet aper, modo avis, modo saxum et cum volet arbor.  
 si male rem gerere insani est, contra bene, sani ;  
 putidius multo cerebrum est, mihi crede, Perelli  
 dictantis quod tu numquam rescribere possis.  
 audiare atque togam iubeo componere, quisquis  
 ambitione mala aut argenti pallet amore,  
 qui quis luxuria tristive superstitione  
 aut alio mentis morbo calet : hue propius me,      80  
 dum doceo insanire omnis, vos ordine adite.  
 danda est ellebore multo pars maxima avaris :  
 nescio an Anticyram ratio illis destinet omnem.  
 heredes Staberi summam incidere sepulcro,  
 ni sic fecissent, gladiatorum dare centum  
 damnati populo paria atque epulum arl itrio Arri,  
 frumenti quantum metit Africa. ‘ sive ego prave  
 seu recte hoc volui, ne sis patruus mihi : ’ credo  
 hoc Staberi prudentem aninum vidisse. ‘ quid ergo

sensit cum summam patrimoni insculpere saxo  
 heredes voluit? quoad vixit, credidit ingens  
 pauperiem vitium et cavit nihil acerius, ut, si  
 forte minus locuples uno quadrante perisset,  
 ipse videretur sibi nequior. omnis enim res,  
 virtus, fama, decus, divina humanaque pulchris  
 divitiis parent; quas qui construxerit, ille  
 clarus erit, fortis, iustus. 'sapiensne?' etiam, et rex  
 et quicquid volet. hoc, veluti virtute paratum,  
 speravit magnae laudi fore. quid simile isti  
 Graecus Aristippus? qui servos proicere aurum  
 in media iussit Libya, quia tardius irent  
 propter onus segnes. uter est insanior horum?  
 nil agit exemplum litem quod lite resolvit.  
 si quis emat eitharas, emptas comportet in unum,  
 nec studio eitharae nec Musae deditus ulli,  
 si scalpra et formas non sutor, nautica vela  
 aversus mercaturis, delirus et amens  
 undique dicatur merito. qui discrepat istis  
 qui nummos aurumque recondit, nescius uti  
 compositis metuensque velut contingere sacrum?  
 si quis ad ingentem frumenti semper acervum  
 porrectus vigilet cum longo fuste, neque illinc  
 audeat esuriens dominus contingere granum,  
 ac potius foliis parcus vescatur amaris;  
 si positis intus Chii veterisque Falerni  
 mille cadis, nihil est, tercentum milibus, acre  
 potet acetum; age, si et stramentis incubet unde  
 octoginta annos natus, cui stragula vestis,  
 blattarum ac tinearum epulæ, putrescat in arca:  
 nimirum insanus paucis videatur, eo quod  
 maxima pars hominum morbo iactatur eodem.  
 filius aut etiam haec libertus ut eibat heres,  
 dis inimice senex, custodis? ne tibi desit?

90

100

110

120

quantulum enim summae curabit quisque dierum,  
unguere si caulis oleo meliore caputque  
coeperis impexa foedum porrigine? quare,  
si quidvis satis est, periuras, surripis, aufers  
undique? tun sanus? populum si caedere saxis  
incipias servosve, tuo quos aere pararis,  
insanum te omnes pueri clamentque puellae:      150  
cum laqueo uxorem interemis matremque veneno,  
incolumi capite es? quid enim? neque tu hoc facis  
Argis,

nec ferro ut demens genetricem occidis Orestes.  
an tu reris eum occisa insanisse parente,  
ac non ante malis dementem actum Furiis quam  
in matris iugulo ferrum tepefecit acutum?  
quin, ex quo est habitus male tutae mentis Orestes,  
nil sane fecit quod tu reprendere possis:

non Pyladen ferro violare aususve sororem est  
Electram; tantum maledicit utrique vocando      140  
hanc Furiam, hunc aliud, iussit quod splendida bilis.

pauper Opimius argenti positi intus et auri,  
qui Veientanum festis potare diebus  
Campana solitus trulla vappainque profestis,  
quondam lethargo grandi est oppressus, ut heres  
iam circum loculos et clavis laetus ovansque  
curreret. hunc medicus multum celer atque fidelis  
excitat hoc pacto: mensam ponit iubet atque  
effundi saccos nummorum, accedere pluris

ad numerandum: hominem sic erigit. addit et illud,  
'ni tua custodis, avidus iam haec auferet heres.'

'men vivo?' 'ut vivas igitur, vigila. hoc age.' 'quid  
vis?'

'deficient inopem venae te, ni cibus atque  
ingens accedit stomacho fultura ruenti.  
tu cessas? agedum, sume hoc ptisanarium oryzae.'

'quanti emptae?' 'parvo.' 'quanti ergo?' 'octussibus.'  
'cheu!'

quid refert morbo an furtis pereamque rapinis?'—  
'quisnam igitur sanus?' qui non stultus. 'quid avarus?'  
stultus et insanus. 'quid, si quis non sit avarus?  
continio sanus?' minime. 'cur, Stoice?' dicam. 160  
non est car liacus—Craterum dixisse putato—  
hic aeger: recte est igitur surgetque? negabit,  
quod latus aut renes morbo temptantur acuto.  
non est periurus neque sordidus: immolet aequis  
hic porcum Laribus. verum ambitiosus et audax:  
naviget Anticyram. quid enim dissert, barathrone  
dones quicquid habes, an numquam utare paratis?  
Servius Oppidius Canusi duo praedia, dives  
antiquo censu, natis divisse duobus  
fertur, et hoc moriens pueris dixisse vocatis 170  
ad lectum: 'postquam te talos, Aule, nucesque  
ferre sinu laxo, donare et ludere vidi,  
te, Tiberi, numerare, cavis abscondere tristem,  
extimui ne vos ageret vesania discors,  
tu Nomentanum, tu ne sequerere Cicutam.  
quare per divos oratus uterque Penatis,  
tu cave ne minuas, tu ne maius facias id  
quod satis esse putat pater et natura coerct.  
praeterea ne vos titillet gloria, iure 180  
iurando obstringam ambo: uter aedilis fueritve  
vestrum praetor, is intestabilis et sacer esto.  
in cicere atque faba bona tu perdasque lupinis,  
latus ut in Circo spatiere et aeneus ut stes,  
nudus agris, nudus nummis, insane, paternis?  
scilicet ut plausus quos fert Agrippa feras tu,  
astuta ingenuum volpes imitata leonem.'—  
ne quis humasse velit Aiacem, Atrida, vetas cur?  
'rex sum.' nil ultra quaero plebeius. 'et aequam

rem imperito ; ac si cui videor non iustus, inulto  
dicere quod sentit permitto.' maxime regum,190  
di tibi dent capta classem deducere Troia.  
ergo consulere et mox respondere licebit ?  
' consule.' cur Ajax, heros ab Achille secundus,  
putescit, totiens servatis clarus Achivis,  
gaudeat ut populus Priami Priamusque inhumato,  
per quem tot iuvenes patrio caruere sepulcro ?  
' mille ovium insanus morti dedit, inclitum Ulixen  
et Menelaum una mecum se occidere clamans.'  
tu cum pro vitula statuis dulcem Aulide natam  
ante aras spargisque mola caput, improbe, salsa,200  
rectum animi servas ? quorsum ? insanus quid enim

## Ajax

fecit cum stravit ferro pecus ? abstinuit vim  
uxore et gnato : mala multa precatus Atridis  
non ille aut Teucrum aut ipsum violavit Ulixen.  
' verum ego, ut haerentis adverso litore navis  
criperem, prudens placavi sanguine divos.'  
nempe tuo, furiose. ' meo, sed non furiosus.'—  
qui species alias veri scelerisque tumultu  
permixtas capiet, commotus habebitur, atque  
stultitiane erret nihilum distabit an ira.210  
Ajax cum immeritos occidit desipit agnos :  
cum prudens scelus ob titulos admittis inanis,  
stas animo, et purum est vitio tibi cum tumidum est  
cor ?

siquis lectica nitidam gestare amet agnam,  
huic vestem, ut gnatæ, paret ancillas, paret aurum,  
Rufam aut Posillam appellat fortique marito  
destinet uxorem, interdicto huic omne adiunat ius  
praetor, et ad sanos abeat tutela propinquos.  
quid ? siquis gnatam pro muta devovet agna,  
integer est animi ? ne dixeris. ergo ubi prava220

stultitia, hic summa est insania: qui sceleratus,  
et furiosus erit: quem cepit vitrea Fama,  
hunc circumtonuit gaudens Bellona cruentis.—  
nunc age luxuriam et Nomentanum arripe mecum :  
vincet enim stultos ratio insanire nepotes.  
hic simul accepit patrimoni mille talenta,  
edicit, piscator uti, pomarius, auceps,  
unguentarius ac Tusci turba impia vici,  
cum scurris fartor, cum Velabro omne macellum      229  
mane domum veniant. quid tum ? venere frequentes.  
verba facit leno: ‘quicquid mihi, quicquid et horum  
cuique domi est, id crede tuum et vel nunc pete vel  
cras.’

accipe quid contra iuvenis responderit aequus.  
‘in nive Lucana dormis ocreatus, ut aprum  
cenem ego. tu piscis hiberno ex aequore verris.  
segnis ego, indignus qui tantum possideam. aufer.  
sume tibi deciens ; tibi tantudem ; tibi triplex,  
unde uxor media currit de nocte vocata.’  
filius Aesopi detractam ex aure Metellae,  
scilicet ut deciens solidum absorberet, aceto      240  
diluit insignem bacam: qui sanior ac si  
illud idem in rapidum flumen iaceretve cloacam ?  
Quinti progenies Arri, par nobile fratrum,  
nequitia et nugis, pravorum et amore gemellum,  
luscinias soliti impenso prandere coemptas,  
quorsum abeant ? sanin creta, an carbone notati ?  
aedificare casas, plostello adiungere muris,  
ludere par impar, equitare in harundine longa  
siquem delectet barbatum, amentia verset.  
si puerilius his ratio esse evincet amare,      250  
nec quicquam differre utrumne in pulvere, trimus  
quale prius, ludas opus an meretricis amore  
sollicitus plores : quaero, faciasne quod olim

mutatus Polemo? ponas insignia merci,  
fasciolas, cubital, focalia, potus ut ille  
dicitur ex collo furtim carpsisse coronas,  
postquam est impransi correptus voce magistri?  
porrigis irato puero cum poma, recusat.  
'sume, catelle.' negat. si non des, optet. amator  
exclusus qui distat, agit ubi secum, eat an non, 260  
quo redditurus erat non arcessitus, et haeret  
invisis foribus? 'ne nunc, cum me vocat ultro,  
accedam? an potius mediter finire dolores?  
exclusit; revocat. redeam? non, si obsecrat.' ecce  
servus non paulo sapientior: 'o ere, quae res  
nec modum habet neque consilium, ratione modoque  
tractari non volt. in amore haec sunt mala, bellum,  
pax rursum: haec si quis tempestatis prope ritu  
mobilia et caeca fluitantia sorte laboret  
reddere certa sibi, nihilo plus explicit ac si 270  
insanire paret certa ratione modoque.'  
quid? cum Picenis excerpens semina pomis  
gaudes, si cameram percusti forte, penes te es?  
quid? cum balba feris annoso verba palato,  
aedificante easas qui sanior? adde cruentem  
stultitiae, atque ignem gladio scrutare. modo, inquam,  
Hellade percussa Marius cum praecipitat se,  
cerritus fuit, an commotae crimine mentis  
absolves hominem et sceleris damnabis eundem,  
ex more imponens cognata vocabula rebus? 280  
libertinus erat, qui circum compita sicceus  
lautis mane senex manibus currebat et 'unum,  
quid tam magnum?' addens, 'unum ne surprite mori:  
dis etenim facile est' orabat; sanus utrisque  
auribus atque oculis: mentein, nisi litigiosus,  
exciperet dominus, cum venderet. hoc quoque volgus  
Chrysippus ponit secunda in gente Meneni.

'Iuppiter, ingentis qui das adimisque dolores'  
 mater ait pueri mensis iam quinque cubantis,  
 'frigida si puerum quartana reliquerit, illo  
 mane die quo tu indicis ieunia nudus  
 in Tiberi stabit.' casus medicusve levarit  
 aegrum ex praeccipiti, mater delira necabit  
 in gelida fixum ripa febrimque reducet.  
 quone malo mentem concussa? timore deorum."  
 haec mihi Stertinus, sapientum octavus, amico  
 arma dedit, posthac ne compellarer inultus.  
 dixerit insanum qui me, totidem audiet atque  
 respicere ignoto discet pendentia tergo.  
 Stoice, post daminum sic vendas omnia pluris,  
 qua me stultitia, quoniam non est genus unum,  
 insanire putas? ego nam videor mihi sanus.  
 'quid? caput abscissum manibus cum portat Agaue  
 gnati infelcis, sibi tum furiosa videtur?'  
 stultum me fateor—liceat concedere veris—  
 atque etiam insanum: tantum hoc edissere, quo me  
 aegrotare putes animi vitio. 'accipe. primum  
 aedificas, hoc est longos imitaris, ab imo  
 ad summum totus moduli bipedalis: et idem  
 corpore maiorem rides Turbonis in armis  
 spiritum et incessum: qui ridiculus minus illo?  
 an quodcumque facit Maecenas, te quoque verum est,  
 tantum dissimilem, et tanto certare minorem?  
 absentis ranae pullis vituli pede pressis,  
 unus ubi effugit, matri denarrat ut ingens  
 belua cognatos eliserit. illa rogare  
 quantane, 'num tantum,' sufflans se, 'magna fuisse.'  
 'maior dimidio.' 'num tantum?' cum magis atque  
 se magis inflaret, 'non, si te ruperis' inquit,  
 'par eris.' haec a te non multum abludit imago. 320  
 adde poemata nunc, hoc est, oleum adde camino:

quae si quis sanus fecit, sanus facis et tu.  
non dico horrendam rabiem.' iam desine. 'cultum  
maiorem censu.' teneas, Damasippe, tuis te.  
'mille puellarum, puerorum mille furores.'  
o maior tandem parcas insane minori.

IV. **U**NDE et quo Catius? 'non est mihi tempus  
aventi  
ponere signa novis praeceptis, qualia vincent  
Pythagoran Anytique reum doctumque Platona.'  
peccatum fateor, cum te sic tempore laevo  
interpellarim. sed des veniam bonus, oro.  
quodsi interciderit tibi nunc aliquid, repetes mox,  
sive est naturae hoc sive artis, mirus utroque.  
'quin id erat curae, quo pacto cuncta tenerem,  
utpote res tenuis, tenui sermone peractas.'  
ede hominis nomen, simul et Romanus an hospes. 10  
'ipsa memor praecepcta canam, celabitur auctor.  
longa quibus facies ovis erit, illa memento,  
ut suci melioris et ut magis alba rotundis,  
ponere: namque marem cohibent callosa vitellum.  
caule suburbano qui siccis crevit in agris  
dulcior: irriguo nihil est elutius horto.  
si vespertinus subito te oppresserit hospes,  
ne gallina malum responset dura palato,  
doctus eris vivam musto mersare Falerno:  
hoc teneram faciet. pratensis optima fungis 20  
natura est; aliis male creditur. ille salubris  
aestates peraget, qui nigris prandia moris  
finiet, ante gravem quae legerit arbore solcm.  
Ausidius forti miscet mella Falerno:

mendose; quoniam vacuis committere venis  
 nil nisi lene decet: leni praecordia mulso  
 prolueris melius. si dura niorabitur alvus,  
 mitulus et viles pellent obstantia conchae,  
 et lapathi brevis herba, sed albo non sine Coo.  
 lubrica nascentes implent conchylia lunae:      30  
 sed non omne mare est generosae fertile testae:  
 murice Baiano melior Lucrina peloris,  
 ostrea Circeis, Miseno oriuntur echini,  
 pectinibus patulis iactat se molle Tarentum.  
 nec sibi cenanum quivis temere arroget artem,  
 non prius exacta tenui ratione saporum.  
 nec satis est cara piscis averrere mensa  
 ignaruin quibus est ius aptius, et quibus assis  
 languidus in cubitum iam se conviva reponet.  
 Umber et ligna nutritus glande rotundas      40  
 curvat aper lances carnem vitantis inertem:  
 nam Laurens malus est, ulvis et harundine pinguis.  
 vinea submittit capreas non semper edulis.  
 secundae leporis sapiens sectabitur armos.  
 piscibus atque avibus quae natura et foret aetas  
 ante meum nulli patuit quae sita palatum. -  
 sunt quorum ingenium nova tantum crustula promit.  
 nequaquam satis in re una consumere curam;  
 ut si quis solum hoc, mala ne sint vina, laboret,  
 quali perfundat pisces securus olivo.      50  
 Massica si caelo suppones vina sereno,  
 nocturna siquid crassi est tenuabitur aura,  
 et decedet odor nervis inimicus: at illa  
 integrum perdunt lino vitiata saporem.  
 Surrentina vaser qui miscet faece Falerna  
 vina, columbino limum bene colligit ovo,  
 quatenus ima petit volvens aliena vitellus.  
 tostis marcentem squillis recreabis et Afra

potorem cochlea : nam lactuca innatat acri  
post vinum stomacho ; perna magis ac magis hillis 60  
flagitat immorsus refici ; quin omnia malit  
quaecumque immundis fervent adlata popinis.  
est operae pretium duplicitis pernoscere iuris  
naturam. simplex e dulci constat olivo,  
quod pingui miscere mero muriaque decebit  
non alia quam qua Byzantia putuit orca.  
hoc ubi confusum sectis inferbuit herbis  
Corycioque croco sparsum stetit, insuper addes  
pressa Venafranae quod baca remisit olivae.  
Picenis cedunt pomis Tiburtia suco : 70  
nam facie praestant. venucula convenit ollis :  
rectius Albanam fumo duraveris uvam.  
hanc ego cum malis, ego faecem primus et allec,  
primus et invenior piper album cum sale nigro  
incretum puris circumposuisse catillis.  
immane est vitium dare milia terna macello  
angustoque vagos piscis urguere catino.  
magna movet stomacho fastidia, seu puer unctis  
tractavit calicem manibus, dum furta ligurrit,  
sive gravis veteri craterae limus adhaesit. 80  
vilibus in scopis, in mappis, in scobe quantus  
consistit sumptus ? neglectis, flagitium ingens.  
ten lapides varios lutulenta radere palma,  
et Tyrias dare circum inlota toralia vestis,  
oblitum quanto curam sumptumque minorem  
haec habeant, tanto reprendi iustius illis  
quae nisi divitibus nequeant contingere mensis ?  
docte Cati, per amicitiam divosque rogatus  
ducere me auditum, perges quocumque, memento.  
nam quamvis memori referas mihi pectore cuncta 90  
non tamen interpres tantudem iuveris. adde  
voltum habitumque hominis, quem tu vidisse beatus

non magni pendis, quia contigit : at mihi cura  
non mediocris inest, fontes ut adire remotos  
atque haurire queam vitae praecpta beatae.

V. **H**OC quoque, Tiresia, praeter narrata petenti  
responde, quibus amissas reparare queam res  
artibus atque modis. quidrides? 'iamne doloso  
non satis est Ithacam revehi patriosque penatis  
adspicere?' o nulli quicquam mentite, vides ut  
nudus inopsque domum redeam, te vate; neque illuc  
aut apotheca procis intacta est aut pecus. atqui  
et genus et virtus, nisi cum re, vilior alga est.  
'quando pauperiem, missis ambagibus, horres,  
accipe qua ratione queas ditescere. turdus  
sive aliud privum dabitur tibi, devolet illuc  
res ubi magna nitet domino sene: dulcia poma  
et quoscumque seret cultus tibi fundus honores,  
ante Larem gustet venerabilior Lare dives:  
qui quamvis periurus erit, sine gente, cruentus  
sanguine fraterno, fugitivus, ne tamen illi  
tu comes exterior, si postulet, ire recuses.'  
utne tegam spurco Damae latus? haud ita Troiac  
me gessi, certans semper melioribus. 'ergo  
pauper eris.' fortē hoc animum tolerare iubebo:  
et quondam maiora tuli. tu protinus unde  
divitias aerisque ruam dic, augur, acervos.  
'dixi equidem et dico. captes astutus ubique  
testamenta senum, neu, si vascer unus et alter  
insidiatorem praeroso fugerit hamo,  
aut spem deponas aut artem illusus omittas.  
magna minorve foro si res certabitur olim,

vivet uter locuples sine gnatis, improbus, ultro  
qui meliorem audax vocet in ius, illius esto  
defensor: fama civem causaque priorem        30  
sperne, domi si gnatus erit secundave coniunx.  
“Quinte,” puta, aut “Publi” (gaudent praenomine  
molles

auriculae), “tibi me virtus tua fecit amicum :  
ius anceps novi, causas defendere possum :  
eripiet quivis oculos citius mihi quam te  
contemptum cassa nuce pauperet : haec mea cura est,  
nequid tu perdas, neu sis iocus.” ire domum atque  
pelliculam curare iube ; si cognitor ipse,  
persta atque obdura, seu rubra Canicula findet  
infantis statuas, seu pingui tentus omaso        40  
Furius hibernas cana nive conspuet Alpis.

“nonne vides” aliquis cubito stantem prope tangens  
inquiet, “ut patiens, ut amicis aptus, ut acer ? ”  
plures adnabunt thunni et cetaria crescent.

si cui praeterea validus male filius in re  
praeclera sublatus aletur, ne manifestum  
caelibus obsequium nudet te, leniter in spem  
adrepe officiosus, ut et scribare secundus  
heres et, si quis casus puerum egerit Orco,  
in vacuum venias : perraro haec alca fallit.        50

qui testamentum tradet tibi cumque legendum,  
abnuere et tabulas a te removere memento,  
sic tamen ut limis rapias quid prima secundo  
cera velit versu ; solus, multisne coheres,  
veloci percurre oculo. plerumque recocitus  
scriba ex quinqueviro corvum deludet hiantem,  
captatorque dabit risus Nasica Corano.’

num furis an prudens ludis me obscura canendo ?  
‘o Laertiade, quicquid dicam aut erit aut non :  
divinare etenim magnus mihi donat Apollo.’        60

quid tamen i<sup>t</sup>a velit sibi fabula, si licet, ede.  
 tempore quo iuvenis Parthis horrendus, ab alto  
 demissum genus Aenea, tellure marique  
 magnus erit, forti nubet procera Corano  
 filia Nasicae, metuentis rebellere sollum-  
 tum gener hoc faciet: tabulas socero dabit atque  
 ut legat orabit; multum Nasica negatas  
 accipiet tandem et tacitus leget invenietque  
 nil sibi legatum praeter plorare suisque.  
 illud ad haec iub<sup>o</sup>: mulier si forte dolosa  
 libertusve senem delirum temperet, illis  
 accedas socius; huius, lauderis ut absens  
 a liuat hoc quicque; sed vincit longe prius ipsum  
 expugnare caput. sribet mala carmina vecors:  
 lau lat. scortator erit: cave te roget; ultro  
 Penelopam facilis potiori tra le.<sup>70</sup> putasne,  
 perduci poterit tam frugi tamque publica,  
 quam nequiere proci recto dispellere cursu?  
 venit enim magnum donandi parca iuventus,  
 nec tantum veneris quantum studiosa culinae.<sup>80</sup>  
 sic tibi Penelope frugi est: quae si semel uno  
 de sene gustarit tecum partita lucellum,  
 ut canis a corio num juam absterrebitur uncto.  
 me sene quod dicam factum est. anus improba Thebis  
 ex testamento sic est elata: caelaver  
 unctum oleo largo nudis umeris tulit heres,  
 scilicet elabi si posset mortua; credo,  
 quod nimium institerat viventi. cautus adito,  
 neu desis operae neve immoderatus abundes:  
 difficilem et morosum offendes garrulus ultro:<sup>90</sup>  
 non etiam sileas. Davus sis comicus, atque  
 stes capite obstipo, multum similis metuenti.  
 obsequio grassare; mone, si increbuit aura,  
 cautus uti velet carum caput; extrahe turba

oppositis umeris ; aurem substringe loquaci.  
 importunus amat laudari : donec ‘ ohe iam ! ’  
 ad caelum manibus sublatis dixerit, urgue ;  
 crescentem tumidis infla sermonibus utrem.  
 cum te servitio longo curaque levarit,  
 et certum vigilans, ‘ Quartae sit partis Ulixes ’      100  
 ‘ audieris ’ heres : ‘ ergo nunc Dama sodalis  
 nusquam est ? unde mihi tam fortem tamque fidelem ? ’  
 sparge subinde et si paullum potes illacrimare ; est  
 gaudia prodentem voltum celare. sepulcrum  
 permissum arbitrio sine sordibus exstruc : funus  
 egregie factum laudet vicinia. si quis  
 forte coheredum senior male tussiet, huic tu  
 dic, ex parte tua seu fundi sive domus sit  
 emptor, gaudentem nummo te addicere. sed me  
 imperiosa trahit Proserpina : vive valeque.      110

VI. **H**OC erat in votis : modus agri non ita magnus,  
 hortus ubi et tecto vicinus iugis aquae fons  
 et paullum silvae super his foret. auctius atque  
 di melius fecere. bene est. nil amplius oro,  
 Maia nate, nisi ut propria haec mihi munera faxis.  
 si neque maiores feci ratione mala rem,  
 nec sum facturus vitio culpave minorem,  
 si veneror stultus nihil horum, ‘ o si angulus ille  
 proximus accedat, qui nunc denormat agellum !  
 o si urnam argenti fors quae mihi monstret, ut illi, 10  
 thesauro invento qui mercennarius agrum  
 illum ipsum mercatus aravit, dives amico  
 Hercule ! ’ si quod adest gratum iuvat, hac prece te oro,  
 pingue pecus domino facias et cetera practer  
 ingenium, utque soles custos mihi maximus adsis.

ergo ubi me in montes et in arcem ex urbe removi,  
 qui prius illustrem satiris nusaque pede tri?  
 nec mala me amictio perdit nec plumbus Auster  
 autumnusque gravis, Libitinae quaestus acerbae.  
 Matutine pater, seu Jane libentius audis,      20  
 unde homines operum primos vitaeque labores  
 institunt — sic dis placitum — tu carminis esto  
 principium. Romae sponorem me rapis: ‘cia,  
 ne prior ossuio qui quam respicit, urgue.’  
 sive Aquilo radit terras seu bruma nivalem  
 interiore diem gyro trahit, ire nece se est.  
 postmodo, quod mihi oportet, clare certumque locuto  
 luctanlam in turba et scienla iniuria tardis.  
 ‘quid vis, insane, et quas res agis?’ improbus urguit  
 iratis precibus: ‘tu pulsus omne quod obstat,      30  
 ad Maeccenatem memori si mente recurras.’  
 hoc iuvat et mellis est, non mentiar. at simul atras  
 ventum est Esequias, aliena negotia centum  
 per caput et circa saliunt latus. ‘ante secundam  
 Roscius oral at sibi adesses ad Puteal eras.  
 de re communi scribace magna atque nova te  
 orabant hodie meminisses, Quinte, reverti.  
 imprimat his, cura, Maeccenas signa tabellis.’  
 dixeris, experiar: ‘si vis, potes’ addit et instat.  
 septimus octavo propior iam fuderit annus      40  
 ex quo Maeccenas me coegerit habere suorum  
 in numero, dumtaxat ad hoc, quem tollere raeda  
 vellet iter faciens, et cui concredere nugas  
 hoc genus: ‘hora quota est? Thraex est Gallina Syro par?  
 matutina parum cautos iam frigora mordent;’  
 et quae rimosa bene deponuntur in aure.  
 per totum hoc tempus subiectior in diem et horam  
 invidiae noster. Iudos spectaverat una,  
 luserat in Campo: ‘Fortunae filius’ omnes.

frigidus a Rostris manat per compita rumor :        50  
 quicumque obvius est, me consultit : ‘o bone—nam te  
 scire, deos quoniam proprius contingis, oportet—  
 numquid de Dacis audisti?’ nil equidem. ‘ut tu  
 semper eris derisor!’ at omnes di exagitent me  
 si quicquam. ‘quid? militibus promissa Triquetra  
 praedia Caesar an est Itala tellure datus?’  
 iurantem me scire nihil mirantur ut unum  
 scilicet egregii mortalem altique silenti.  
 perditur haec inter misero lux, non sine votis :  
 o rus, quando ego te adspiciam? quandoque licebit    60  
 nunc veterum libris, nunc somno et inertibus horis  
 ducere sollicitae iucunda obllvia vitae?  
 o quando faba Pythagorae cognata simulque  
 uncta satis pingui ponentur holuscula lardo?  
 o noctes cenaeque deum! quibus ipse meique  
 ante Larem proprium vescor, vernasque procaces  
 pasco libatis dapibus, cum ut cuique libido est  
 siccata inaequalis calices conviva solutus  
 legibus insanis, seu quis capit acria fortis  
 pocula seu modicis uescit laetus. ergo        70  
 sermo oritur, non de villis domibusve alienis,  
 nec male necne Lepos saltet, sed quod magis ad nos  
 pertinet et nescire malum est agitamus, utrumne  
 divitiis homines an sint virtute beati,  
 quidve ad amicitias, usus rectumne, trahat nos,  
 et quae sit natura boni summumque quid eius.  
 Cervius haec inter vicinus garrit anilis  
 ex re fabellas. siquis nam laudat Arelli  
 sollicitas ignarus opes, sic incipit, ‘olim  
 rusticus urbanum niurem mus paupere fertur        80  
 accepisse cavo, veterem vetus hospes amicum,  
 asper et attentus quaesitis, ut tamen artum  
 solveret hospitiis animuum. quid multa? neque ille

se positi ciceris nec longae invidit avenae,  
 ari lum et ore serens acinum semesaque lardi  
 frusta dedit, cuius varius fastidia cena  
 vincere tangentis male singula dente superbo,  
 cum pater ipse domus p[ro]le[te]a porrectus in horna  
 e[st] et alior[um] libili m[od]i, dapis meliora relinquens.  
 tandem urb[em] nunc illi hunc "quid te iuvat" inquit, "anice,  
 praerupti r[um]or[um] patientem vivere dorso? 91  
 vis tu homine urbemque feri praeponere silvis?  
 carpe viam, mihi crede, come; terre tria quando  
 mortalis animas vivunt certita, neque illa est  
 aut magno aut parvo leti fuga: qui, bone, circa,  
 dum licet, in rebus iucundis vive beatus,  
 vive mem[ori] quam sis aevi brevis." haec ubi dicta  
 agrestem populare, domo levis exsilit: in ille  
 ambo prop[ri]o itum peragunt iter, urlis aventes  
 mania nocturni subrepere. iamque tenebat 100  
 nox medium caeli spatijs, cum ponit uterque  
 in locuplete domo vestigia, rubro ubi cocco  
 tineta super lectis canteret vestis eburnos,  
 multaque de magna superessent sercula cena,  
 quae procul exstructis inerant hesterna canistris.  
 ergo ubi purpura porrectum in veste locavit  
 agrestem, veluti succinctus cursitat hospes  
 continuatque dapes nec non verniliter ipsis  
 fungitur officiis, praclambens omne quod adserit.  
 ille cubans gaudet mutata sorte, bonisque 110  
 rebus agit laetum convivam, cum subito ingens  
 valvarum strepitus lectis excussit utrumque.  
 currere per totum pavili coelave, magisque  
 exanimis trepilare, simul domus alta Molossis  
 personuit canibus. tum rusticus "haud mihi vita  
 est opus hac" ait et "valeas: me silva cavusque  
 tutus ab insi hi tenet i solabitur ervo."

VII. ‘**I**AMDUDUM ausculo et cupiens tibi dicere  
servus

pauca reformido.’ Davusne? ‘ita, Davus, amicum  
mancipium domino et frugi quod sit satis, hoc est,  
ut vitale putas.’ age, libertate Decembri,  
quando ita maiores voluerunt, utere; narra.

‘pars hominum vitiis gaudet constanter et urguet  
propositum; pars multa natat, modo recta capessens,  
interdum pravis obnoxia. saepe notatus

cum tribus anellis, modo laeva Priscus inani,  
vixit inaequalis, clavum ut mutaret in horas,  
aedibus ex magnis subito se conderet unde  
mundior exiret vix libertinus honeste,

iam moechus Romae, iam mallet doctus Athenis  
vivere, Vertumnis, quotquot sunt, natus iniquis.  
scurra Volanerius, postquam illi iusta cheragra

contudit articulos, qui pro se tolleret atque  
mitteret in phimum talos, mercede diurna  
conductum pavit; quanto constantior isdem  
in vitiis, tanto levius miser ac prior ille  
qui iam contento, iam laxo fune laborat.’

non dices hodie quorsum haec tam putida tendant,  
furcifer? ‘ad te, inquam.’ quo pacto, pessime? ‘laudas  
fortunam et mores antiquae plebis; et idem,  
siquis ad illa deus subito te agat, usque recuses,  
aut quia non sentis quod clamas rectius esse,  
aut quia non firmus rectum defendis, et haeres  
nequicquam caeno cupiens evellere plantam.

Romae rus optas, absentem rusticus urbem  
tollis ad astra levis. si nusquam es forte vocatus  
ad cenam, laudas securum holus ac, velut usquam

10

20

30

vincus eas, ita te felicem dicis amasque  
 quod nusquam tibi sit potandum. iusserit ad se  
 Maecenas serum sub lumina prima venire  
 convivam : "nemon oleum fert ocius ? ecquis  
 audit ?" cum magno blateras clamore fugisque.  
 Mulvius et scurrae tibi non referenda precati  
 discedunt. "etenim fateor me" dixerit ille  
 "duci ventre levem ; nasum nidore supinor,  
 imbecillus, iners, siquid vis, adde, popino.  
 tu cum sis quod ego et fortassis nequior, ultro  
 insectere velut melior verbisque decoris  
 obvolvas vitium ?" quid, si me stultior ipso  
 quingentis empto drachmis deprendeleris ? aufer  
 me voltu terrere ; manum stomachumque teneto,  
 dum quae Crispini docuit me ianitor edo.  
 te coniunx aliena capit, meretricula Davum.  
 peccat uter nostrum cruce dignius ? acris ubi me  
 natura intendit, sub clara nuda lucerna  
 quaecumque exceptit turgentis verbera caudae,  
 clunibus aut agitavit equum lasciva supinum,  
 dimittit neque famosum neque sollicitum ne  
 ditior aut formae melioris meiat eodem.  
 tu cum projectis insignibus, anulo equestri  
 Romanoque habitu, prodis ex iudice Dama  
 turpis, odoratum caput obscurante lacerna,  
 non es quod simulas ? metuens induceris atque  
 altercante libi limibus tremis ossa pavore.  
 quid refert, uri virgis ferroque necari  
 auctoratus eas an turpi clausus in arca,  
 quo te demisit peccati conscientia erilis,  
 contractum genibus tangas caput ? estne marito  
 matronae peccantis in ambo iusta potestas ?  
 in corruptorem vel iustior. illa tamen se  
 non habitu mutatve loco peccative superne,

40

50

60

cum te formidet mulier neque credat amanti.  
ibis sub furcam prudens dominoque furenti  
committes rem onnem et vitam et cum corpore famam.  
evasti. credo, metues doctusque cavebis :  
quaeres quando iterum paveas iterumque perire  
possis, o totiens servus ! quae belua ruptis, 70  
cum semel effugit, reddit se prava catenis ?  
“non sum moechus” ais : neque ego hercule fur, ubi  
vasa  
praetereo sapiens argentea. tolle periculum :  
iam vaga prosiliet frenis natura remotis.  
tune mihi dominus, rerum imperiis hominumque  
tot tantisque minor, quem ter vindicta quaterque  
imposita haud umquam misera formidine privet ?  
adde super dictis quod non levius valeat : nam,  
sive vicarius est qui servo paret, uti mos  
vester ait, seu conservus, tibi quid sum ego ? nempe 80  
tu, mihi qui imperitas, aliis servis miser atque  
duceris ut nervis alienis mobile lignum.  
quisnam igitur liber ? sapiens, sibi qui imperiosus,  
quem neque pauperies neque mors neque vincula  
terrent,  
responsare cupidinibus, contemnere honores  
fortis, et in se ipso totus teres atque rotundus,  
externi nequid valeat per leve morari,  
in quem manca ruit semper Fortuna. potesne  
ex his ut proprium quid noscere ? quinque talenta  
poscit te mulier, vexat foribusque repulsum 90  
perfundit gelida, rursus vocat. eripe turpi .  
colla iugo, “liber, liber sum” dic age. non quis :  
urguet enim dominus mentem non lenis et acris  
subiectat lasso stimulos versatque negantem.  
vel cum Pausiaca torpes, insane, tabella,  
qui peccas minus atque ego, cum Fulvi Rutubaeque

aut Placi leiani contento poplite miror  
 proelia rubrica picta aut carbone, velut si  
 re vera pugnant, feriant vitentque moventes  
 arma viri? nequam et cessator Davus: at ipse      100  
 subtilis veterum iullex et callilus audis.  
 nil ego, si ducor libo fumante: tibi ingens  
 virtus atque animus cenis responsat opiniis?  
 ob equum ventris mihi perniciosus est cur?  
 tergo pector enim. qui tu impunitior illa  
 quae parvo sumi nequeunt obsonia captas?  
 nempe inamarescunt epulae sine fine petitae,  
 illusique potes vitiosum ferre recusant  
 corpus. an hic peccat, sub noctem qui puer uvam  
 furtiva mutat strigili? qui praedia vendit,      110  
 nil servile gulæ parens habet? adde quod idem  
 non horam tecum esse potes, non otia recte  
 ponere, teque ipsum vitas fugitivus et erro,  
 iam vino quaerens, iam somno fallere curam;  
 frustra: nam comes atra premit sequiturque fugacem.  
 unde mihi lapidem? 'quorsum est opus?' unde  
 sagittas?  
 'aut insanit homo aut versus facit.' ocios hinc te  
 ni rapis, accedes opera agro nona Sabino.

VIII. **U**T Nasidieni iuvit te cena beatí?  
 nam mihi convivam quaerenti dictus here  
 illic  
 de medio potare die. 'sic ut mihi numquam  
 in vita fuerit melius.' dic, si grave non est,  
 quae prima iratum ventrem placaverit esca.  
 'in primis Lucanus aper: leni fuit Austro  
 captus, ut aiebat cenae pater: acria circum

rapula, lactucae, radices, qualia lassum  
pervellunt stomachum, siser, allec, faecula Coa.  
his ubi sublatis puer alte cinctus acernam  
gausape purpureo mensam pertersit, et alter  
sublegit quodcumque iaceret inutile quodque  
posset cenantis offendere, ut Attica virgo  
cum sacris Cereris procedit fuscus Hydaspes  
Caecuba vina ferens, Alcon Chium maris expers.  
hic erus “Albanum, Maecenas, sive Falernum  
te magis appositis delectat, habemus utrumque.”  
divitias miseras ! sed quis cenantibus una,  
Fundani, pulchre fuerit tibi, nosse laboreo.

“summus ego, et prope me Viscus Thurinus, et infra, 20  
si memini, Varius, cum Servilio Balatrone  
Vibidius, quas Maecenas adduxerat umbras.  
Nomentanus erat super ipsum, Porcius infra,  
ridiculus totas simul absorbere placentas.  
Nomentanus ad hoc, qui, siquid forte lateret,  
indice monstraret digito : nam cetera turba,  
nos, inquam, cenamus avis, conchylia, piscis,  
longe dissimilem noto celantia sucum ;  
ut vel continuo patuit, cum passeris atque  
ingustata mihi porrexerat ilia rhombi.

post hoc me docuit melimela rubere minorem  
ad lunam delecta : quid hoc intersit ab ipso  
audieris melius. tum Vibidius Balatroni :  
“ nos nisi damnose bibimus, moriemur inulti,”  
et calices poscit maiores. vertere pallor  
tum parochi faciem, nil sic metuentis ut acris  
potores, vel quod maledicunt liberius, vel  
servida quod subtile exsurdant vina palatum.  
invertunt Allifanis vinaria tota  
Vibidius Balatroque, secutis omnibus ; imi  
convivae lecti nihil nocuere lagoenisi.

10

30

40

alſertur squillas inter murena natantis  
 in patina portata, ubi hoc eras "hacē grāvida" inquit  
 "capta eſt, dēterior pōt partum carnē futura.  
 Ius mixtū ius eſt: oleo quod p̄ima Venafri  
 p̄mitit ecclī, garo de sucis p̄scis Hiberi,  
 vino quinquenni, verū citra mare nato,  
 dum co-pautur coctū Chium sic convenit ut non  
 hoc magis ullum aliq̄l, — pipere albo, non sine aceto  
 quod Methymnacām vitio mutaverit uvam. 50  
 ericas viriles, inulas ego primus amaras  
 monstravi incognere; in luto Curtillus echinos,  
 ut melius muria quod testa marina remittat."  
 inter a suspensa gravis aulaea ruinas  
 in patinam fecere, trahentia pulveris atri  
 quantum non Aquilo Campanis excitat agris.  
 nos maius veriti, postquam nil ille es ē pericli  
 sensimus, erigimur: Rufus posito capite, ut si  
 filius immaturus obi-set, flere. quis es et  
 finis, ni sapiens sic Nomentanus amicum 60  
 tolleret: "heu, Fortuna, quis est crudelior in nos  
 te deus? ut semper gaules illudcre rebus  
 humanis!" Varius magpa compescere risum  
 vix poterat. Ille atro, suspendens omnia naso,  
 "haec est condicio vivendi" aiebat, "eoque  
 responsura tuo numquam est par fama labori.  
 tene, ut ego accipiar laute, torquerier omni  
 sollicitudine districtum, ne panis adustus,  
 ne male conditum ius apponatur, ut omnes  
 praecincti recte pueri comptique ministrent? 70  
 adde hos praeterea casus, aulaea ruant si,  
 ut modo; si patinam pede lapsus frangat agaso.  
 sed convivatoris, uti ducis, ingenium res  
 adversae nudare solent, celare secundae."  
 Nasilienus ad haec "tibi di quaecumque preceris

commoda dent ; ita vir bonus es convivaque comis :" et soleas poscit. tum in lecto quoque videres stridere secreta divisos aure susurros.' nullos his mallem ludos spectasse : sed illa redde age quae deinceps risisti. ' Vibidius dum 80 quaerit de pueris num sit quoque fracta lagoena, quod sibi poscenti non dantur pocula, dumque rideatur fictis rerum, Balatrone secundo, Nasidiene, redis mutatae frontis, ut arte emendaturus fortunam. deinde secuti mazonomo pueri magno discepta ferentes membra gruis sparsi sale multo non sine farre, pinguibus et ficiis pastum iecur anseris albae, et leporum avolsos, ut multo suavius, armos, quam si cum lumbis quis edit. tum pectore adusto 90 vidimus et merulas poni et sine clune palumbis ; suavis res, si non causas narraret earum et naturas dominus : quem nos sic fugimus ulti ut nihil omnino gustaremus, velut illis Canidia adflasset peior serpentibus Afris.



EPISTULAE.



## EPISTULARUM.

### LIBER PRIMUS

I. PRIMA dicte mihi, summa dicende camena,  
spectatum satis et donatum iam rude quaeris,  
Maecenas, iterum antiquo me includere ludo.  
non eadem est aetas, non mens. Veianius, armis  
Herculis ad postem fixis, latet abditus agro,  
ne populum extrema totiens exoret harena.  
est mihi purgatam crebro qui personet aurem,  
'solve senescentem mature sanus equum, ne  
peccet ad extremum ridendus et ilia ducat.'  
nunc itaque et versus et cetera ludicra pono :              10  
quid verum atque decens curo et rogo et omnis in hoc  
sum :  
condo et compono quae mox depromere possim.  
ac ne forte roges quo me duce, quo lare tuter ;  
nullius addictus iurare in verba magistri,  
quo me cumque rapit tempestas, deforor hospes.  
nunc agilis fio et mersor civilibus undis,  
virtutis verae custos rigidusque satelles ;  
nunc in Aristippi furtim pracepta relabor,

et mihi res, non me rebus subiungere conor.  
 ut nox longa quibus mentitur amica, diesque  
 longa videtur opus debentibus, ut piger annus  
 pupillis quos dura premit custodia matrum,  
 sic mihi tarda fluunt ingrataque tempora, quae spem  
 consiliumque morantur agendi naviter id quod  
 aequa pauperibus prodest, locupletibus aequa,  
 aequa neglectum pueris senibusque nocebit.  
 restat ut his ego me ipse regam solerque elementis.  
 non possis oculo quantum contendere Lynceus,  
 non tamen idecirco contemnas lippus inungui ;  
 nec, quia desperes invicti membra Glyconis,  
 nodosa corpus nolis prohibere cheragra.  
 est quadam prodire tenus, si non datur ultra.  
 fervet avaritia miseroque cupidine pectus :  
 sunt verba et voces quibus hunc lenire dolorem  
 possis et magnam morbi deponere partem.  
 laudis amore tumes : sunt certa piacula quae te  
 ter pure lecto poterunt recreare libello.  
 invidus, iracundus, iners, vinosus, amator,  
 nemo adeo ferus est ut non mitescere possit,  
 si modo culturae patientem commonet aurem.  
 virtus est vitium fugere, et sapientia prima  
 stultitia caruisse. vides, quae maxima credis  
 esse mala, exiguum censum turpemque repulsam,  
 quanto devites animi capitisque labore ;  
 impiger extremos curris mercator ad Indos,  
 per mare pauperiem fugiens, per saxa, per ignis :  
 ne cures ea, quae stulte miraris et optas,  
 discere et audire et meliori credere non vis ?  
 quis circum pagos et circum compita pugnax  
 magna coronari contemnat Olympia, cui spes,  
 cui sit condicio dulcis sine pulvere palmae ?  
 vilius argentum est auro, virtutibus aurum.

20

30

40

50

‘o cives, cives, quaerenda pecunia primum est ;  
virtus post nummos :’ haec Ianus summus ab imo  
prodocet, haec recinunt iuvenes dictata senesque  
laevo suspensi loculos tabulamque lacerto.

est animus tibi, sunt mores, est lingua fidesque ;  
sed quadringtonitis sex septem milia desunt :  
plebs eris. at pueri ludentes ‘rex eris’ aiunt,  
‘si recte facies.’ hic murus aeneus esto,  
nil conscire sibi, nulla pallescere culpa.

Roscia, dic sodes, melior lex an puerorum est  
nenia, quae regnum recte facientibus offert,  
et maribus Curiis et decantata Camillis ?

isne tibi melius suadet qui, rem facias, rem,  
si possis, recte, si non, quocumque modo rem,  
ut proprius spectes lacrimosa poemata Pupi ;

an qui Fortunae te responsare superbae  
liberum et erectum praesens hortatur et aptat ?  
quodsi me populus Romanus forte roget, cur

70

non ut portieibus sic iudiciis fruar isdem,  
nec sequar aut fugiam quae diligit ipse vel odit,  
olim quod volpes aegroto cauta leoni

respondit reseram : ‘quia me vestigia terrent,  
omnia te adversum spectantia, nulla retrorsum.’  
belua multorum es capitum. nam quid sequar aut

quem ?

pars hominum gestit conducere publica ; sunt qui  
crustis et pomis viduas venentur avaras,  
excipientque senes quos in vivaria mittant ;

multis occulto crescit res senore. verum

80

esto aliis alias rebus studii que teneri :

idem eadem possunt horam durare probantes ?

‘nullus in orbe sinus Bais praelucet amoenis’

si dixit dives, lacus et mare sentit amorem

festinantis eri : cui si vitiosa libido

fecerit auspicium : 'eras ferramenta Teanum  
tolletis, fabri.' lectus genialis in aula est :  
nil ait esse prius, melius nil caelibe vita :  
si non est, iurat bene solis esse maritis.  
quo teneam voltus mutantem Protea nodo? 50  
quid pauper? ride : mutat cenacula, lectos,  
balnea, tonsores, conducto navigio aequae  
nauseat ac locuples, quem ducit priva triremis.  
si curatus inaequali tonsore capillos  
occurri, rides ; si forte subucula pexae  
trita subest tunicae vel si toga dissidet impar,  
rides: quid, mea cum pugnat sententia secum,  
quod petuit spernit, repetit quod nuper omisit,  
aestuat et vitae disconvenit ordine toto,  
diruit, aedificat, mutat quadrata rotundis ? 100  
insanire putas sollemnia me neque rides,  
nec medici credis nec curatoris egere  
a praetore dati, rerum tutela mearum  
cum sis et prave sectum stomacheris ob unguem  
de te pendentis, te respicientis amici.  
ad summam, sapiens uno minor est Iove, dives,  
liber, honoratus, pulcher, rex denique regum,  
praecipue sanus, nisi cum pituita molesta est.

II. TROIANI belli scriptorem, Maxime Lolli,  
dum tu declamas Romae, Praeneste relegi :  
qui quid sit pulchrum, quid turpe, quid utile, quid non,  
planius ac melius Chrysippo et Crantore dicit.  
cur ita crediderim, nisi quid te detinet, audi.  
fabula, qua Paridis propter narratur amorem  
Graecia barbariae lento collisa duello,  
stultorum regum et populorum continet aestus.

Antenor censem bellum praecidere causam.  
 quid Paris? ut salvus regnet vivatque beatus      10  
 cogi posse negat. Nestor componere lites  
 inter Peliden festinat et inter Atriden :  
 hunc amor, ira quidem communiter urit utrumque.  
 quicquid delirant reges, plectuntur Achivi.  
 seditione, dolis, scelere atque libidine et ira  
 Iliacos intra muros peccatur et extra.  
 rursus quid virtus et quid sapientia possit,  
 utile proposuit nobis exemplar Ulixen,  
 qui domitor Troiae multorum providus urbes  
 et mores hominum inspexit, latumque per aequor,      20  
 dum sibi, dum sociis redditum parat, aspera multa  
 pertulit, adversis rerum immersabilis undis.  
 Sirenum voces et Circae pocula nosti :  
 - quae si cum sociis stultus cupidusque bibisset,  
 sub domina mcretrice fuisse turpis et excors,  
 vixisset canis immundus vel amica luto sus.  
 nos numerus sumus et fruges consumere nati,  
 sponsi Penelopae nebulones, Alcinoique  
 in cute curanda plus aequo operata iuventus,  
 cui pulcrum fuit in medios dormire dies et      30  
 ad strepitum citharae cessatum ducere curam,  
 ut iugulent hominem surgunt de nocte latrones :  
 ut te ipsum serves non expurgisceris? atqui  
 si noles sanus, curres hydropicus; et ni  
 posces ante diem librum cum lumine, si non  
 intendes animum studiis et rebus honestis,  
 invidia vel amore vigil torquebere. nam cur  
 quae laedunt oculum festinas demere; siquid  
 est animum, differs curandi tempus in annum?  
 dimidium facti qui coepit habet; sapere aude:      40  
 incipe. qui recte vivendi prorogat horam,  
 rusticus exspectat dum defluat amnis: at ille

labitur et labetur in omne volubilis aevum.  
 quae curit argentum puerisque beata creandis  
 uxor, et incultae pacantur vomere silvae.  
 quod satis est cui contingit, nihil amplius optet.  
 non domus et fundus, non aeris acervus et auri  
 aegroto domini deduxit corpore febris,  
 non animo curas : valeat possessor oportet,  
 si comportatis rebus bene cogitat uti.       50  
 qui cupid aut metuit, iuvat illum sic domus et res  
 ut lippum pictae tabulae, fomenta podagrum,  
 auriculas citharae collecta sorde dolentis.  
 sincerum est nisi vas, quodcumque infundis acescit.  
 sperne voluptates : nocet empta dolore voluptas.  
 semper avarus eget : certum voto pete finem.  
 invidus alterius macrescit rebus opimis :  
 invidia Siculi non invenere tyranni  
 maius tormentum. qui non moderabitur irae,  
 infectum volet esse dolor quod suaserit et mens,       60  
 dum poenas odio per vim festinat inulto.  
 ira furor brevis est : animum rege ; qui nisi paret,  
 imperat ; hunc frenis, hunc tu compesce catena.  
 fingit equum tenera docilem cervice magister  
 ire viam qua monstret eques : venaticus, ex quo  
 tempore cervinam pellem latravit in aula,  
 militat in silvis catulus. nunc adbibe puro  
 pectore verba puer, nunc te melioribus offer.  
 quo semel est imbuta recens, servabit odorem  
 testa diu. quodsi cessas aut strenuus anteis,       70  
 nec tardem opperior nec praecedentibus insto.

III. **I**ULI Flore, quibus terrarum militet oris  
Claudius Augusti privignus, scire labore.  
Thracane vos Hebrusque nivali compede vinctus,  
an freta vicinas inter currentia turris,  
an pingues Asiae campi collesque morantur ?  
quid studiosa cohors operum struit ? hoc quoque curo.  
quis sibi res gestas Augusti scribere sumit ?  
bella quis et paces longum diffundit in aevum ?  
quid Titius, Romana brevi venturus in ora ?  
Pindarici fontis qui non expalluit haustus, 10  
fastidire lacus et rivos ausus aperitos.  
ut valet ? ut meminit nostri ? fidibusne Latinis  
Thebanos aptare modos studet auspice Musa,  
an tragica desaevit et ampullatur in arte ?  
quid mihi Celsus agit ? monitus multumque monendus,  
privatas ut quaerat opes et tangere vitet  
scripta Palatinus quaecumque recepit Apollo ;  
ne, si forte suas repetitum venerit olim  
grex avium plumas, moveat cornicula risum  
furtivis nudata coloribus. ipse quid audes ? 20  
quae circumvolitas agilis thyma ? non tibi parvum  
ingenium, non incultum est et turpiter hirtum :  
seu linguam causis acuis, seu civica iura  
respondere paras ; seu condis amabile carmen,  
prima feres hederae victricis praemia. quodsi  
frigida curarum fomenta relinquere posses,  
quo te caelestis sapientia duceret, ires.  
hoc opus, hoc studium parvi properemus et ampli,  
si patriae volumus, si nobis vivere cari.  
debes hoc etiam rescribere, sit tibi curae 30  
quantae conveniat Munatius. an male sarta

gratia nequiquam coit et rescinditur, ac vos  
seu calidus sanguis seu rerum inscitia vexat  
indomita cervice feros? ubicumque locorum  
vivitis, indigni fraternum rumpere foedus,  
pascitur in vestrum redditum votiva iuvanca.

IV. **A**LBI, nostrorum sermonum candide iudex,  
quid nunc te dicam facere in regione Pedana?  
scribere quod Cassi Parmensis opuscula vincat,  
an tacitum silvas inter reptare salubris,  
curantem quidquid dignum sapiente bonoque est?  
non tu corpus eras sine pectore: di tibi formam,  
di tibi divitias dederunt artemque fruendi.  
quid voveat dulci nutricula maius alumno,  
qui sapere et fari possit quae sentiat, et cui  
gratia, fama, valetudo contingat abunde,  
et mundus victus, non deficiente crumena?  
inter spem curamque, timores inter et iras  
omnem crede diem tibi diluxisse supremum:  
grata superveniet quae non sperabitur hora.  
me pinguem et nitidum bene curata cute vises,  
cum ridere voles, Epicuri de grege porcum.

10

V. **S**I potes Archiacis conviva recumbere lectis  
nec modica cenare times holus omne patella,  
supremo te sole domi, Torquate, manebo.  
vina bibes iterum Tauro diffusa palustris  
inter Minturnas Sinuissanumque Petrinum.  
si melius quid habes arcesse, vel imperium fer.

iamdudum splendet focus et tibi munda supellex.  
mitte levis spes et certamina divitiarum  
et Moschi causam : cras nato Caesare festus  
dat veniam somnumque dies ; impune licebit      10  
festivam sermone benigno tendere noctem.  
quo mihi fortuna, si non conceditur uti ?  
parcus ob heredis curam nimiumque severus  
adsidet insano. potare et spargere flores  
incipiam patiarque vel inconsultus haberi.  
quid non ebrietas dissignat ? opera recludit,  
spes iubet esse ratas, ad proelia trudit inertem,  
sollicitis animis onus exiuit, addocet artes.  
secundi calices quem non fecere disertum ?  
contracta quem non in paupertate solutum ?      20  
haec ego procurare et idoneus imperor et non  
invitus, ne turpe toral, ne sordida mappa  
corruget naris, ne non et cantharus et laux  
ostendat tibi te, ne fidos inter amicos  
sit qui dicta foras eliminet, ut coeat par  
iungaturque pari. Butram tibi Septicumque  
et nisi cena prior potiorque puella Sabinum  
detinet adsumain. locus est et pluribus umbris :  
sed nimis arta premunt olidae convivia caprae.  
tu quotus esse velis rescribe, et rebus omissis      30  
atria servantem postico falle clientem.

VI. **N**IL admirari prope res est una, Numici,  
solaque quae possit facere et servare beatum.  
hunc solem et stellas et decadentia certis  
tempora momentis sunt qui fornidine nulla  
imbuti spectent. quid censes munera terrae ?  
quid maris extremos Arabas ditantis et Indo ?

ludicra quid, plausus et amici dona Quiritis?  
 quo spectanda modo, quo sensu credis et ore?  
 qui timet his adversa, fere miratur eodem  
 quo cupiens pacto : pavor est utrobique molestus,    10  
 improvisa simul species exterret utruinque.  
 gaudeat an doleat, cupiat metuatne, quid ad rem,  
 si quicquid videt melius peiusve sua spe,  
 defixis oculis animoque et corpore torpet?  
 insanus sapiens nomen ferat, aequus iniqui,  
 ultra quam satis est virtutem si petat ipsam.  
 i nunc, argentum et marmor vetus aeraque et artes  
 suspice, cum gemmis Tyrios mirare colores ;  
 gaudet quod spectant oculi te mille loquentem ;  
 navus mane Forum et vespertinus pete tectum,    20  
 ne plus frumenti dotalibus emetat agris  
 Mutus et—indignum, quod sit peioribus ortus—  
 hic tibi sit potius quam tu mirabilis illi.  
 quicquid sub terra est, in apricum proferet aetas,  
 defodiet condetque nitentia. cum bene notum  
 porticus Agrippae et via te conspexerit Appi,  
 ire tamen restat Numa quo devenit et Ancus.  
 si latus aut renes morbo temptantur acuto,  
 quaere fugam morbi. vis recte vivere: quis non ?    30  
 si virtus hoc una potest dare, fortis omissis  
 hoc age deliciis. virtutem verba putas et  
 lucum ligna : cave ne portus occupet alter,  
 ne Cibyratica, ne Bithyna negotia perdas ;  
 mille talenta rotundentur, totidem altera, porro et  
 tertia succedant, et quae pars quadret acervum.  
 scilicet uxorem cum dote fidemque et amicos  
 et genus et formam regina Pecunia donat,  
 ac bene nummatum decorat Suadela Venusque.  
 mancipiis locuples eget aeris Cappadocum rex :  
 ne fueris hic tu. chlamydes Lucullus. ut aiunt,    40

si posset centum scaenae praebere rogatus,  
‘qui possum tot?’ ait : ‘tamen et quaeram et quot  
habebo

mittam.’ post paullo scribit sibi milia quinque  
esse domi chlamydum ; partem vel tolleret oannis.  
exilis domus est, ubi non et multa supersunt  
et dominum fallunt et prosunt furibus. ergo  
si res sola potest facere et servare beatum,  
hoc primus repetas opus, hoc postremus omittas.  
si fortunatum species et gratia praestat,  
mercemur servum qui dictet nomina, laevum 50  
qui fodicet latus et cogat trans pondera dextram  
porrigere : ‘hic multum in Fabia valet, ille Velina ;  
cui libet hic fascis dabit eripietque curule  
cui volet importunus ebur.’ frater, pater adde ;  
ut cuique est aetas, ita quemque facetus adopta.  
si bene quenat bene vivit, lucet, eamus  
quo dicit gula ; piscemur, venemur, ut olim  
Gargilius, qui mane plagas, venabula, servos,  
differtum transire Forum populumque iubebat,  
unus ut e multis populo spectante referret 60  
emptum mulus aprum. crudi tumidique lavemur,  
quid deceat quid non oblixi, Caerite cera  
digni, remigium vitiosum Ithacensis Ulixii,  
cui potior patria fuit interdicta voluptas.  
si, Mimnermus uti censem, sine amore iocisque  
nil est iucundum, vivas in amore iocisque.  
vive, vale. siquid novisti rectius istis,  
candidus imperti ; si non, his utere mecum.

VII. **Q**UINQUE dies tibi pollicitus me rure  
futurum,  
Sextilem totum mendax desideror. atqui,  
si me vivere vis sanum recteque valentem,  
quam mihi das aegro, dabis aegrotare timenti,  
Maecenas, veniam, dum ficus prima calorque  
dissignatorem decorat lictoribus atris,  
dum pueris omnis pater et maternula pallet,  
officiosaque sedulitas et opella forensis  
adducit febris et testamenta resignat.  
quod si bruma nives Albanis illinet agris, 10  
ad mare descendet vates tuus, et sibi parcer  
contractusque leget ; te, dulcis amice, reviset  
cum Zephyris, si concedes, et hirundine prima.  
non quo more piris vesci Calaber iubet hospes  
tu me fecisti locupletem. ‘vescere sodes.’  
‘iam satis est.’ ‘at tu quantum vis tolle.’ ‘benigne.’  
‘non invisa feres pueris munuscula parvis.’  
‘tam teneor dono quam si dimittar onustus.’  
‘ut libet : haec porcis hodie comedenda relinques.  
prodigus et stultus donat quae spernit et odit : 20  
haec seges ingratos tulit et feret omnibus annis.  
vir bonus et sapiens dignis ait esse paratus :  
nec tamen ignorat quid distent aera lupinis.  
dignum praestabo me etiam pro laude merentis.  
quodsi me noles usquam discedere, reddes  
forte latus, nigros angusta fronte capillos,  
reddes dulce loqui, reddes ridere decorum et  
inter vina fugam Cinarae maerere protervae.  
forte per angustam tenuis volpecula rimam  
repserat in cumeram frumenti, pastaque rursus 30

ire foras pleno tendebat corpore frustra.  
cui mustela procul ‘si vis’ ait ‘effugere istinc,  
macra cavum repetes artum, quem macra subisti.’  
hac ego si compellor imagine, cuncta resigno ;  
nec somnum plebis laudo satur altillum, nec  
otia divitiis Arabum liberrima muto.  
saepe verecundum laudasti, rexque paterque  
audisti coram, nec verbo parcus absens :  
inspice si possum donata reponere laetus.  
haud male Telemachus, proles patientis Ulixi :      40  
‘non est aptus equis Ithace locus, ut neque planis  
porrectus spatiis nec multae prodigus herbae :  
Atride, magis apta tibi tua dona relinquam.’  
parvum parva decent : mihi iam non regia Roma,  
sed vacuum Tibur placet aut imbelli Tarentum.  
strenuus et fortis causisque Philippus agendis  
clarus, ab officiis octavam circiter horam  
dum redit atque Foro nimium distare Carinas  
iam grandis natu queritur, conspexit, ut aiunt,  
. adrasum quendam vacua tonsoris in umbra      50  
cultello proprios purgantem leniter unguis.  
‘Demetri’—puer hic non laeve iussa Philippi  
accipiebat—‘abi, quaere et refer, unde domo, quis,  
cuius fortunae, quo sit patre quove patrono.’  
it, redit et narrat, Volteium nomine Menam,  
praeconem, tenui censu, sine crimine, notum  
et properare loco et cessare et quaerere et uti,  
gaudentem parvisque sodalibus et lare certo  
et ludis et post decisa negotia Campo.  
‘scitari libet ex ipso quodcumque refers : dic      60  
ad cenam veniat.’ non sane credere Mena,  
mirari secum tacitus. quid multa? ‘benigne’  
respondet. ‘neget ille mihi?’ ‘negat improbus et te  
neglegit aut horret.’ Volteium mane Philippus

vilia vendentem tunicato scruta popello  
occupat et salvere iubet prior. ille Philippo  
excusare laborem et mercennaria vincla,  
quod non mane domum venisset, denique quod non  
providisset eum. ‘sic ignovisse putato  
me tibi, si cenas hodie mecum.’ ‘ut libet.’ ‘ergo 70  
post nonam venies: nunc i, rem strenuus ange.’  
ut ventum ad cenam est, dicenda tacenda locutus  
tandem dormitum dimittitur. hic ubi saepe  
occultum visus decurrere piscis ad hamum,  
mane cliens et iam certus conviva, iubetur  
rura suburbana indictis comes ire Latinis.  
inpositusmannis arvum caelumque Sabinum  
non cessat laudare. videt ridetque Philippus,  
et sibi dum requiem, dum risus undique quaerit,  
dum septem donat sestertia, mutua septem 80  
promittit, persuadet uti mercetur agellum.  
mercatur. ne te longis ambagibus ultra  
quam satis est morer, ex nitido fit rusticus atque  
sulcos et vineta crepat mera, praeparat ulmos,  
immoritur studiis et amore senescit habendi.  
verum ubi oves furto, moi bo periere capellae,  
spem mentita seges, bos est enectus arando,  
offensus damnis media de nocte caballum  
arripit iratusque Philippi tendit ad aedis.  
quem simul adspexit scabrum intonsumque Philippus,  
‘durus’ ait, ‘Voltei, nimis attentusque videris 91  
esse mihi.’ ‘pol me miserum, patrone, vocares,  
si velles’ inquit ‘verum mihi ponere nomen.  
quod te per Genium dextramque deosque Penatis  
obsecro et obtestor, vitae me redde priori.’  
qui semel adspexit quantum dimissa petitis  
praestent, mature redeat repetatque relicta.  
metiri se quemque suo modulo ac pede verum est.

VIII. CELSO gaudere et bene rem gerere Albino-  
vano

Musa rogata refer, comiti scribaeque Neronis.  
si quaeret quid agam, dic multa et pulcra minantem  
vivere nec recte nec suaviter : haud quia grando  
contuderit vitis oleamve momorderit aestus,  
nec quia longinquis armentum aegrotet in agris ;  
sed quia mente minus validus quam corpore toto  
nil audire velim, nil discere, quod levet aegrum ;  
fidis offendar medicis, irascar amicis,  
cur me funesto properent arcere veterno ; 10  
quae nocuere sequar, fugiam quae profore credam ;  
Romae Tibur amem ventosus, Tibure Romam.  
post haec, ut valeat, quo pacto rem gerat et se,  
ut placeat iuveni percontare utque cohorti.  
si dicet 'recte,' primum gaudere, subinde  
praeceptum auriculis hoc instillare memento :  
'ut tu fortunam, sic nos te, Celse, feremus.'

IX. SEPTIMIUS, Claudi, nimirum intellegit unus,  
quanti me facias ; nam cum rogat et prece  
cogit

scilicet ut tibi se laudare et tradere coner  
dignum mente domoque legentis honesta Neronis,  
munere cum fungi propioris censet amici,  
quid possim videt ac novit me valdius ipso.  
multa quidem dixi cur excusatus abirem ;  
sed timui mea ne finxisse minora putarer,  
dissimulator opis propriae, mihi commodus uni.

sic ego, maioris fugiens opprobria culpae,  
frontis ad urbanae descendit praemia. quodsi  
depositum laudas ob amici iussa pudorem,  
scribe tui gregis hunc et fortet crede bonumque.

10

X. **U**RBIS amatorem Fuscum salverc iubemus  
ruris amatores ; hac in re scilicet una  
multum dissimiles, at cetera pene gemelli  
fraternis animis, quidquid negat alter, et alter,  
annuius pariter : vetuli notique columbi,  
tu nidum servas, ego laudo ruris amoeni  
rivos et musco circumlita saxa nemusque.  
quid quaeris ? vivo et regno, simul ista reliqui  
quae vos ad caelum effertis rumore secundo,  
utque sacerdotis fugitivus lila recuso ;  
pane egeo iam mellitis potiore placentis.  
vivere naturae si convenienter oportet  
ponendaeque domo quaerenda est area primum,  
novistine locum potiore in rure beato ?  
est ubi plus tepeant hiemes, ubi gratar aura  
leniat et rabiem Canis et momenta Leonis,  
cum semel accepit solem furibundus acutum ?  
est ubi divellat somnos minus invida cura ?  
deterius Libycis olet aut nitet herba lapillis ?  
purior in vicis aqua tendit rumpere plumbum,  
quam quae per pronum trepidat cum murmure rivum ?  
nempe inter varias nutritur silva columnas,  
laudaturque domus longos quae prospicit agros.  
naturam expelles furca, tamen usque recurret  
et mala perrumpet furtim fastidia victrix.  
non qui Sidonio contendere callidus ostro  
nescit Aquinatem potentia vellera fucum,

10

20

certius accipiet damnum propiusve medullis  
quam qui non poterit vero distinguere falsum.  
quem res plus nimio delectavere secundae,  
mutatae quatent. siquid mirabere, pones  
invitus. fuge magna : licet sub paupere tecto  
reges et regum vita praecurrere amicos.

cervus equum pugna melior communibus herbis  
pellebat, donec minor in certamine longo  
imploravit opes hominis frenumque recepit.  
sed postquam victo ridens discessit ab hoste,  
non equitem dorso, non frenum depulit ore.  
sic qui pauperiem veritus potiore metallis

libertate caret, dominus vehet improbus atque  
serviet aeternum, quia parvo nesciet uti.

cui non conveniet sua res, ut calceus olim,  
si pede maior erit, subvertet, si minor, uret.

laetus sorte tua vives sapienter, Aristi,  
nec me dimittes incastigatum, ubi plura  
cogere quam satis est ac non cessare videbor.  
imperat aut servit collecta pecunia cuique,  
tortum digna sequi potius quam ducere funem.  
haec tibi dictabam post sanum putre Vacunae,  
excepto quod non simul esses, cetra lactus.

30

40

50

XI. **Q**UID tibi visa Chios, Bullati, notaque Lesbos,  
quid concinna Samos, quid Croesi regia  
Sardis,

Smyrna quid et Colophon? maiora minorane fama?  
cunctane prae Campo et Tiberino flumine sordent,  
an venit in votum Attalicis ex urbibus una,  
an Lebedum laudas odio maris atque viarum?  
scis Lebedus quid sit. Gabiis desertior atque

Fidenis vicus : tamen illic vivere vellem,  
 oblitusque meorum, obliviscendus et illis,  
 Neptunum procul e terra spectare furentem.      10  
 sed neque qui Capua Romam petit, imbre lutoque  
 adspersus, volet in caupona vivere ; nec qui  
 frigus collegt, furnos et balnea laudat  
 ut fortunatam plene praestantia vitam ;  
 nec si te validus iactaverit Auster in alto,  
 idcirco navem trans Aegaeum mare vendas.  
 incolumi Rhodos et Mytilene pulera facit quod  
 paenula solstitio, campestre nivalibus auris,  
 per brumam Tiberis, Sextili mense caminus.  
 dum licet ac voltum servat Fortuna benignum      20  
 Romae laudetur Samos et Chios et Rhodos absens.  
 tu quamcumque deus tibi fortunaverit horam  
 grata sume manu, neu dulcia differ in annum ;  
 ut, quocumque loco fueris, vixisse libenter  
 te dicas. nam si ratio et prudentia curas,  
 non locus effusi late maris arbiter ausert,  
 caelum, non animum, mutant qui trans mare currunt.  
 strenua nos exercet inertia ; navibus atque  
 quadrigis petimus bene vivere. quod petis hic est,  
 est Ulubris, animus si te non deficit aequus.      30

XII. **F**RUCTIBUS Agrippae Siculis quos colligis,  
 Icci,  
 si recte frueris, non est ut copia maior  
 ab Iove donari possit tibi. tolle querelas :  
 pauper enim non est, cui rerum suppetit usus.  
 si ventri bene, si lateri est pedibusque tuis, nil  
 divitiae poterunt regales addere maius.  
 si forte in medio positorum abstemius herbis

vivis et urtica, sic vives protinus, ut te  
confestim liquidus fortunae rivos inauret ;  
vel quia naturam mutare pecunia nescit,  
vel quia cuncta putas una virtute minora.  
miramur si Democriti pecus edit agellos  
cultaque, dum peregre est animus sine corpore velox ;  
cum tu inter scabiem tantam et contagia lucri  
nil parvum sapias et adhuc sublimia cures ;  
quae mare compescant causae, quid temperet annum,  
stellae sponte sua iussaene vagentur et errant,  
quid premat obscurum lunae, quid proferat orbem,  
quid velit et possit rerum concordia discors,  
Empedocles an Stertinium deliret acumen.  
verum seu piscis seu porrum et caepe trucidata,  
utere Pompeio Gropho, et, si quid petet, ultro  
deser : nil Grophus nisi verum orabit et aequum.  
villis amicorum est annona, bonis ubi quid deest.  
ne tamen ignores quo sit Romana loco res,  
Cantaber Agrippae, Claudi virtute Neronis  
Armenius cecidit ; ius imperiumque Phrahates  
Caesaris accepit genibus minor ; aurea fruges  
Italiae pleno defundit Copia cornu.

XIII. **U**T proficiscentem docui te saepe diuque,  
Augusto reddes signata volumina, Vini,  
si validus, si laetus erit, si denique poscet ;  
ne studio nostri preees odiumque libellis  
sedulus importes opera vehementer minister.  
si te forte meae gravis uret sarcina chartae,  
abicio potius quam quo perserre iuberis  
clitellas ferns impingas Asinæque paternum  
cognomen vertas in risum et fabula fias.

viribus uteris per clivos, flumina, lamas.  
 victor propositi simul ac perveneris illuc,  
 sic positum servabis onus, ne forte sub ala  
 fasciculum portes librorum ut rusticus agnum,  
 ut vinosa glomus furtivae Pyrrhia lanae,  
 ut cum pilleolo soleas conviva tribulis.  
 ne volgo narres te sudavisse ferendo  
 carmina quac possint oculos aurisque morari  
 Caesaris : oratus multa prece, nitere porro.  
 vade, vale : cave ne titubes mandataque frangas.

10

XIV. **V**ILICE silvarum et mihi me redditis  
 agelli,  
 quem tu fastidis habitatum quinque foci et  
 quinque bonos solitum Variam dimittere patres,  
 certemus, spinas animone ego fortius an tu  
 evellas agro, et melior sit Horatius an res.  
 me quamvis Lamiae pietas et cura moratur,  
 fratrem maerentis, rapto de fratre dolentis  
 insolabiliter, tamen istuc mens animusque  
 fert et amat spatiis obstantia rumpere claustra.  
 rure ego viventem, tu dicis in urbe beatum.  
 cui placet alterius, sua nimirum est odio sors.  
 stultus uterque locum immeritum causatur inique :  
 in culpa est animus, qui se non effugit umquam.  
 tu mediastinus tacita prece rura petebas,  
 nunc urbem et ludos et balnea vilicus optas :  
 me constare mihi scis et discedere tristem  
 quandocumque trahunt invisa negotia Romam.  
 non eadem miramur : eo disconvenit inter  
 meque et te. nam quae deserta et inhospita tesqua

10

credis, amoena vocat mecum qui sentit, et odit      20  
 quae tu pulcra putas. fornix tibi et uncta popina  
 incutient urbis desiderium, video, et quod  
 angulus iste feret piper et tus ocius uva,  
 nec vicina subest vinum praebere taberna  
 quae possit tibi, nec meretrice tibicina, cuius  
 ad strepitum salias terrae gravis : et tamen urgues  
 iam pridem non tacta ligonibus arva, bovemque  
 disiunctum curas et strictis frondibus exples :  
 addit opus pigro rivus, si decidit imber,  
 multa mole docendus aprico parcere prato.      30  
 nunc age, quid nostrum concentum dividat audi.  
 quem tenues decuere togae nitidique capilli,  
 quem scis immunem Cinarae placuisse rapaci,  
 quem bibulum liquidi media de luce Falerni,  
 cena brevis iuvat et prope rivum somnus in herba.  
 nec lusisse pudet, sed non incidere ludum.  
 non istic obliquo oculo mea commoda quisquam  
 limat, non odio obscuro morsuque vencnat :  
 rident vicini glaebas et saxa moventem.  
 cum servis urbana diaria rodere mavis ;      40  
 horum tu in numerum voto ruis : invidet usum  
 lignorum et pecoris tibi calo argutus et horti.  
 optat ephippia bos piger, optat arare caballus.  
 quam scit uterque, libens, censebo, exerceat artem.

XV. **Q** UAE sit hiems Veliae, quod caelum, Vala,  
       Salerni,  
 quorum hominum regio et qualis via—nam mihi Baias  
 Musa supervacuas Antonius, et tamen illis  
 me facit invisum, gelida cum perluor unda  
 per medium frigus. sane murteta relinqu

dictaque cessantem nervis elidere morbum  
 sulfura contemni vicus gemit, invidus aegris  
 qui caput et stomachum supponere fontibus audent  
 Clusinis Gabiosque petunt et frigida rura.  
 mutandus locus est et deversoria nota 10  
 practeragendus equus. ‘quo tendis? non mihi Cumas  
 est iter aut Baias’ laeva stomachosus habena  
 dicet eques: sed equis frenato est auris in ore;—  
 maior utrum populum frumenti copia pascat;  
 collectosne bibant imbris puteosne perennis  
 iugis aquae;—nam vina nihil moror illius orae.  
 rure meo possum quidvis perferre patique:  
 ad mare cum veni, generosum et lene requiro,  
 quod curas abigat, quod cum spe divite manet  
 in venas animumque meum, quod verba ministret, 20  
 quod me Lucanae iuvenem commendet amicae;—  
 tractus uter pluris lepores, uter educet apros;  
 utra magis piscis et echinos aequora celent,  
 pinguis ut inde domum possim Phaeaxque reverti,  
 scribere te nobis, tibi nos accredere par est.  
 Maenius, ut rebus maternis atque paternis  
 fortiter absumptis urbanus coepit haberis,  
 scurra vagus, non qui certum praesepe teneret,  
 impransus non qui civem dignosceret hoste, 30  
 quaelibet in quemvis opprobria fingere saevus,  
 pernicies et tempestas barathrumque macelli,  
 quicquid quaesierat, ventri donabat avaro.  
 hic ubi nequitiae sautoribus et timidis nil  
 aut paullum abstulerat, patinas cenabat omasi,  
 vilis et agninae, tribus ursis quod satis esset;  
 scilicet ut ventris lamna candente nepotum  
 diceret urendos, corrector Bestius. idem  
 quidquid erat nactus praedae maioris, ubi omne  
 verterat in sumum et cinerem, ‘non hercule miror’

aiebat 'si qui comedunt bona, cum sit obeso  
nil melius turdo, nil volva pulchrius ampla.' 40  
nimirum hic ego sum. nam tuta et parvola laudo,  
cum res deficiunt, satis inter vilia fortis :  
verum ubi quid melius contingit et unctius, idem  
vos sapere et solos aio bene vivere, quorum  
conspicitur nitidis fundata pecunia villis.

XVI. **N**E perconteris fundus meus, optime Quinti,  
arvo pascat erum an bacis opulentet  
olivæ,

pomisne an pratis an amicta vitibus ulmo,  
scribetur tibi forma loquaciter et situs agri.  
continui montes, ni dissocientur opaca  
valle, sed ut veniens dextrum latus aspiciat sol,  
laevum discedens curru fugiente vaporet.  
temperiem laudes. quid, si rubicunda benigni  
corna vepres et pruna ferant? si quercus et ilex  
multa fruge pecus, multa dominum iuvet umbra? 10  
dicas adductum propius frondere Tarentum.  
fons etiam rivo dare nomen idoneus, ut nec  
frigidior Thracam nec purior ambiat Hebrus,  
infirmo capiti fluit utilis, utilis alvo.  
hae latebrae dulces, etiam, si credis, amoenae,  
incolumem tibi me praestant Septembribus horis.  
tu recte vivis si curas esse quod audis.  
iactamus iam pridem omnis te Roma beatum :  
sed vereor ne cui de te plus quam tibi credas,  
neve putas alium sapiente bonoque beatum,  
neu, si te populus sanum recteque valentem  
dictitet, occultam febrem sub tempus edendi  
dissimules, donec manibus treinor incidat unctis. 20

stultorum incurata pudor malus ulcera celat.  
 si quis bella tibi terra pugnata marique  
 dicat, et his verbis vacuas permulceat auris,  
 ‘tene magis salvum populus velit an populum tu,  
 servet in ambiguo qui consultit et tibi et Urbi  
 Iuppiter;’ Augsti laudes agnoscere possis:  
 cum pateris sapiens emendatusque vocari,  
 respondesne tuo, dic sodes, nomine? nempe  
 vir bonus et prudens dici delector ego ac tu.  
 qui dedit hoc hodie, cras si volet auferet, ut si  
 detulerit fascis indigno, detrahet idem.  
 ‘pone, meum est’ inquit: pono tristisque recedo.  
 idem si clamet furem, neget esse pudicum,  
 contendat laqueo collum pressisse paternum,  
 mordear opprobriis falsis mutemque colores?  
 falsus honor iuvat et mendax infamia terret  
 quem nisi mendo sum et medicandum? vir bonus est  
 quis?

qui consulta patrum, qui leges iuraque servat,  
 quo multae magna equaque secantur iudice lites,  
 quo res sponsore et quo causae teste tenentur.  
 sed videt hunc omnis domus et vicinia tota  
 introrsus turpem, speciosum pelle decora.  
 ‘nec furtum feci nec fugi’ si mihi dicit  
 servus; ‘habes pretium, loris non ureris’ aio.  
 ‘non hominem occidi.’ ‘non pasces in cruce corvos.’  
 ‘sum bonus et frugi.’ renuit negitatque Sabellus.  
 cautus enim metuit soveam lupus accipiterque  
 suspectos laqueos et opertum miluus hamum.  
 oderunt peccare boni virtutis amore;  
 tu nihil admittes in te formidine poenae:  
 sit spes fallendi, miscebis sacra profanis.  
 nam de mille fabae modiis cum surripis unum,  
 damnum est, non facinus, mihi pacto lenius isto.

vir bonus, omne forum quem spectat et omne tribunal,  
 quandocumque deos vel porco vel bove placat,  
 ‘Iane pater’ clare, clare cum dixit ‘Apollo,’  
 labra movet metuens audiri : ‘pulcra Laverna,      60  
 da mihi fallere, da iusto sanctoque videri,  
 noctem peccatis et fraudibus obice nubem.’  
 qui melior servo, qui liberior sit avarus,  
 in triviis fixum cum se demittit ob assem,  
 non video. nam qui cupiet, metuet quoque : porro  
 qui metuens vivet, liber mihi non erit umquam.  
 perdidit arma, locum virtutis deseruit, qui  
 semper in augenda festinat et obruitur re.  
 vendere cum possis captivum, occidere noli :  
 serviet utiliter : sine pascat durus aretque,      70  
 naviget ac mediis hiemet mercator in undis,  
 annonae prosit, portet frumenta penusque.  
 vir bonus et sapiens audebit dicere ‘Penthaler,  
 rector Thebarum, quid me perferre patique  
 indignum coges?’ ‘adimam bona.’ ‘nempe pecus,  
 rem,  
 lectos, argentum. tollas illicet.’ ‘in manicis et  
 compedibus saevo te sub custode tenebo.’  
 ‘ipse deus, simul atque volam, me solvet.’ opinor  
 hoc sentit, ‘moriar.’ mors ultima linea rerum est.

XVII. **Q**UAMVIS, Scaeva, satis per te tibi consulis  
 et scis  
 quo tandem pacto deceat maioribus uti,  
 disce, docendus adhuc quae censet amiculus, ut si  
 caecus iter monstrare velit : tamen adspice siquid  
 et nos quod cures proprium fecisse loquamur.  
 si te grata quies et primam somnus in horam

delectat, si te pulvis strepitusque rotarum,  
 si laedit caupona, Ferentinum ire iubebo.  
 nam neque divitibus contingunt gaudia solis,  
 nec vixit male, qui natus moriensque fefeller.      10  
 si prodesse tuis pauloque benignius ipsum  
 te tractare voles, accedes siccus ad unctum.  
 ‘si pranderet holus patienter, regibus uti  
 nollet Aristippus.’ ‘si sciret regibus uti,  
 fastidiret holus, qui me notat,’ utrius horum  
 verba probes et facta doce, vel iunior audi  
 cur sit Aristippi potior sententia. namque  
 mordacem Cynicum sic eludebat, ut aiunt :  
 ‘scurror ego ipse mihi, populo tu : rectius hoc et  
 splendidius multo est. equus ut me portet, alat rex,  
 officium facio : tu poseis viliā rerum,      21  
 dante minor, quamvis fers te nullius egentem.  
 omnis Aristippum decuit color et status et res,  
 temptantem maiora, fere praesentibus aequum.  
 contra, quem duplici panno patientia velat,  
 mirabor, vitae via si conversa decebit.  
 alter purpureum non exspectabit amictum ;  
 quidlibet indutus celeberrima per loca vadet,  
 personamque feret non inconcinnus utramque :  
 alter Miletii textam cane peius et angui      30  
 vitabit chlamydem ; morietur frigore si non  
 rettuleris pannum. refer et sine vivat ineptus.  
 res gerere et captos ostendere civibus hostis,  
 attingit solium Iovis et caelestia temptat.  
 principibus placuisse viris non ultima laus est.  
 non cuivis homini contingit adire Corinthum.  
 sed sit qui timuit ne non succederet : esto.  
 quid ? qui pervenit, fecitne viriliter ? atqui  
 hic est aut nusquam quod quaerimus. hic onus horret,  
 ut parvis animis et parvo corpore maius :      40

hic subit et perfert. aut virtus nomen inane est,  
 aut decus et pretium recte petit experiens vir.  
 coram rege sua de paupertate tacentes  
 plus poscente ferent : distat sumasne pudenter  
 an rapias. atqui rerum caput hoc erat, hic fons.  
 ‘indotata mihi soror est, paupercula mater,  
 et fundus nec vendibilis nec pascere firmus’  
 qui dicit, clamat ‘victum date.’ succinit alter  
 ‘et mihi dividuo findetur munere quadra.’  
 sed tacitus pasci si posset corvus, haberet       50  
 plus dapis et rixae multo minus invidiaeque.  
 Brundisium comes aut Surrentum ductus amoenum  
 qui queritur salebras et acerbum frigus et imbris,  
 aut cistam effractam et subducta viatica plorat,  
 nota refert mercetricis acumina, saepe catellam,  
 saepe periscelidem raptam sibi flentis, uti mox  
 nulla fides damnis verisque doloribus adsit.  
 nec semel irrisus triviis attollere curat  
 fracto crure planum, licet illi plurima manet  
 lacrima, per sanctum iuratus dicat Osirim       60  
 ‘credite, non ludo : crudles, tollite claudum :’  
 ‘quaere peregrinum’ vicinia rauca reclamat.

XVIII. **S**I bene te novi, metues, liberrime Lolli,  
 scurrantis speciem praebere, professus  
 amicum.  
 ut matrona meretrici dispar erit atque  
 discolor, infido scurrae distabit amicus.  
 est huic diversum vitio vitium prope maius,  
 asperitas agrestis et inconcinna gravisque,  
 quae se commendat tonsa cute, dentibus atris,  
 dum volt libertas dici mera veraque virtus.

virtus est medium vitiorum et utriusque reductum.  
 alter in obsequium plus aequo pronus, et imi  
 derisor lecti, sic nutum divitis horret,  
 sic iterat voces et verba calentia tollit,  
 ut puerum saevo credas dictata magistro  
 reddere vel partes minum tractare secundas :  
 alter rixatur de lana saepe caprina,  
 propugnat nugis armatus : ‘ scilicet ut non  
 sit mihi prima fides et vere quod placeat ut non  
 acriter elatrem ? pretium actas altera sordet.’  
 ambigitur quid enim ? Castor sciat an Dolichos plus ;  
 Brundisium Minuci melius via ducat an Appi.      20  
 quem damnosa venus, quem praeceps alea nudat,  
 gloria quem supra vires et vestit et unguit,  
 quem tenet argenti sitis importuna famesque,  
 quem paupertatis pudor et fuga, dives amicus,  
 saepe decem vitiis instructior, odit et horret ;  
 aut, si non odit, regit ac veluti pia mater  
 plus quam se sapere et virtutibus esse priorem  
 volt, et ait prope vera : ‘ meae—contendere noli—  
 stultitiam patiuntur opes : tibi parvola res est.  
 arta decet sanum comitem toga : desine mecum      30  
 certare.’ Eutrapelus, cuicumque nocere volebat,  
 vestimenta dabat pretiosa : ‘ beatus enim iam  
 cum pulchris tunicis sumet nova consilia et spes ;  
 dormiet in lucem, scorto postponet honestum  
 officium, nummos alienos pascet, ad imum  
 Thraex erit aut holitoris aget mercede caballum.’  
 arcanum neque tu scrutaberis illius umquam,  
 commissumque teges et vino tortus et ira.  
 nec tua laudabis studia aut aliena reprehendes,  
 nec, cum venari volet ille, poemata panges.      40  
 gratia sic fratrum geminorum Amphionis atque  
 Zethi dissiluit, donec suspecta severo

conticuit lyra. fraternis cessisse putatur  
moribus Amphion : tu cede potentis amici  
lenibus imperiis, quotiensque educet in agros  
Aetolis onerata plagis iumenta canesque,  
surge et inhumanae senium depone Camenae,  
cenes ut pariter pulmenta laboribus empta ;  
Romanis sollemne viris opus, utile famae  
vitaeque et membris, praesertim cum valeas et      50  
vel cursu superare canem vel viribus aprum  
possis. adde virilia quod speciosius arma  
non est qui tractet : scis quo clamore coronae  
proelia sustineas campestria ; denique saevam  
militiam puer et Cantabrica bella tulisti  
sub duce, qui templis Parthorum signa refigit  
nunc, et siquid abest Italis adiudicat armis.  
ac ne te retrahas et inexcusabilis absis,  
quamvis nil extra numerum fecisse modumque  
curas, interdum nugaris rure paterno :      60  
partitur lintris exercitus ; Actia pugna  
te duce per pueros hostili more refertur ;  
adversarius cst frater, lacus Hadria, donec  
alterutrum velox Victoria fronde coronet.  
consentire suis studiis qui crediderit te,  
fautor utroque tuum laudabit pollice ludum.  
protinus ut moneam, siquid monitoris eges tu,  
quid de quoque viro et cui dicas saepe videto.  
percontatorem fugito : nam garrulus idem est,  
nec retinent patulae commissa fideliter aures,      70  
et semel emissum volat irrevocabile verbum.  
non ancilla tuum iccur ulceret ulla puerve  
intra marmoreum venerandi limen amici ;  
ne dominus pueri pulcri caraeve puellae  
munere te parvo heet aut incommodus angat.  
qualem commendes etiam atque etiam adspice, ne mox

ineutiant aliena tibi peccata pulorem.  
 fallimur et quoniam non dignum tradimus : ergo  
 quem sua culpa piemet, deceptus omitte tueri,  
 ut penitus notum, si temptent crima, serves 80  
 tuterisque tuo fidentem praesidio : qui  
 dente Thennino cum circumroditur, ecquid  
 ad te post paulo ventura pericula sentis ?  
 nam tua res agitur, paries cum proximus ardet,  
 et neglecta solent incendia sumere vires.  
 dulcis inexpertis cultura potentis amici :  
 expertus metuit. tu, dum tua navis in alto est,  
 hoc age, ne mutata retrorsum te ferat aura.  
 oderunt hilarem tristes tristemque iocosi,  
 sedatum celeres, agilem navuinque remissi, 90  
 potores bibuli me lia de nocte Falerni  
 oderunt porrecta negantem pocula, quamvis  
 nocturnos iures te formidare temores.  
 deme supercilios nubem : plerumque modestus  
 occupat obscuri speciem, taciturnus acerbi.  
 inter cuncta leges et percontabere doctos,  
 qua ratione queas traducere leniter aevuni,  
 num te semper inops agitat vexetque cupido,  
 num pavor et rerum mediocriter utilium spes, 100  
 virtutem doctrina paret naturane donet,  
 quid minuat curas, quid te tibi reddat amicum,  
 quid pure tranquillet, honos an dulce lucellum  
 an secretum iter et fallentis semita vitae.  
 me quotiens reficit gelidus Digenzia rivus,  
 quem Mandela bilit, rugosus frigore pagus,  
 quid sentire putas, quid credis, amice, precari ?  
 sit mihi quod nunc est, etiam minus, et mihi vivam  
 quod superest aevi, siquid superesse volunt di :  
 sit bona librorum et provisae frugis in annum  
 copia, neu fluitem dubiae spe pendulus horae. 110

sed satis est orare Iovem, quae ponit et aufert :  
det vitam, det opes ; aequum mihi animum ipse parabo.

XIX. PRISCO si credis, Maecenas docte, Cratino,  
nulla placere diu nec vivere carmina possunt  
quae scribuntur aquae potoribus. ut male sanos  
adscripsit Liber Satyris Faunisque poetas,  
vina fere dulces oluerunt mane Camenae.  
laudibus arguitur vini vinosus Homerus :  
Ennius ipse pater numquam nisi potus ad arma  
prosiluit dicenda. ‘ Forum putealque Libonis  
mandabo siccis, adimam cantare severis.’  
hoc simul edixi, non cessavere poetae  
nocturno certare mero, putere diurno.  
quid? si quis voltu torvo ferus et pede nudo  
exiguaeque togae simulet textore Catonem,  
virtutemne repraesentet moresque Catonis?  
rupit Iarbitam Timagenis aemula lingua,  
dum studet urbanus tenditque disertus haberi.  
decipit exemplar vitiis imitabile : quodsi  
pallerem casu, biberent exsangue cuminum.  
o imitatores, servum pecus, ut mihi saepe  
bilem, saepe iocum vestri movere tumultus!  
libera per vacuum posui vestigia princeps,  
non aliena meo pressi pede. qui sibi fidit,  
dux regit examen. Parios ego primus iambos  
ostendi Latio, numeros animosque secutus  
Archilochi, non res et agentia verba Lycamben.  
ac ne me foliis ideo brevioribus ornes,  
quod timui mutare modos et carminis artem,  
temperat Archilochi musam pede mascula Sappho,  
temperat Alcaeus, sed rebus et ordine dispar,

nec socerum querit quem versibus oblinat atris,      30  
 nec sponsae laqueum famoso carmine nectit.  
 hunc ego, non alio dictum prius ore, Latinus  
 volgavi fidicen ; iuvat inmemorata ferentem  
 ingenuis oculisque legi manibusque teneri.  
 scire velis, mea cur ingratus opuscula lector  
 laudet ametque domi, premat extra limen iniquus :  
 non ego ventosae plebis suffragia venor  
 impensis cenarum et tritae munere vestis,  
 non ego, nobilium scriptorum auditor et ulti,  
 grammaticas ambire tribus et pulpita dignor.      40  
 hinc illae lacrimae. ‘spissis indigna theatris  
 scripta pudet recitare et nugis addere pondus’  
 si dixi, ‘rides’ ait ‘et Iovis auribus ista  
 servas : fidis enim manare poetica mella  
 te solum, tibi pulcher.’ ad haec ego naribus uti  
 formido et, luctantis acuto ne secer ungui,  
 ‘displacet iste locus’ clamo et diludia posco.  
 ludus enim genuit trepidum certamen et iram,  
 ira truces inimicitias et funebre bellum.

XX. VERTUMNUM Ianumque, liber, spectare  
 videris,  
 scilicet ut prostes Sosiorum pumice mundus.  
 odisti clavis et grata sigilla pudico,  
 paucis ostendi gemis et communia landas,  
 non ita nutritus. fuge quo descendere gestis :  
 non erit emisso redditus tibi. ‘quid miser egi ?  
 quid volui ?’ dices ubi quis te laeserit ; et scis  
 in breve te cogi cum plenus languet amator.  
 quodsi non odio peccantis desipit augur,  
 carus eris Romae donec te deserat aetas :      10

contrectatus ubi manibus sordescere volgi  
cooperis, aut tineas pasces taciturnus inertis  
aut fugies Uticam aut vinctus mitteris Ilerdam.  
ridebit monitor non exauditus, ut ille  
qui male parentem in rupis protrusit asellum  
iratus : quis enim invitum servare laboret ?  
hoc quoque te manet, ut pueros elementa docentem  
occupet extremis in vicis balba senectus.  
cum tibi sol tepidus pluris admoverit auris,  
me libertino natum patre et in tenui re  
maiores pennas nido extendisse loqueris,  
ut quantum generi demas, virtutibus addas ;  
me primis Urbis belli placuisse domique ;  
corporis exigui, praecanum, solibus aptum,  
irasci celerem, tamen ut placabilis essem.  
forte meum siquis te percontabitur aevum,  
me quater undenos sciat implevisse Decembris,  
collegam Lepidum quo duxit Lollius anno.

## EPISTULARUM.

### LIBER SECUNDUS.

I. CUM tot sustineas et tanta negotia solus,  
res Italas armis tuteris, moribus ornas,  
legibus emendes, in publica commoda peccem,  
si longo sermone morer tua tempora, Caesar.  
Romulus et Liber pater et cum Castore Pollux,  
post ingentia facta deorum in templa recepti,  
dum terras hominumque colunt genus, aspera bella  
componunt, agros adsignant, oppida condunt,  
ploravere suis non respondere favorem  
speratum meritis. diram qui contudit Hydrām      10  
notaque fatali portenta labore subegit,  
comperit invidiam supremo fine domari.  
urit enim fulgore suo qui praegravat artes  
infra se positas : extinctus amabitur idem.  
praesenti tibi maturos largimur honores,  
iurandasque tuum per numen ponimus aras,  
nil oriturum alias, nil ortum tale fatentes.

sed tuus hic populus, sapiens et iustus in uno  
te nostris ducibus, te Grais anteserendo,  
cetera nequaquam simili ratione modoque  
aestimat, et nisi quae terris semota suisque  
temporibus defuncta videt, fastidit et odit,  
sic fautor veterum, ut tabulas peccare vetantis  
quas bis quinque viri sanxerunt, foedera regum  
vel Gabiis vel cum rigidis aequata Sabinis,  
pontificum libros, annosa volumina vatum  
dictitet Albano Musas in monte locutas.

si, quia Graiorum sunt antiquissima quaque  
scripta vel optima, Romani pensantur eadem  
scriptores trutina, non est quod multa loquamur : 30  
nil intra est oleam, nil extra est in nuce duri ;  
venimus ad summum fortunae ; pingimus atque  
psallimus et luctamur Achivis doctius unctis.  
si meliora dies, ut vina, poemata reddit,  
scire velim, chartis pretium quotus adroget annus.  
scriptor abhinc annos centum qui decidit, inter  
perfectos veteresque referri debet an inter  
vilos atque novos ? excludat iurgia finis.

‘est vetus atque probus centum qui perficit annos.’  
quid ? qui deperiit minor uno mense vel anno, 40  
inter quos referendus erit ? veteresne poetas,  
an quos et praesens et postera respuat aetas ?

‘iste quidem veteres inter ponetur honeste,  
qui vel mense brevi vel toto est iunior anno.’  
utor permisso, caudaeque pilos ut equinae  
paullatim vello et demo unum, demo et item unum,  
dum cadat elusus ratione ruentis acervi,  
qui redit in fastos et virtutem aestimat annis,  
miraturque nihil nisi quod Libitina sacravit.  
Ennius et sapiens et fortis et alter Homerus, 50  
ut critici dicunt, leviter curare videtur

que promissa cadant et somnia Pythagorea.  
 Naevius in manibus non est et mentibus haeret  
 paene recens? adeo sanctum est vetus omne poema.  
 ambigitur quotiens uter utro sit prior, ausert  
 Pacuvius docti famam senis, Accius alti,  
 dicitur Afrani toga convenisse Menandro,  
 Plautus ad exemplar Siculi properare Epicharmi,  
 vincere Caecilius gravitate, Terentius arte.  
 hos ediscit et hos arto stipata theatro        60  
 spectat Roma potens; habet hos numeratque poetas  
 ad nostrum tempus Livi scriptoris ab aevo.  
 interdum volgus rectum videt; est ubi peccat.  
 si veteres ita miratur laudatque poetas  
 ut nihil anteserat, nihil illis comparet, errat:  
 si quaedam nimis antique, si pleraque dure  
 dicere credit eos, ignave multa fatetur,  
 et sapit et mecum facit et Iove iudicat aequo.  
 non equidem insector delendave carmina Livi  
 esse reor, memini quae plagosum mihi parvo        70  
 Orbilium dictare: sed emendata videri  
 pulchraque et exactis minimum distantia miror.  
 inter quae verbum emicuit si forte decorum,  
 si versus paulo concinnior unus et alter,  
 iniuste totum dicit venditque poema.  
 indignor quicquam reprendi, non quia crasse  
 compositum inlepidewe putetur, sed quia nuper,  
 nec veniam antiquis, sed honorem et praemia posci.  
 recte necne crocum floresque perambulet Attae  
 fabula si dubitem, clament periisse pudorem        80  
 cuncti paene patres, ea cum reprendere coner  
 quae gravis Aesopus, quae doctus Roscius egit;  
 vel quia nil rectum, nisi quod placuit sibi, ducunt,  
 vel quia turpe putant parere minoribus, et quae  
 inberbi didicere, senes perdenda fateri.

iam Saliare Numae carmen qui laudat, et illud  
quod mecum ignorat solus volt scire videri,  
ingeniis non ille favet plauditque sepultis,  
nostra sed impugnat, nos nostraque lividus odit.  
quodsi tam Graecis novitas invisa fuisse  
90 quam nobis, quid nunc esset vetus? aut quid haberet  
quod legeret tereretque viritim publicus usus?  
ut primum positis nugari Graecia bellis  
coepit et in vitium fortuna labier aequa,  
nunc athletarum studiis, nunc arsit equorum,  
marmoris aut eboris fabros aut aeris amavit,  
suspendit picta voltum mentemque tabella,  
nunc tibicinibus, nunc est gavisa tragoedis;  
sub nutrice puella velut si luderet infans,  
quod cupide petiit, mature plena reliquit.  
100 quid placet aut odio est, quod non mutabile credas?  
hoc paces habuere bonae ventique secundi.  
Romae dulce diu fuit et sollemne reclusa  
mane domo vigilare, clienti promere iura,  
cautos nominibus rectis expendere nummos,  
maiores audire, minori dicere, per quae  
crescere res posset, minui damnsa libido.  
mutavit mentem populus levis et calet uno  
scribendi studio; pueri patresque severi  
fronde comas vinceti cenant et carmina dictant.  
110 ipse ego, qui nullos me adfirmo scribere versus,  
invenior Parthis mendacior, et prius orto  
sole vigil calatum et chartas et scrinia posco.  
navem agere ignarus navis timet; habrotonum aegro  
non audet nisi qui didicit dare; quod medicorum est  
promittunt medici; tractant fabrilia fabri:  
scribimus indocti doctique poemata passim.  
hic error tamen et levis haec insania quantas  
virtutes habeat sic collige. vatis avarus

non temere est animus : versus amat, hoc studet unum ;  
 detrimenta, fugas servorum, incendia ridet ;  
 non fraudem socio puerove incogitat ullam  
 pupillo ; vivit siliquis et pane secundo ;  
 militiae quamquam piger et malus, utilis urbi,  
 si das hoc, parvis quoque rebus magna iuvare.  
 os tenerum pueri balbumque poeta figurat,  
 torquet ab obsceneis iam nunc sermonibus aurem,  
 mox etiam pectus praeceptis format amicis,  
 asperitatis et invidiae corrector et irae,  
 recte facta refert, orientia tempora notis      130  
 instruit exemplis, inopem solatur et aegrum.  
 castis cum pueris ignara puella mariti  
 disceret unde preces, vatem ni Musa dedisset ?  
 poscit opem chorus et praesentia numina sentit,  
 caelestis implorat aquas docta prece blandus,  
 avertit morbos, metuenda pericula pellit,  
 impetrat et pacem et locupleteim frugibus annum.  
 carmine di superi placantur, carmine Manes.  
 agricolae prisci, fortis parvoque beati,  
 condita post frumenta levantes tempore festo      140  
 corpus et ipsum animum spe finis dura ferentem  
 cum sociis operum pueris et coniuge fida,  
 Tellurem porco, Silvanum lacte piabant,  
 floribus et vino Genium memorem brevis aevi.  
 Fescennina per hunc inventa licentia morem  
 versibus alternis opprobria rustica fudit,  
 libertasque recurrentis accepta per annos  
 lusit amabiliter, donec iam saevus apertam  
 in rabiem coepit verti iocus et per honestas  
 ire domos impune minax. doluere cruento      150  
 dente laccessiti : suit intactis quoque cura  
 condicione super communi : quin etiam lex  
 poenaque lata malo quae nollet carmine quemquam

describi. vertere modum, formidine fustis  
ad bene dicendum delectandumque redacti.  
Graecia capta ferum victorem cepit et artes  
intulit agresti Latio. sic horridus ille  
defluxit numerus Saturnius, et grave virus  
munditiae pepulere : sed in longum tamen aevum  
manserunt hodieque manent vestigia ruris.      160  
serus enim Graecis admovit acumina chartis,  
et post Punica bella quietus quaerere coepit  
quid Sophocles et Thespis et Aeschylus utile ferrent.  
temptavit quoque rem si digne vertere posset,  
et placuit sibi, natura sublimis et acer :  
nam spirat tragicum satis et feliciter audet,  
sed turpem putat inscite metuitque lituram.  
creditur, ex medio quia res arcessit, habere  
sudoris minimum ; sed habet comoedia tanto  
plus oneris quanto veniae minus. adspice Plautus      170  
quo pacto partes tuerit amantis ephippi,  
ut patris attenti, lenonis ut insidiosi,  
quantus sit Dossennus edacibus in parasitis,  
quam non adstricto percurrat pulpita socco.  
gestit enim nummum in loculos demittere, post hoc  
securus cadat an recto stet fabula talo.  
quem tulit ad scaenam ventoso Gloria curru,  
exanimat latus spectator, sedulus inflat :  
sic leve, sic parvum est, animum quod laudis avarum  
subruit aut reficit. valeat res ludicra, si me      180  
palma negata macrum, donata reducit opimum.  
saepe etiam audacem fugat hoc terretque poetam,  
quod numero plures, virtute et honore minores,  
indocti stolidique et depugnare parati,  
si discordet eques, media inter carmina poscunt  
aut ursum aut pugiles : his nam plebecula gaudet.  
verum equitis quoque iam migravit ab auro voluptas

omnis ad incertos oculos et gaudia vana.  
 quattuor aut pluris aulaea premuntur in horas,  
 dum fugiunt equitum turmae peditumque catervae; 190  
 mox trahitur manibus regum fortuna retortis,  
 esseda festinant, pilenta, petorrita, naves,  
 captivum portatur ebur, captiva Corinthus.  
 si foret in terris, rideret Democritus, seu  
 diversum confusa genus panthera camelo  
 sive elephas albus volgi converteret ora;  
 spectaret populum ludis attentius ipsis  
 ut sibi praebentem nimio spectacula plura;  
 scriptores autem narrare putaret asello  
 fabellam surdo. nam quae pervincere voces 200  
 evaluere sonum, referunt quem nostra theatra?  
 Garganum mugire putas nemus aut mare Tuscum,  
 tanto cum strepitu ludi spectantur et artes  
 divitiaeque peregrinae, quibus oblitus actor  
 cum stetit in scaena, concurrit dextera laevae.  
 dixit adhuc aliquid? nil sane. quid placet ergo?  
 lana Tarentino violas imitata veneno.  
 ac ne forte putas me, quae facere ipse recusem,  
 cum recte tractent alii, laudare maligne:  
 ille per extentum funem mihi posse videtur 210  
 ire poeta, meum qui pectus inaniter angit,  
 irritat, mulcet, falsis terroribus implet  
 ut magus, et modo me Thebis, modo ponit Athenis.  
 verum age et his, qui se lectori credere malunt  
 quam spectatoris fastidia ferre superbi,  
 curam redde brevem, si munus Apolline dignum  
 vis complere libris et vatibus addere calcar,  
 ut studio maiore petant Helicona virentem.  
 multa quidem nobis facimus mala saepe poetae,  
 —ut vineta egomet caedam mea—cum tibi librum 220  
 sollicito damus aut fesso; cum laedimur, unum

siquis amiconum est ausus reprehendere versum ;  
cum loca iam recitata revolvimus inrevocati ;  
cum lamentamur non apparere labores  
nostros et tenui deducta poemata filo ;  
cum speramus eo rem venturam ut, simul atque  
carmina rescieris nos fingere, commodus ultiro  
arcessas et egere vetes et scribere cegas :  
sed tamen est operae pretium cognoscere qualis  
aedituos habeat belli spectata domique                   230  
virtus, indigno non committenda poetac.  
gratus Alexandro regi magno fuit ille  
Choerilus, incultis qui versibus et male natis  
rettulit acceptos, regale nomisma, Philippos.  
sed veluti tractata notam labemque remittunt  
atramenta, fere scriptores carmine foedo  
splendida facta linunt. idem rex ille, poema  
qui tam ridiculum tam care prodigus emit,  
edicto vetuit ne quis se praeter Apellen  
pingeret, aut alius Lysippo ducret aera                   240  
fortis Alexandri voltum simulantia. quodsi  
iudicium subtile videndis artibus illud  
ad libros et ad haec Musarum dona vocares,  
Boeotum in crasso iurares aere natum.  
at neque dedecorant tua de se iudicia atque  
munera, quae multa dantis cum laude tulerunt,  
dilecti tibi Vergilius Variusque poetac ;  
nec magis expressi voltus per aenea signa  
quain per vatis opus mores aninique virorum  
clarorum apparent. nec sermones ego mallem                   250  
repentis per humum quain res componere gestas,  
terrarumque situs et flumina dicere et arces  
montibus impositas et barbara regna, tuisque  
auspiciis totum confecta duella per orbem,  
claustraque custodem pacis cohibentia Ianum,

et formidatam Parthis te principe Romam,  
 si quantum cuperem possem quoque : sed neque parvum  
 carmen maiestas recipit tua, nec meus audet  
 rem temptare pudor quam vires ferre recusent.  
 sedulitas autem stulte quem diligit urgunt,        260  
 praecipue cum se numeris commendat et arte :  
 discit enim citius meminitque libentius illud  
 quod quis deridet quam quod probat et veneratur.  
 nil moror officium quod me gravat ; ac neque facto  
 in peius voltu proponi cereus usquam,  
 nec prave factis decorari versibus opto ;  
 ne rubeam pingui donatus munere, et una  
 cum scriptore meo capsula porrectus opera  
 deferar in vicum vendentem tus et odores  
 et piper et quicquid chartis amicitur ineptis.        270

II. **F**LORE, bono claroque fidelis amice Neroni,  
 si quis forte velit puerum tibi vendere natum  
 Tibure vel Gabiis et tecum sic agat : ‘hic et  
 candidus et talos a vertice pulcher ad imos  
 fiet eritque tuus nummorum milibus octo,  
 verna ministeriis ad nutus aptus erilis,  
 litterulis Graecis imbutus, idoneus arti  
 cuilibet : argilla quidvis imitaberis uda :  
 quin etiam canet indoctum sed dulce bibenti.  
 multa fidem promissa levant, ubi plenius aequo        10  
 laudat venalis qui volt extrudere merces.  
 res urgunt me nulla ; meo sum pauper in aere.  
 nemo hoc mangonum faceret tibi : non temere a me  
 quivis ferret idem. semel hic cessavit et, ut fit,  
 in scalis latuit metuens pendentis habenae :  
 des nummos, excepta nihil te si fuga laedit :’

ille ferat pretium poenae securus, opinor.  
prudens emisti vitiosum ; dicta tibi est lex :  
insequeris tamen hunc et lite moraris iniqua.  
dixi me pigrum proficiscenti tibi, dixi      20  
talibus officiis prope mancum, ne mea saevus  
iurgares ad te quod epistula nulla rediret.  
quid tum profeci, mecum facientia iura  
si tamen attemptas? quereris super hoc etiam, quod  
exspectata tibi non mittam carmina mendax.  
Luculli miles collecta viatica multis  
aerumnis, lassus dum noctu stertit, ad assem  
perdiderat : post hoc vemens lupus, et sibi et hosti  
iratus pariter, ieunis dentibus acer,  
praesidium regale loco deiecit, ut aiunt,      30  
summe munito et multarum divite rerum.  
clarus ob id factum donis ornatur honestis,  
accipit et bis dena super sestertia nummum.  
forte sub hoc tempus castellum everttere praeator  
nescio quod cupiens hortari coepit eundem  
verbis, quae timido quoque possent addere mentem :  
'i, bone, quo virtus tua te vocat, i pede fausto,  
grandia latus meritorum praemia. quid stas?'  
post haec ille catus, quantumvis rusticus, 'ibit,  
ibit eo quo vis qui zonam perdidit' inquit.      40  
Romae nutriri mihi contigit atque doceri  
iratus Grais quantum nocuissest Achilles.  
adieccere bonae paulo plus artis Athenae,  
scilicet ut possem curvo dignoscere rectum,  
atque inter silvas Academi quaerere verum.  
dura sed emovere loco me tempora grato,  
civilisque rudem belli tulit aestus in arma  
Caesaris Augusti non responsura lacertis.  
unde simul primum me dimisere Philippi,  
decisis humilem pennis inopemque paterni      50

et laris et fundi, paupertas impulit audax  
 ut versus facerem : sed quod non desit habentem  
 quae poterunt umquam satis expurgare cicutae,  
 ni melius dormire putem quam scribere versus ?  
 singula de nobis anni praedantur euntes ;  
 eripuere iocos, venerem, convivia, ludum ;  
 tendunt extorquere poemata : quid faciam vis ?  
 denique non omnes eadem mirantur amantque :  
 carmine tu gaudes, hic delectatur iambis,  
 ille Bioncis sermonibus et sale nigro. 60

tres mihi convivae prope dissentire videntur,  
 poscentes vario multum diversa palato.  
 quid dem ? quid non dem ? renuis tu, quod iubet alter ;  
 quod petis, id sane est invisum acidumque duobus.  
 praeter cetera me Romaene poemata censes  
 scribere posse inter tot curas totque labores ?  
 hic sponsum vocat, hic auditum scripta, relictais  
 omnibus officiis : cubat hic in colle Quirini,  
 hic extremo in Aventino, visendus uterque :  
 intervalla vides humane commoda. ‘verum 70  
 purae sunt plateae, nihil ut meditantibus obstet.’  
 festinat calidus mulis gerulisque redemptor,  
 torquet nunc lapidem, nunc ingens machina tignum,  
 tristia robustis luctantur funera plaustris,  
 hac rabiosa fugit canis, hac lutulenta ruit sus :  
 i nunc et versus tecum meditare canoros.

scriptorum chorus omnis amat nemus et fugit urbem,  
 rite cliens Bacchi somno gaudentis et umbra :  
 tu me inter strepitus nocturnos atque diurnos  
 vis canere et contracta sequi vestigia vatum ? 80  
 ingenium, sibi quod vacuas desumpsit Athenas  
 et studiis annos septem dedit insenuitque  
 libris et curis, statua taciturnius exit  
 plerumque et risu populum quatit: hic ego rerum

fluctibus in mediis et tempestatibus urbis  
verba lyrae motura sonum conectere digner ?  
frater erat Romae consulti rhetor, ut alter  
alterius sermone meros audiret honores,  
Gracchus ut hic illi, foret huic ut Mucius ille.  
qui minus argutos vexat furor iste poetas ?      90  
carmina compono, hic elegos. mirabile visu  
caelatumque novem Musis opus ! adspice primum  
quanto cum fastu, quanto molimine circum  
spectemus vacuam Romanis vatibus aedem :  
mox etiam, si forte vacas, sequere et procul audi,  
quid ferat et quare sibi nectat uterque coronam.  
caedimur et totidem plagis consumimus hostem  
lento Samnites ad lumina prima duello.  
discedo Alcaeus puncto illius ; ille meo quis ?  
quis nisi Callimachus ? si plus adposcere visus,      100  
fit Mimnermus, et optivo cognomine crescit.  
multa fero, ut placem genus irritabile vatum,  
cum scribo et supplex populi suffragia capto :  
idem finitis studiis et mente recepta  
obturem patulas impune legentibus auris.  
ridentur mala qui componunt carmina ; verum  
gaudent scribentes et se venerant et ultro,  
si taceas, laudant quicquid scripsere beati.  
at qui legitimum cupiet fecisse poema,  
cum tabulis animum censoris sumet honesti ;      110  
audebit quaecumque parum splendoris habebunt  
et sine pondere erunt et honore indigna ferentur  
verba movere loco, quamvis invita recedant  
et versentur adhuc intra penetralia Vestae ;  
obscurata diu populo bonus eruet atque  
proferet in lucem speciosa vocabula rerum,  
quae priscis memorata Catonibus atque Cethegis  
nunc situs informis premit et deserta vetustas :

adsciscet nova, quae genitor produxerit usus.  
 veemens et liquidus puroque simillimus amni  
 fundet opes Latiumque beabit divite lingua ;  
 luxuriantia compescet, nimis aspera sano  
 levabit cultu, virtute carentia tollet ;  
 iudentis speciem dabit et torquebitur, ut qui  
 nunc Satyrum, nunc agrestem Cyclopa movetur.  
 praetulerim scriptor delirus inersque videri,  
 dum mea delectent mala me vel denique fallant,  
 quam sapere et ringi ? fuit haud ignobilis Argis  
 qui se credebat miros audire tragoedos  
 in vacuo laetus sessor plausorque theatro ;  
 cetera qui vitae servaret munia recto  
 more, bonus sane vicinus, amabilis hospes,  
 comis in uxorem, posset qui ignoscere servis  
 et signo laeso non insanire lagoenae,  
 posset qui rupem et puteum vitare patentem.  
 hic ubi cognatorum opibus curisque refectus  
 expulit elleboro morbum bilemque meraco  
 et reddit ad sese, ‘ pol me occidistis, amici,  
 non servastis’ ait, ‘ cui sic extorta voluptas  
 et demptus per vim mentis gratissimus error.’  
 nimirum sapere est abiectis utile nugis,  
 et tempestivum pueris concedere ludum,  
 ac non verba sequi fidibus modulanda Latinis,  
 sed verae numerosque modosque ediscere vitae.  
 quocirca mecum loquor haec tacitusque recordor :  
 si tibi nulla sitim finiret copia lymphae,  
 narrares medicis : quod quanto plura parasti  
 tanto plura cupis, nulline faterier audes ?  
 si volnus tibi monstrata radice vel herba  
 non fieret levius, fugeres radice vel herba  
 proficiente nihil curarier : audieras, cui  
 rem di donarent, illi decedere pravam

120

130

140

150

stultitiam, et cum sis nihilo sapientior ex quo  
plenior es, tamen uteris monitoribus isdem ?  
at si divitiae prudentem reddere possent,  
si cupidum timidumque minus te, nempe ruberes,  
viveret in terris te si quis avarior uno.  
si proprium est quod quis libra mercatus et aere est,  
quaedam, si credis consultis, mancipat usus ;  
qui te pascit ager, tuus est, et vilicus Orbi,      160  
cum segetes occat tibi mox frumenta daturas,  
te dominum sentit. das nummos, accipis uvam,  
pullos, ova, cadum temeti. nempe modo isto  
paullatim mercaris agrum, fortasse trecentis  
aut etiam supra nummorum milibus emptum.  
quid refert, vivas numerato nuper an olim ?  
empor Aricini quondam Veientis et arvi  
emptum cenat holus, quamvis aliter putat ; emptis  
sub noctem gelidam lignis calefactat aenum :  
sed vocat usque suum, qua populus adsita certis      170  
limitibus vicina refugit iurgia ; tamquam  
sit proprium quicquam, puncto quod mobilis horae  
nunc prece, nunc pretio, nunc vi, nunc morte suprema  
permutet dominos et cedat in altera iura.  
sic quia perpetuus nulli datur usus, et heres  
heredem alterius velut unda supervenit undam,  
quid vici prosunt aut horrea ? quidve Calabris  
saltibus adiecti Lucani, si metit Oreus  
grandia cum parvis, non exorabilis auro ?  
geimas, marmor, ebur, Tyrrhena sigilla, tabellas,      180  
argentum, vestis Gaetulo murice tinetas,  
sunt qui non habeant, est qui non curat habere.  
cur alter fratrum cessare et ludere et ungui  
praeferat Herodis palmetis pinguibus, alter  
dives et importunus ad umbram lucis ab ortu  
silvestrem flammis et ferro mitiget agrum,

scit Genius, natale comes qui temperat astrum,  
 naturae deus humanae, mortalis in unum  
 quodque caput, voltu mutabilis, albus et ater.  
 utar et ex modico quantum res poscit acervo      190  
 tollam, nec metuam quid de me iudicet heres,  
 quod non plura datis invenerit ; et tamen idem  
 scire volam, quantum simplex hilarisque nepoti  
 discrepet, et quantum discordet parcus avaro.  
 distat enim, spargas tua prodigus, an neque sumptum  
 invitus facias neque plura parare labores,  
 ac potius, puer ut festis Quinquatribus olim,  
 exiguo gratoque fruaris tempore raptim.  
 pauperies immunda †domus procul absit : ego utrum  
 nave ferar magna an parva, ferar unus et idem.      200  
 non agimur tumidis velis Aquilone secundo,  
 non tamen adversis aetatem ducimus Austris ;  
 viribus, ingenio, specie, virtute, loco, re  
 extremi primorum, extremis usque priores.  
 non es avarus : abi. quid ? cetera iam simul isto  
 cum vitio fugere ? caret tibi pectus inani  
 ambitione ? caret mortis formidine et ira ?  
 somnia, terrores magicos, miracula, sagas,  
 nocturnos lemures portentaque Thessala rides ?  
 natalis grate numeras ? ignoscis amicis ?      210  
 lenior et melior fis accidente senecta ?  
 quid te exempta iuvat spinis de pluribus una ?  
 vivere si recte nescis, decede peritis.  
 lusisti satis, edisti satis atque bibisti :  
 tempus abire tibi est, ne potum largius aequo  
 rideat et pulset lasciva decentius aetas.

DE ARTE POETICA

LIBER.



## DE ARTE POETICA.

HUMANO capiti cervicem pictor equinam  
iungere si velit et varias inducere plumas  
undique collatis membris, ut turpiter atrum  
desinat in pisces mulier formosa superne,  
spectatum admissi risum teneatis, amici?  
credite, Pisones, isti tabulae fore librum  
persimilem, cuius velut aegri somnia vanae  
fingentur species, ut nec pes nec caput uni  
reddatur formae. ‘pictoribus atque poetis  
quidlibet audendi semper fuit aqua potestas.’10  
scimus, et hanc veniam petimusque damusque vicissim;  
sed non ut placidis cocant immitia, non ut  
serpentes avibus geminentur, tigribus agni.  
inceptis gravibus plerumque et magna professis  
purpureus, late qui splendeat, unus et alter  
adsuitur pannus, cum lucus et ara Diana  
et properantis aquae per amoenos ambitus agros,  
aut flumen Rhenum aut pluvius describitur arcus,  
sed nunc non erat his locus. et fortasse cupressum

scis simulare: quid hoc, si fractis enat<sup>20</sup> expes  
 navibus, aere dato qui pingitur? amphora coepit  
 institui: currente rota cur urceus exit?  
 denique sit quidvis simplex dumtaxat et unum.  
 maxima pars vatum, pater et iuvenes patre digni,  
 decipimur specie recti: brevis esse labore,  
 obscurus fio; sectantem levia nervi  
 deficiunt animique; professus grandia turget;  
 serpit humi tutus nimium timidusque procellae;  
 qui variare cupit rem prodigaliter unam,  
 delphinum silvis adpingit, fluctibus aprum.  
 in vitium dicit culpae fuga, si caret arte.  
 Aemilium circa ludum faber unus et unguis  
 exprimet et mollis imitabitur aere capillos,  
 infelix operis summa, quia ponere totum  
 nesciet. hunc ego me, siquid componere curem,  
 non magis esse velim quam naso vivere pravo,  
 spectandum nigris oculis nigroque capillo.  
 sumite materiam vestris, qui scribitis, aequam  
 viribus, et versate diu, quid ferre recusent,  
 quid valeant umeri. cui lecta potenter erit res,  
 nec facundia deseret hunc nec lucidus ordo.  
 ordinis haec virtus erit et venus, aut ego fallor,  
 ut iam nunc dicat iam nunc debentia dici,  
 pleraque differat et praesens in tempus omittat.  
 in verbis etiam tenuis cautusque serendis,  
 hoc amet, hoc spernat promissi carminis auctor.  
 dixeris egregie, notum si callida verbum  
 reddiderit iunctura novum. si forte necesse est  
 indiciis monstrare recentibus abdita rerum,  
 fingere cinctutis non exaudita Cethegis  
 continget, dabiturque licentia sumpta pudenter;  
 et nova fictaque nuper habebunt verba fidem, si  
 Graeco fonte cadent, parce detorta. quid autem

20

30

40

50

Caecilio Plautoque dabit Romanus ademptum  
 Vergilio Varioque? ego cur, acquirere pauca  
 si possum, invideo, cum lingua Catonis et Enni  
 sermonem patrium ditaverit et nova rerum  
 nomina protulerit? licuit semperque licebit  
 signatum praesente nota producere nomen.  
 ut silvae solis pronos mutantur in annos,         60  
 prima cadunt; ita verborum vetus interit aetas,  
 et iuvenum ritu florent modo nata vigentque,  
 debemur morti nos nostraque: sive receptus  
 terra Neptunus classis Aquilonibus arcet,  
 regis opus, sterilisve palus diu aptaque remis  
 vicinas urbes alit et grave sentit aratum,  
 seu cursum mutavit iniquum frugibus amnis  
 doctus iter melius: mortalia facta peribunt,  
 nedum sermonum stet honos et gratia vivax.  
 multa renascentur quae iam cecidere, cadentque         70  
 quae nunc sunt in honore vocabula, si volet usus,  
 quem penes arbitrium est et ius et norma loquendi.  
 res gestae regumque ducumque et tristia bella  
 quo scribi possent numero, monstravit Homerus.  
 versibus impariter iunctis querimonia primum,  
 post etiam inclusa est voti sententia compos:  
 quis tamen exiguos elegos emiserit auctor,  
 grammatici certant, et adhuc sub iudice lis est.  
 Archilochum proprio rabies armavit iambo:  
 hunc socii cepere pedem grandesque cothurni,         80  
 alternis aptum sermonibus et popularis  
 vincentem strepitus et natum rebus agendis.  
 Musa dedit sidibus divos puerosque deorum  
 et pugilem victorem et equum certamine primum  
 et iuvenum curas et libera vina referre.  
 descriptas servare vices operumque colores  
 cur ego si nequeo ignoroque poeta salutor?

cur nescire pudens prave quam discere malo?  
 versibus exponi tragicis res comica non volt:  
 indignatur item privatis ac prope socco  
 dignis carminibus narrari cena Thyestae. 90  
 singula quaeque locum teneant sortita decentem.  
 interdum tamen et vocem comoedia tollit  
 iratusque Chremes tumido delitigat ore;  
 et tragicus plerumque dolet sermone pedestri  
 Telephus et Peleus, cum pauper et exsul uterque  
 proicit ampullas et sesquipedalia verba,  
 si curat cor spectantis tetigisse querela.  
 non satis est pulcra esse poemata: dulcia sunto,  
 et quocumque volent animum auditoris agunto. 100  
 ut ridentibus adrident, ita flentibus adsunt  
 humani voltus. si vis me flere, dolendum est  
 primum ipsi tibi: tunc tua me infortunia laedent,  
 Telephe vel Peleu: male si mandata loqueris,  
 aut dormitabo aut ridebo. tristia maestum  
 voltum verba decent, iratum plena minarum,  
 ludentem lasciva, severum seria dictu.  
 format enim natura prius nos intus ad omnem  
 fortunarum habitum; iuvat aut impellit ad iram,  
 aut ad humum maeoro gravi deducit et angit: 110  
 post effert animi motus interprete lingua.  
 si dicentis erunt fortunis absona dicta,  
 Romani tollent equites peditesque cachinnum.  
 intererit multum divusne loquatur an heros,  
 matusne senex an adhuc florente iuventa  
 servidus, et matrona potens an sedula nutrix,  
 mercatorne vagus cultorne virentis agelli,  
 Colchus an Assyrius, Thebis nutritus an Argis.  
 aut famam sequere aut sibi convenientia finge.  
 scriptor †honoratum si forte reponis Achillem,  
 impiger, iracundus, inexorabilis, acer 120

iura neget sibi nata, nihil non adroget armis.  
 sit Medea ferox invictaque, flebilis Ino,  
 perfidus Ixion, Io vaga, tristis Orestes.  
 siquid inexpertum scaenae committis et audes  
 personam formare novam, servetur ad imum  
 qualis ab incepto processerit et sibi constet.  
 difficile est proprie communia dicere ; tuque  
 rectius Iliacum carmen deducis in actus,  
 quam si proferres ignota indictaque primus.      130  
 publica materies privati iuris erit, si  
 non circa vilem patulumque moralberis orbem,  
 nec verbum verbo curabis reddere fidus  
 interpres, nec desilies imitator in artum,  
 unde pedem proferre pudor vetet aut operis lex.  
 nec sic incipies ut scriptor cyclicus olim,  
 ‘ fortunam Priami cantabo et nobile bellum.’  
 quid dignum tanto feret hic promissor hiatu ?  
 parturient montes, nascetur ridiculus mus.  
 quanto rectius hic qui nil molitur incepe :      140  
 ‘ dic mihi, Musa, virum, captae post tempora Troiae  
 qui mores hominum multorum vidi et urbes.’  
 non sumum ex fulgore, sed ex sumo dare lucem  
 cogitat, ut speciosa dehinc miracula promat,  
 Antiphaten Scyllamque et cum Cyclope Charybdis.  
 nec redditum Diomedis ab interitu Meleagri,  
 nec gemino bellum Troianum orditur ab ovo :  
 semper ad eventum festinat et in medias res  
 non secus ac notas auditorem rapit, et quae  
 desperat tractata nitescere posse relinquit,  
 atque ita mentitur, sic veris falsa remisceat,      150  
 primo ne medium, medio ne discrepet imum.  
 tu quid ego et populus mecum desideret audi :  
 si plausoris eges aulaea manentis et usque  
 sessuri, donec cantor ‘ vos plaudite ’ dicat,

aetatis cuiusque notandi sunt tibi mores,  
 mobilibusque decor naturis dandus et annis.  
 reddere qui voces iam scit puer et pede certo  
 signat humum, gestit paribus colludere et iram  
 colligit ac ponit temere et mutatur in horas. 160  
 imberbus iuvenis, tandem custode remoto,  
 gaudet equis canibusque et aprici gramine campi,  
 cereus in vitium flecti, monitoribus asper,  
 utilium tardus provisor, prodigus aeris,  
 sublimis cupidusque et amata relinquere pernix.  
 conversis studiis aetas animusque virilis  
 quaerit opes et amicitias, inservit honori,  
 commisisse cavet quod mox mutare laboret.  
 multa senem circumveniunt incommoda, vel quod 170  
 quaerit et inventis miser abstinet ac timet uti,  
 vel quod res omnis timide gelideque ministrat,  
 dilator, spe longus, iners, avidusque futuri,  
 difficilis, querulus, laudator temporis acti  
 se puero, castigator censorque minorum.  
 multa ferunt anni venientes comoda secum,  
 multa recedentes adimunt : ne forte seniles  
 mandentur iuveni partes puerisque viriles,  
 semper in adjunctis aevoque morabimur aptis.  
 aut agitur res in scaenis aut acta refertur.  
 segnius irritant animos demissa per aurem 180  
 quam quae sunt oculis subiecta fidelibus et quae  
 ipse sibi tradit spectator. non tamen intus  
 digna geri promes in scaenam, multaque tolles  
 ex oculis quae mox narret facundia praesens ;  
 ne pueros coram populo Medea trucidet,  
 aut humana palam coquat exta nefarius Atreus,  
 aut in avem Procne vertatur, Cadmus in anguem.  
 quodcumque ostendis mihi sic, incredulus odi.  
 neve minor neu sit quinto productior actu

fabula, quae posci volt et spectata reponi ;  
nec deus intersit nisi dignus vindice nodus  
inciderit ; nec quarta loqui persona laboret.  
actoris partis chorus officiumque virile  
defendat, neu quid medios intercenat actus  
quod non proposito conducat et haereat apte.  
ille bonis faveatque et consilietur amice  
et regat iratos et amet peccare timentis,  
ille dapes laudet mensae brevis, ille salubrem  
iustitiam legesque et apertis otia portis,  
ille tegat commissa, deosque precetur et oret  
ut redeat miseris, abeat fortuna superbis.  
tibia non ut nunc orichalco vincta tubaeque  
aemula, sed tenuis simplexque foramine paucō  
adspirare et adesse choris erat utilis atque  
nondum spissa nimis complere sedilia flatu :  
quo sane populus numerabilis, utpote parvus,  
et frugi castusque verecundusque coibat.  
postquam coepit agros extendere victor et urbes  
latior amplecti murus, vinoque diurno  
placari Genius festis impune diebus,  
accessit numerisque modisque licentia maior.  
indoctus quid enim saperet liberque laborum  
rusticus urbano confusus, turpis honesto ?  
sic priscae motumque et luxuriem addidit arti  
tibicen, traxitque vagus per pulpita vestem ;  
sic etiam fidibus voces crevere severis,  
et tulit eloquium insolitum facundia praeceps,  
utiliumque sagax rerum et divina futuri  
sortilegis non discrepuit sententia Delphis.  
carmine qui tragico vilem certavit ob hircum,  
mox etiam agrestis Satyros nudavit, et asper  
incolumi gravitate iocum temptavit, eo quod  
illecebris erat et grata novitate morandus

spectator functusque sacris et potus et exlex.  
 verum ita risores, ita commendare dicaces  
 conveniet Satyros, ita vertere seria ludo,  
 ne quicumque deus, quicumque adhibebitur heros,  
 regali conspectus in auro nuper et ostro,  
 migret in obscuras humili sermone tabernas,  
 aut, dum vitat humum, nubis et inania captet.      230  
 effutire levis indigna Tragoedia versus,  
 ut festis matrona moveri iussa diebus,  
 intererit Satyris paulum pudibunda protervis.  
 non ego inornata et dominantia nomina solum  
 verbaque, Pisones, satyrorum scriptor amabo,  
 nec sic enitar tragico differre colori,  
 ut nihil intersit Davusne loquatur et audax  
 Pythias emuneto lucrata Simone talentum,  
 an custos famulusque dei Silenus alumni.  
 ex noto fictum carmen sequar, ut sibi quivis      240  
 speret idem, sudet multum frustraque laboret  
 ausus idem : tantum series iuncturaque pollet,  
 tantum de medio sumptis accedit honoris.  
 silvis deducti caveant me iudice Fauni  
 ne velut innati triviis ac paene forenses  
 aut nimium teneris iuvenentur versibus umquam  
 aut immunda crepent ignominiosaque dicta :  
 offenduntur enim quibus est equus et pater et res,  
 nec, siquid fricti ciceris probat et nucis emptor,  
 aequis accipiunt animis donantve corona.      250  
 syllaba longa brevi subiecta vocatur iambus,  
 pes citus ; unde etiam trimetris accrescere iussit  
 nomen iambeis, cum senos redderet ictus  
 primus ad extremum similis sibi : non ita pridem,  
 tardior ut paullo graviorque veniret ad auris,  
 spondeos stabilis in iura paterna recepit  
 commodus et patiens, non ut de sede secunda

cederet aut quarta socialiter. hic et in Acci  
nobilibus trimetris appetet rarus, et Enni  
in scaenam missos cum magno pondere versus      260  
aut operae celeris nimium curaque parentis  
aut ignoratae premit artis crimine turpi.  
non quivis videt inmodulata poemata iudex,  
et data Romanis venia est indigna poetis.  
idcircone vager scribamque licenter? an omnis  
visuros peccata putem mea, tutus et intra  
spem veniae cautus? vitavi denique culpam,  
non laudem merui. vos exemplaria Graeca  
nocturna versate manu, versate diurna.

at vestri proavi Plautinos et numeros et      270  
laudavere sales; nimium patienter utrumque,  
ne dicam stulte, mirati, si modo ego et vos  
scimus inurbanum lerido seponere dicto,  
legitimumque sonum digitis callemus et aure.  
ignotum tragicae genus invenisse camenae  
dicitur et plaustris vexisse poemata Thespis,  
quae canerent agerentque per uncti saecibus ora.  
post hunc personae pallacque repertor honestae  
Aeschylus et modicis instravit pulpita tignis  
et docuit magnumque loqui nitique cothurno.  
successit vetus his comoedia, non sine multa  
laude: sed in vitium libertas excidit et vim  
dignam lege regi: lex est accepta, chorusque  
turpiter obticuit sublato iure nocendi.

nil intemperatum nostri lique poetae,  
nec minimum meruere decus, vestigia Gracca  
ausi descrere et celebrare domestica facta,  
vel qui practextas vel qui docuere togatas.  
nec virtute foret clarisve potentius armis  
quam lingua Latium, si non offenderet unum      280  
quemque poetarum limae labor et mora. vos, o

Pompilius sanguis, carmen reprendite quod non  
multa dies et multa litura coercuit atque  
praesectum deciens non castigavit al unguem.  
ingenium misera quia fortunatius arte  
credit et excludit sanos Helicone poetas  
Democritus, bona pars non unguis ponere curat,  
non barbam, secreta petit loca, balnea vitat.  
nanciscetur enim pretium nomenque poetae,  
si tribus Anticyris caput insanabile numquam  
tonsori Licino commiserit. o ego laevus,  
qui purgor bilem sub verni temporis horam !  
non aliis facheret meliora poemata : verum  
nil tanti est. ergo fungar vice cotis, acutum  
reddere quae ferrum valet, exsors ipsa secandi ;  
munus et officium nil scribens ipse docebo,  
unde parentur opes, quid alat formetque poetam,  
quid deceat, quid non, quo virtus, quo ferat error.  
scribendi recte sapere est et principium et fons.  
rem tibi Socratae poterunt ostendere chartae,  
verbaque provisam rem non invita sequentur.  
qui didicit patriae quid debeat et quid amicis,  
quo sit amore parens, quo frater amandus et hospes,  
quod sit conscripti, quod iudicis officium, quae  
partes in bellum missi ducis, ille profecto  
reddere personae scit convenientia cuique.  
respicere exemplar vitae morumque iubebo  
doctum imitatorem et vivas hinc ducere voces.  
interdum speciosa locis morataque recte  
fabula nullius veneris, sine pondere et arte,  
valdius oblectat populum meliusque moratur  
quam versus inopes rerum nugaeque canorae.  
Grais ingenium, Grais dedit ore rotundo  
Musa loqui, praeter laudem nullius avaris.  
Romani pueri longis rationibus assem

300

310

320

discunt in partes centum diducere. ‘dicat  
 filius Albini: si de quincunce remota est  
 uncia, quid superat? poteras dixisse.’ ‘triens.’ ‘eu.  
 rem poteris servare tuam. redit uncia, quid fit?’  
 ‘semis.’ an, haec animos aerugo et cura peculi      330  
 cum semel imbuerit, speramus carmina fingi  
 posse linenda cedro et levi servanda cupresso?  
 aut prodesse volunt aut delectare poetae  
 aut simul et iucunda et idonea dicere vitae.  
 quidquid praecipies, esto brevis, ut cito dicta  
 percipient animi dociles teneantque fideles:  
 omne supervacuum pleno de pectore manat.  
 ficta voluptatis causa sint proxima veris,  
 ne quodcumque velit poscat sibi fabula credi,  
 neu pransae Lamiae vivum puerum extrahat alvo.      340  
 centuriae seniorum agitant expertia frugis,  
 • celsi praetereunt austera poemata Ramnes;  
 omne tulit punctum qui miscuit utile dulci,  
 lectorem delectando pariterque monendo.  
 hic meret aera liber Sosiis; hic et mare transit  
 et longum noto scriptori prorogat aevum.  
 sunt delicta tamen quibus ignovisse velimus;  
 nam neque chorda sonum reddit quem volt manus et  
     mens,  
 poscentique gravem persaepe remittit acutum,  
 nec semper feriet quodcumque minabitur arcus.      350  
 verum ubi plura nitent in carmine, non ego paucis  
 offendar maculis, quas aut incuria fudit  
 aut humana parum cavit natura. quid ergo est?  
 ut scriptor si peccat idem librarius usque,  
 quamvis est monitus, venia caret, et citharoedus  
 ridetur chorda qui semper oberrat eadem,  
 sic mihi, qui multum cessat, fit Choerilus ille,  
 quem bis terve bonum cum risu miror; et idem

indignor quandoque bonus dormitat Homerus.  
 verum operi longo fas est obrepere somnum. 360  
 ut pictura poesis : erit quae, si proprius stes,  
 te capiat magis, et quaedam, si longius abstes ;  
 haec amat obscurum, volet haec sub luce videri,  
 iudicis argutum quae non formidat acumen ;  
 haec placuit semel, haec deciens repetita placebit.  
 o maior iuvenum, quamvis et voce paterna  
 singeris ad rectum et per te sapis, hoc tibi dictum  
 tolle memor, certis medium et tolerabile rebus  
 recte concedi ; consultus iuris et actor  
 causarum mediocris abest virtute diserti 370  
 Messallae nec scit quantum Cascellius Aulus,  
 sed tamen in pretio est : mediocribus esse poetis  
 non homines, non di, non concessere columnae.  
 ut gratas inter mensas symphonia discors  
 et crassum unguentum et Sardo cum melle papaver  
 offendunt, poterat duci quia cena sine istis,  
 sic animis natum inventumque poema iuvandis,  
 si paulum summo decessit, vergit ad imum.  
 ludere qui nescit, campestribus abstinet armis,  
 indoctusque pilae discive trochive quiescit, 380  
 ne spissae risum tollant impune coronae :  
 qui nescit versus tamen audet fingere. quidni ?  
 liber et ingenuus, praesertim census equestrem  
 summam nummorum, vitioque remotus ab omni.  
 tu nihil invita dices faciesve Minerva :  
 id tibi iudicium est, ea mens. siquid tamen olim  
 scripseris, in Maeci descendat iudicis auris  
 et patris et nostras, nonumqne prematur in annum,  
 membranis intus positis : delere licebit  
 quod non edideris ; nescit vox missa reverti. 390  
 silvestris homines sacer interpresque deorum  
 caedibus et victu foedo deterruit Orpheus,

dictus ob hoc lenire tigris rabidosque leones.  
 dictus et Amphion, Thebanae conditor urbis,  
 saxa movere sono testudinis et prece blanda  
 ducere quo vellet. fuit haec sapientia quondam,  
 publica privatis secernere, sacra profanis,  
 concubitu prohibere vago, dare iura maritis,  
 oppida moliri, leges incidere ligno.

sic honor et nomen divinis vatibus atque 400  
 carminibus venit. post hos insignis Homerus

Tyrtaeusque mares animos in Martia bella  
 versibus exacuit : dictae per carmina sortes,  
 et vitae monstrata via est, et gratia regum  
 Pieris temptata modis, ludusque repertus  
 et longorum operum finis ; ne forte pudori  
 sit tibi Musa lyrae sollers et cantor Apollo.

natura fieret laudabile carmen an arte,  
 quae situm est. ego nec studium sine divite vena,  
 nec rude quid possit video ingenium : alterius sic 410  
 altera poscit opem res et coniurat amice.

qui studet optatam cursu contingere metam,  
 multa tulit fecitque puer, sudavit et alsit,  
 abstinuit venere et vino ; qui Pythia cantat  
 tibicen, didicit prius extimuitque magistrum.  
 nec satis est dixisse ‘ego mira poemata pango :  
 occupet extremum scabies : mihi turpe relinquui,  
 et quod non didici sane nescire fateri.’

ut praeco, ad merces turbam qui cogit emendas,  
 assentatores iubet ad lucrum ire poeta

dives agris, dives positis in fenore nummis.  
 si vero est, unctum qui recte ponere possit  
 et spondere levi pro paupere et eripere atris  
 litibus implicitum, mirabor si sciit inter  
 noscere mendacem verumque beatus amicum.  
 tu seu donaris seu quid donare voles cui,

nolito ad versus tibi factos ducere plenum  
laetitiae : clamabit enim ‘ pulchre, bene, recte,’  
pallescat super his, etiam stillabit amicis  
ex oculis rorem, saliet, tundet pede terram.

430

ut qui conducti plorant in funere, dicunt  
et faciunt prope plura dolentibus ex animo, sic  
derisor vero plus laudatore movetur.

reges dicuntur multis urguere culullis  
et torquere mero quem perspexisse laborant,  
an sit amicitia dignus : si carmina condes,  
numquam te fallant animi sub volpe latentes.

Quintilio siquid recitares, ‘ corrige sodes  
hoc ’ aiebat ‘ et hoc.’ melius te posse negares,  
bis terque expertum frustra, delere iubebat  
et male tornatos incidi reddere versus.

440

si defendere delictum quam vertere malles,  
nullum ultra verbum aut operam insumebat inanem  
quin sine rivali teque et tua solus amares.

vir bonus et prudens versus reprendet inertis,  
culpabit duros, incomptis adlinet atrum .

transverso calamo signum, ambitiosa recidet  
ornamenta, parum claris lucem dare coget,  
arguet ambigue dictum, mutanda notabit,

fiet Aristarchus : non dicet ‘ cur ego amicum  
offendam in nugis ? ’ hae nugae seria ducent  
in mala derisum semel exceptumque sinistre.

450

ut mala quem scabies aut morbus regius urguit  
aut fanaticus error et iracunda Diana,

vesanum tetigisse timent fugiuntque poetam  
qui sapiunt : agitant pueri incautique sequuntur.

hic dum sublimis versus ructatur et errat,  
si veluti merulis intentus decidit auceps

in puteum foveamve, licet ‘ succurrite ’ longum  
clamet ‘ io cives ! ’ non sit qui tollere curet.


460

si curet quis opem ferre et demittere funem,  
‘ qui scis an prudens huc se proiecerit atque  
servari nolit ?’ dicam, Siculique poetae  
narrabo interitum. deus immortalis haberi  
dum cupid Empedocles, ardentem frigidus Aetnam  
insiluit. sit ius liceatque perire poetis.  
invitum qui servat idem facit occidenti.  
nec semel hoc fecit, nec si retractus erit iam,  
fiet homo et ponet famosae mortis amorem.  
nec satis appetat cur versus factitet ; utrum  
minixerit in patrios cineres, an triste bidental  
moverit incestus : certe furit, ac velut ursus  
objectos caveae valuit si frangere clathros,  
indoctum doctumque fugat recitator acerbus ;  
quem vero arripuit, tenet occiditque legendo,  
non missura cutem nisi plena crux hirudo.











5146

Horace

Opera; ed. by Cornish.

LL  
H8113Co

University of Toronto  
Library

DO NOT  
REMOVE  
THE  
CARD  
FROM  
THIS  
POCKET

---

Acme Library Card Pocket  
Under Pat. "Ref. Index File"  
Made by LIBRARY BUREAU

